

Світло кохання



4.2019

Чолөмалам!



Апрель витөд лунө **Алексей Васильевич Мишаринлы** тырис 70 арös.

Чужис Алексей Васильевич 1949 воын Көрткерөс районса Шойнаты сиктын. Õкмысөд классөдз велөдчис Шойнатыса шөр школаын, сэсса 1965 воын муніс велөдчыны Сыктыв-карса сельскохозяйственной техникумө. 1969 воын техник-механик дипломөн пырис уджавны механикөн «Вишерской» совхозө. Служитіс армияын. Служба бөрас сійө жө совхозас вөлі бригадир-механикөн, шөр отделениеса веськөд-

лысьөн, инженерөн. Сизим во Висерса шөр школаын нуөдіс производственной обучение. Школаас уджалігөн, 1980 воын, помаліс Ленинградса лесотехнической академия.

Став олөмыс Алексей Васильевичлөн лои йитчөма видз-му овмөскөд да литературакөд.

Гижны Алексей Васильевич заводитіс квайтөд классын. Кыдзи шуө ачыс: «Гижи чужан коми кывйөн аслым да рөдвужлы. Ёнджыкасө серамбанаөс, медым гажөдыштны матыссаясөс». Медводдза кывбурыс петіс «Войвыв кодзув» журналын 1967 воын. Гижө проза и поэзия кыдзи челядь-лы, сідзи и верстьöлы. Йөзөдчыліс районса да республикаса газетъясын, «Би кинь» да «Чушканзі» журналъясын. Пета-лісны книгаяс: «Зеп тыр коль», «Шоныд зэр», «Ид тусь», «Кармылькйын гожөм», «Кор лэбзьö коляоз».

Алексей Васильевич — уджвывса ветеран, Коми Республикаса заслуженной уджалысь, Почёт ордена кавалер. Сійөс бөрийвлісны РСФСР-са народной депутатөн. 2014 восянь Россияса гижысь котырын.

Став сьölөмсянь чолөмалам Алексей Васильевичөс чужан лунөн! Сиама крепыд дзоньвидзалун, гижан уджын выль вермөмъяс. Медым творческой ордымыс дыр на нуөдіс водзö, медым нөшта на петісны лыддьысьысьөн виччысяна гижөдъяс да книгаяс. Кузь нэм да бур шуд!



ПЕТӢ 1926 ВОСЯНЬ

ЛЭДЗӢНЫ: КОМИ РЕСПУБЛИКАСА ЮРАЛЫСЬЛӢН АДМИНИСТРАЦИЯ,
КОМИ РЕСПУБЛИКАСА ГИЖЫСЬ КОТЫР

ВОЙВЫВ КОДЗУВ



ISSN 0134-4323

БЫД ТӢЛЫССЯ ЛИТЕРАТУРНО-ХУДОЖЕСТВЕННОЙ ЖУРНАЛ

4 (868) КОС МУ (АПРЕЛЬ) 2019

ТАЙӢ НОМЕРЫН:

Василий ЛОДЫГИН. «Тэ видз на, видз на коми русӢ...»	
Кывбуръяс	3
Аркадий МИШИН. Из выльӢ из. Роман	7
Александр УЛЯШЕВ. Му вылын уна мен оз ков.	
Кывбуръяс	42

ВУНЛЫТӢМ НИМЪЯС. ЁРТЪЯСӢС КАЗЫТЫЛӢГ

ГижысьлӢн олан туй	45
Александр ПОРОШКИН. Усис шуд уджавны ӧтлаын	46
Николай ФРОЛОВ. Парма ловъя. Драма	49

ВИДЗӢДЛАС

Ольга БАЖЕНОВА. «О-ла-ла, Таврида!»	70
---	----

СЕРАМБАНА ГИЖӢД

Николай МАЛЫЦЕВ. СӢ пропал. Висьт	76
---	----

ПОШТА КУДӢЫСЬ

Видза оланнуд, редакцияса уджалысьяс!	79
---	----

12+

Обложка вылын снимокыс Юрий ЛисовскийлӢн.

© «Войвыв кодзув» («Северная звезда»), 2019 г.

СЫКТЫВКАР

СЕВЕРНАЯ ЗВЕЗДА



**Ежемесячный
литературно-художественный
журнал**



Учредители:

АДМИНИСТРАЦИЯ ГЛАВЫ РЕСПУБЛИКИ КОМИ

**«СОЮЗ ПИСАТЕЛЕЙ РЕСПУБЛИКИ КОМИ» - РЕГИОНАЛЬНОЕ
ОТДЕЛЕНИЕ ОБЩЕРОССИЙСКОЙ ОБЩЕСТВЕННОЙ ОРГАНИЗАЦИИ
«СОЮЗ ПИСАТЕЛЕЙ РОССИИ»**



Издатель:

АУ РК «ИЗДАТЕЛЬСКИЙ ДОМ КОМИ»

ДИРЕКТОР ОРЁЛ И.Н.



РЕДАКЦИОННАЯ КОЛЛЕГИЯ:

Главный редактор

ПОЛУТРУДОВ А.В.

Ответственный
секретарь

КИЧИГИН И.Н.

УЛЬЯНОВ А.В.

УЛЯШЕВ О.И.

ЛИМЕРОВА В.А.





«Тэ видз на, видз на коми русö...»

КЫВБУРЪЯС

Вөр керка

Вөр керка узытöдiс сён бокын,
Кос пескөн сійö вöлі шань.
Ми татчö локтiм, тöдан, кокөн,
Кор луныс чегис пемыдлань.

Дерт, позис узыны бипур дорын,
Но арыс турдöдiс нин ки.
Зэв вöлі бур, кор мича горөн
Кык мортлы ловзис пача би.

Эг босьтöй мортислысь, мый вöлі,
А сёйим ассыным ми рок
Да водiм сэсся стенъяс пöлөн,
Дась вольпасён эг тöдöй шог.

Вөр керкаяссö омöль айяс,
Ме кывлі, сотöны сэсь-тась.
Ме, веськыда кö шуны, найöс
Йöз водзын асыкавны дась.

Бур сійö, эмось мый бур йöзыс,
Да век на шудсö аддзам ми:
Кор пемдас енэжыслөн лöзыс,
Вөр керкаясын öзтам би.

Койт

Яг бокшаын век ловъя на важ койт,
Көн пемыднас на чукчи садсьö воштö.

Ме татысь дыр нин некодос ог дойд
Да ачымос дзик таысь, овло, ошка.

Он сылысьос тай клубын ли кон торк,
А тани сысь сяммысь од артистыс:
Оз сомьын сыыв, а чеччало шпур-шпор
Да весиг гонсо мукодъяслысь кисьто.

Том тулысын быд айлон пузьо вир,
И буретш муслун водзо озто олом.
И ена бур, мый който парма йир:
Ми, сидзко, олам ог на йизьом лолон.

Воккод — Колякод

Воккод — Колякод — мунам да лунтыродз черисо кыям,
Сийо шедо ко, быттьо ни лоддзыс, ни номйис оз сей.
Кылам лунтырнад вoryслысь-ваыслысь лосьыдик шыяс,
Оvlo, сёрон нин локтам, од гожомнад югыд век вой.

Мамным керас да пуас, и пражитас черисо сесся,
Мед коть унджыкыс гурина, чоскыда тяпкодчам ми.
Асьным батытогыд куимон тадзи и олыштам-пессям,
Быдтор вочам да ловьяось, пачаным кутчысьо би.

Абу вокой ни, мамой ни, отнамон куимсьыд коли,
Енмыс юкис мый, ковмас нин помодзис тыдодны сям.
Век на кыя ме черисо асланым юысь и ёлысь
Да век кыла да аддза, мый танось жо вокой да мам.

Августа ичинь

Менам ичинь — Августа —
Карсянь грездо воло,
Ёнджыкасё августнас
Сэни сийо оло.

Чужанінсё-керкасё,
Ворзьомсё нин, домло.
Нимкодясё серпасон —
Арся парма-ромон.

Матиникысь вотчышто,
Ыліо оз ветлы:
Тшоқыда нин очышто —
Сизимдасысь петіс.

Кыскё карсьыс Габово,
Кони кызьодз олис,
Эмон да и абуйон
Грездаяслы коліс.

Этшаён нин вылёны
Перымладор муас.
Бөрдёны и сьылёны —
Кыдзи олём шуас.

«Тані-й шоньд олёмой,
Сійос сьолём видзё»,—
Сёрни вылё волёмён,
Шулё меным ичинь.

Тані эськё-й бергаліс,
Больнича кё вөлі:
Сылы, а оз керкалы,
Мөрччө көдзыд төлыс.

Йёзын, бокын олёмён,
Гортыд бөрдмён колё:
Ыджыд сиктысь волёмён,
Ачым арбыд ола.

Шонді

«Трипан Васьыс» тырмымён,
Сувтөдны мед пас.
А өд сьлөн кырыма
Гижөд уна дас.

Перö увсьыс петöмыс
Ставыс сьлөн ён.
Пьесаыс, «Ныв сетöмыс»,
Сулалö мый дон!

Кывбуралöмторъясыс
Зэв жö лöсьыдöсь.
Рöмъясын и горъясын —
Сьолöмыслөн пöсь.

Кöть и тан оз кöдзлы нин
Уджач Трипан Вась,
Тима Веньлөн вöчлöмыс
Видзö йöзсö тась.

Эжва йывса шондіным
Сійö-й, гашкö, эм.
Югөръясыс шонтöны
Со нин мөдöд нэм.

Шондіыд кöть саявлö,
Сійö петö бөр.
Сідз жö-й ыджыд айловным,
Миян сьолёмшөр.

* * *

Зыряна дорё Тютчев пö оз лок...
Кыдз оз, кор сійöс дзолядырсянь лыддя,
И эз кө вöв поэтыс тайö быттö,
То вöлі эськö мыйтакö мен шог.

Мен колис юрö сылөн ловъя кыв,
Код велöдö и сёлöмөдзыд пырö.
Ме вежөрті да тшупи аслам нырö,
Мый колö тэчны ассыйд сыланкыв.

И нимкодясны, му вылас мый эм,
Көн овлö гожом, ар и төв, и тулыс,
Да сэтшөм лөсьыд овны енэж улас,
Мый олöма көть нöшта öти нэм.

Сыктывкар

О, кутшөм лөньюн сэк тэ вöлін,
Орбитатөм на Сыктывкар.
Тэ вöлін сөмын Сыктыв пöлөн,
Көть лыддин асьтö, мый тэ — сар.

Пединститутсянь туй вокзалөдз
Ни öти керка на эз вöв.
Ме вөркодяс и ветлышталі,
Көн вöлі грездам кодь жö чөв.

Пединститутас нель во ветлі
Да кадсö весьшөрö эг лот.
Ме велöдысьөн сэтысь петі,
Поэтөн шуси дай — эг чот.

И, дерт жö, вöлі муса нылыс
Да рытнас выя нянюн чай.
Ме сёлөм тырөн олі-вылі,
Көть вöлі, шуам, эз дзик рай.

Тэ воддзаыс и меным муса,
Дзик мөд, зэв гора Сыктывкар.
Тэ видз на, видз на коми русö,
Тэ абу йөзлөн — миян сар.

❖ ❖ ❖

Из вылө из*

РОМАН

Витөд глава

1

Школаса велөдысьяслөн эм öти буртор: шойччан кадыс пыр гожöмын. Позьö шуны, челядьöс лэдзalasны да, сентябрь öтиöд лунöдз шойччöг. Дерт, мыйкöдыра кeжлö луннас колö вöли воыны школаö. Виль велөдчан во кeжлö жыръяс дасьтыны, но та-йö ашöр удж, оз ков посни йылöмкöд ноксыны да повны на-лөн доймöмысь.

Игнатовлөн öти лун коли отпускöдз. Школаас тайö лунö воліс нöшта öтчyd — видзöдлыны, ставыс-ö лючки-ладнö. Виль пöв видлаліс инструментъяс, лöсьöдыштіс плакатъяс. Кытшовтöдіс синнас дзим-дзурк краситöм джоджсö, и коли дөвöль. Весиг лов вылас лои кыпыдджык. Муртса удитіс томнасьны, котөрөн воис завуч.

— Андрей Васильевич, телефон дорö корöны: дзик пыр пö мед волас.

— Коді корö?

— Райкомсянь.

— Мый налы ковмöма?

— Ог тöд, эз висътав.

Игнатов тэрыба пырис велөдысьяслөн жырйö да босьтіс телефон трубка.

— Кывза, Игнатов.

— Андрей Васильевич,— кыліс трубкаын мужичöй гөлöс.— Ме, Панков Сергей Павлович, партия райкомсянь. Öні пукала совхозса парткомын. Верманныд воыны татчö?

— Мыйла?

— Сёрни эм.

— Вола, час джын мысти.

— Виччыся.

Парткомса жырйын пукалісны секретарыс, Королёв Геннадий Прокопьевич, да райкомсаыс. Райкомсаыс пыр жö чеччис, чолöмасис ки на ки. Висьтасис: ме пö орготделса заведующöй. Киасис и Геннадий Прокопьевич. Чужöм вылас вöли дусыд. Андрейлы сійö пыр кажитчыліс пöдса сьölöма мортөн.

— Мый могөн коринныд?— улöс вылө пуксигмоз юаліс Игнатов.

— Колö совхозö веськöдлысь.

— Кутшöм совхозö?

— Татчö.

* Журнал вариант. Заводитчöмыс тавося 1-3-öд номеръясын.

— Тані жö эм.

— Бөръя кадö Петров оз лэдз овмöслы быдмыны.

— Кыдзи овмöс оз быдмы?— чуймис Игнатов.— Газетын ги-
жöны: ставыс пö лючки, планъяс пöртöны олöмö, стрöйтчöны.
Да ме и ачым аддза, гашкö, тэрмасынныд татшöм кывкöртöдъяс
вöчны?

— Райкомса бюро шуис мездыны Петровöс овмöсөн веськöд-
лöмысь. И министркöд öткывъясьöма нин. Он кө ті көсийсьöй,
корсям мöдöс.

— Весиг сідз, нопйис сьöкыд. Совхозөн веськöдлыны — абу
шөр усадьбаöд котравны. Колö ыджыд мывкыдлун да сямлун.
Мöвпыштла, тырмас-ö менам сямöй?

— Мöвпышт, сöмын эн дыр нюжöд, ми виччысьлам.

Тайö кывъяс бöрас Геннадий Прокопьевич нöшта зумыштчис
да петіс жырйысь. Думнас мортыд виччысис, мый райком сылы
вöзъяс совхозса директорлысь уджсö. Важөн виччысис, и на
тэныд, кодкö чуйдöма Игнатовöс коравны! Та понда букшасис
и сы вылö, и райкомса вылö.

Андрей инö эз öшйы, мöвпъяс гудрасисны, юрыс потны ви-
дзöдчö. Ачыс бытгö бикур весьтын öшалö. Петровкöд пон да
кань кодь коркöя олöмыс, водзö кежлö тöдтöмторйыс — ставыс
тайö öта-мöд бöрся терпитны позьтöм дойөн локтöны юрас,
сьöкыд изйөн личкöны лов вылас.

Öти пельöссянь мöдöдз воськовъясөн мерайтіс патера джодж-
сö, майшасис. Босътчан кө выль уджас — став олöмыд вежсяс.
Овмöсыс сийöс моз öшгъяс, тыасьöм краж* моз пельпомтö кутас
личкыны и личкыны. Ыджыд, зэв ыджыд кывкутöмыс. Сідз али
абу? А гашкö, öвтыштны корöм вылас да кольччыны школаö?
Öд артмö жö сылөн челядьыскöд ноксьöмыс, найöс велöдöмыс.
И гöтырыс школаö кольччыны тшöктö. Та вöсна сöмын аслыс
колö вöлі чорыд кывсö шуны. Поліс, ёна поліс яналöмысь. Петров
весиг мöс нимгьяссö картасьыс тöдö, а Игнатов, веськыда кө
шуны, зырымбедь на, муртса комынысь петіс. Вермас сы ыджда
овмöсын юравны? Сьöкыда, ок, сьöкыда сетчис ассьыс олöмсö
вежны көсийöмыс.

Лун-мöд мысти Игнатов звöнитіс райкомö, көсийысис босътчы-
ны выль уджö. Лэччыліс карö министр дорö. Индісны некымын
морта комиссия: юрнуöдысьыс пö приказсö ваяс. Игнатов тшу-
кысь помкасö эз тöд, мыйла Петровöс вештöны. Тöдіс сöмын
райкомса заворглөн висьталöм серти. Удж вылö петöм бöрын
нин ставсö тöдмаліс.

Вөлöма райкомлөн бюро, көні Ягдор овмöсса веськöдлысь
висьтасьöма аслас удж йылысь. Бюро водзвылас коркöя, колхоз
дырйи моз, партийнöй уполномоченнойясыд ветлöдлöмаöсь овмö-
сöд. Дерт, öні туйыд бурджык нин лои, да найö лунөн машинанад
кытшовтöмаöсь. Эз воддза моз узылыны дöваяс ордын, но туясян
балаыс кольöма важ кодъыс на.

Бюро вылас медся яра сёрнитöма видз-му вöдитöм кузя секре-
тарыс.

— Петров оз кывзы райкомöс, картопель муяс ыдждöдны оз

* Тыасьöм краж (диал.) — вай вöйöм кер.

көсйи, мөс лыд оз содты, но сэк жө пуктөдө уна турун да лишаланасө оз районса овмөсьяслы вузав, а мөдөдө Воркутаө. Вежлалө цемент да көрт трубаяс вьлө.

— А тайө мыйон лёк?!— горөдас Петров.— Ме стрөита вьль картаяс, клубьяс! Кирпичьсь, мед дырджык сулалас.

— Тайө вьвтi лёк. Тэ асьтө вьлө пуктан, асьтө сөмын радейтан. Он думайт орчча овмөсьяс йылысь, а сідзкө и район йылысь. Колө лоны районлөн патриотөн!

— Орчча овмөсьяс мед асьныс думайтөны, а районса патриотнас ті лоанныд!

— Со аддзанныд, эгоист и тормоз. Да, Петров лои тормозөн видз-му водзө сөвмөдөмын. А гортса олөмыс кутшөм? Гөтырыскөд юксьөмөн олө, весиг торйөн сөйөны. Төндзи предрайисполкомаөс нуөдлөма пажнайтны. Инпөлын ачыс супсө шонтөма, чайсө пузьөдөма. А пиьс пырас да юалө вөлөм: пражитөм картупелььыс пө тэнад али миян? Тайө өмөй нормальнө?!— секретар видзөдласнас гөгөртас райком бюроө пырысьясөс.

— Менам семьяөдз тіянлы ичөт делө! Донъялөй уджөс! Удж вьлын мыйта лои вөчөма, сійөс он аддзөй?! Кымынысь овмөс петліс вермысьөн! Öнi тіянлы лои тормозөн?!— Петровлөн, кьдзи и век, скөрысла льөбйыс тірзис, а забеднөысла весиг синваыс петіс.

— Важ вермөмъясөн олан!— зырис райкомса секретар.— Öнiя олөмлы видзөдласыд оз лөсяв. И семьяөдз делө, оз лөсяв коммунистлөн олөмлы!

— Оз кө лөсяв, корсьөй мөдөс, кодлөн кутас лөсявны!

Петров чеччас, өдзөснас клопнитас да мунас бюро вьвьсьыд.

Игнатов, төдіс кө та йылысь водзджык, гашкө, эз и суитчы Ягдорса овмөсө, но öнi вөлі сёр нин, бөрвьыв сетчыны эз позь. Да и кывсө сетіс, мый босьтчас уджас. Мый эськө шуасны, бөр кө мунас? Öвьсыны уджысь помкаыс эз вөв. Важтыбокса маслопромад лэччылігөн ачыс вөлі зэв на том, да и патератө эз сетны. Öнi вежөрсяліс нин, мөд синмөн ас гөгөрсө аддзис. Бөр кө эновтчас, ыкша мортөн кутасны лыддыны, а тайө сійөс оз мичмөд, нэм кежлө лёк пас кольө.

Овмөс кытшовтан лунө Петров скөрысь бугжыльтліс Игнатов вьлө.

— Тэ кывлін, мый кыкысь öти ваө оз пыравны?

— Ме эг кыкысь ни куимысь öти и сійө жө удж вьлө пырав. Армияөдз уджыштi механикөн. Локтi да бригадир-механикалі, управляющөялі. Маслопромсянь локтi инженерө, а öнi овмөсса веськөдлысьө. А вот Петров кыкысь воліс. Öтчыдсө татчөс колхозса, мөдысьсө татчөс совхозса веськөдлысьө. Коставлөмөн, кор юрсиктад лэччылін. Овмөсыс öти и сійө жө, сөмын нимъясыс торъялөны.

— Мхы,— Петров өвтыштiс кинас, быттө льяксьысь гутөс вөтліс. Эз нуөд водзө татшөм сёрнисө.— Заводитам Аника грездсянь.

— Ме абу паныд. Со, управлениесяньыс мый шуасны.

— Кьдз ті көсьяанныд, сідз и вөчөй,— управлениеса начальник пуксис «уазиклөн» бөръя пуклөс вьлө.

Игнатов чайтіс, мый Петров кутас ьждавны да кратайтчыны сы водзын овмөс кытшовтігөн, но весьшөрө поліс. Иван Макси-

мович лючки ставсö висьтавліс, мый көсйис вöчны. Индаліс кыті лёк, а кыті бура артмис. Сöмын быд пöрйö, йöзкöд паныда-сигөн, тöдчöдіс:

— Ме муна. Водзö кыз кутанныд овны, сöмын Енмыс тöдö. Ме абу мыжа, мый эновта тiянöс.

Овмöс сдایتöм бөръя лунö канторасаяс пукалісны медся ыджыд жырийын, колльöдісны Петровöс.

Лöсьöдöмаöсь пызан: сёян-юанöн, винаөн да нянь-солөн. Га-жöдчигмоз быдөн сувтыштіс, казтыліс Иван Максимовичкöд уджалöм, велöдісны Игнатовöс.

А та водзын Ягдорö воліс районса начальство. Чукöртлісны бригадиръясöс, специалистъясöс. Öти пызан сайын пукалісны Петров, Игнатов да райисполкомса председатель Ларев. Сійö сёрнитіс эз дыр. Висьталіс, мый Петров гижис удж вылысь мунöм йылысь шыöдчöм. А Игнатов, сійöс ставныд тöданныд, лöö выль веськöдлысьöн.

— Жаль Максимовичыс,— син увсö чышкышталігмоз шыасис бухгалтер Анна Андреевна.— Котраліс, котраліс да, вöтлісны. Мед көть министерствоас босьтасны.

Предрика здук кежлö ланьтіс, быттьö тшöкмуні.

— Приказ эм, сійöс колö пöртны олöмö, а Петров уджтöг оз коль. Вермас районса управлениеö зоотехникö локны.

Райисполкомса председатель та вылын тупкис чукöртчылöмсö. Сетліс кисö Игнатовлы да Петровлы. Сöліс «Волгаö» и шлывгис-лэччис горув, юрсиктö.

Кор муналö овмöсысь Петров кодь юралысьыс, пырджык сыөн заводитöм уджъясыс эндылöны. Сы вöсна, мый ставыс вöчсис сöмын чиналөн көсйöм серти, да вöчигас сэн ачыс медъёна бергаліс. Игнатов аслыс чорыда шуис: «Став бурсö, мый вöлі Петровөн заводитöма, вайöдас помöдз, а выльсö сэсся ачыс нин кутас пестыны. Дерт, удайтчас кө выляс кыскыны специалистъясöс, лöö ёна кокныдджык. Удайтчас-ö?»

Коли вежон. Игнатов восьлаліс гортас, öбед вылö. Друг мыччысис омöлик паськöма мужичöй. Андрей, мыйкö ассъыс мöвпалігөн, эз пыр жö тöд локтысьсö. Видзöдö: киссьöм плаша, нэмö-вöйся картуза да резинöвöй ботіа Петров восьлалö веськыда сы вылö.

— Иван Максимович, тэ кытчö тадзсö пасьтасин?

— Тэ дорö, удж вылö вöйысьны.

— Шмонитан?

— Ог.

— Он кө, лок менö вежысьö.

— Ог, рабочöйö көсья, а то ме кута уджавны, а тэныд слава?

— Сідзкö мöвпыштлы бурджыка. Ме йöзлысь слава босьтны ог көсйы. Уджала ачим, и славаыс меным удж серти лöö.

Петров джөмдіс, нинөм эз шу. Сідз и торйөдчисны. Игнатов дорö сэсся эз воы. Рөгыд мысти кывсис: индöмаöсь карбердса овмöсөн веськöдлыны.

«Тайö лöö бурджык,— ас кежас мöвпыштіс Игнатов.— Кольчис кө, сöмын сконъявны удж вылас кутіс. Бара зык да шум лои».

Игнатов эз көсйы уджавны воддза директор моз. Петров асывнас петас вöлі гаражö и давай бригадиравны. Öтиöс öтилаö

мөдөдас, мөдөс мөдлао. Ставныслы ас дум серти удж сетас. Бригадиръяс сөмын вомсө паськөдөмөн сы выло видзөдөны да пасьялөны, мед оз вун, а то нарадсө тупкыны сьөкыд лоо.

Выль веськөдлысь первойя лунсяныыс шуис бригадиръяслы аслыныс уджавны. Ачыс эз ыстась. Но... видзөдө, мыйкө неладнө мунө. Гожом шөр, колө плеш потмөн котравны, мырсьыны, медым тырмымөн көрым заптыны, но артмө мөдарө. Механизаторъяс удж выло петөны сёрөн, асывбыд пукалөны гаражбокса скамья вылын, шпукткөны-куритчөны. Кутіс паськавны сёрни: выль директор пө төлксө оз төд да сійөн гаражө оз воы, таво пө сюраньяслы сьөкыд лоо төвйыны.

Тадзи коли гоз-мөд лун. Игнатов вежис видзөдлассө, «экспериментируйтны» кадыс абу. Вермас лоны, збыльысь оз сяммыны тырмымөн көрым заптыны. Заводитіс Петров моз жө быд асыв гаражө воыны, и ставыс успаньвыв пуксис.

А Петровыд катласис на Игнатовлөн сямлун кузя. Эз эскы, мый том морт, коді муртса комын арөсысь петіс, вермас лючки та ыджада овмөсын юрнуөдны. Карбердө мунигөн пыраліс видз-му овмөс управлениео да шуис: Игнатовыс кө пө Ягдорын гожом помөдзыс удитас кыпөдны кыксө юр выло мөс карта, вөлисти сыысь директорыд артмас.

Збыльысь, овмөс примитигөн шөр отделениеын важ пу картасө вөлі косялөма. Коймөд пайсө воддза вонас кирпичысь тэчлөмаөсь, а тулыснас Петровыд ыджыдджык коляссө дзоньнас косьөдіс. Юль шөрнас муртса заводитөмаөсь подувсө кысьтны-лөсьөдны.

Игнатов быд асыв гаражсянь тайө стрөйба дорө котөртліс. Рытнас сэні жө уджсө помавліс. Волігөн сёрнитіс мастеркөд, стрөйтчысьяскөд. Карысь ваялісны тырмытөм стрөйтчан эмбур.

Сы шөрө заводитісны ветлөддыны быдсяма комиссияыс. Эрдөдалісны, он-ө пө стрөит да видз совхозлысь сьөмсө плантөг да проектөг. А Ягдорса картаыс буретш вөлі гуся стрөйбаөн. Став рөскодсө сійө жө воө көсйисны суйны йөв-яй донө. Кывсьыліс, мукөд овмөсъясын тадзи стрөитчигөн сьөмнас лышкыдасьөмаөсь, зепталөмаөсь да козинасьөмаөсь.

Игнатов сьөмөн эз юксьыв, козинъяс эз босьтлы, но поліс жө. Мед эськө эз локны да эрдөдны плантөг стрөитчөмсө.

Майшасис, садьмас вөлі вой шөр кадө, пырас инпөлө, восьтас форточка да шпукткө-куритчө. Тшынсө пөлялө восьса форточкаө да думайтө. А кыз нө он думайт?! Кодлы окота суд улө веськавны? Дерт, позьө ыстысьны воддза директор выло: быть пө стрөит, арнас скөтсө некытчө эськө лои сувтөдны, но кывзасны-ө?

Сылы мойвиис. Тайө вонас овмөссө эз лукйыны-прөверитны. Да-й мөсьяссө лудысь арнас удайтчис пыртны выль картаө. Стрөйбаыслөн эз на вөв вевтыс, кор сюраньяс пырисны. Уна лун канторасалы лои бригадаса уджалысьяскөд радысь мырсьыны карта эштөдөм вылын. Игнатов и сэні нырщикаліс. Сійө зілис Петров моз жө быдлаө ачыс суйсьыны. Мөд ног эськө эз и артмы. Бытьөн лои ноксьыны сідз жө, кызди вөчліс Иван Максимович. Йөзыс велалөмаөсь сы дорө. Кор Игнатов заводитліс уджавны мөд ног, эз Петров моз, овмөсөн веськөдлан ладыс вошліс, эз кыв киас вөжжисө. Коді мый көсйис, сійөс и вөчис. Бригадиръяс шөйөвошлісны, но Игнатов өдіө казяліс да кутіс веськөддыны овмөснас сідз жө, кызди Петров: падъявтөг, зумыда.

Өтчүд кантораса войтыр выль карта йирк вылө лунтыр катлісны цемента стружки пластыяс, мед картасыс шоныдыс төв-нас эз пет. Рытнас, вит час на эз точки, кантораса эновтісны уджсө. Дөзмис Игнатов. Кыдзи лысытöны юасытöг ни висьтасытöг эновтны удж?! Директор карта вевт вылын, а специалистьяс гортö люзьгöны, пыдди сійөс оз пуктыны!

— Кытчö мунанныд?!— скöрысь горöдіс Игнатов.— Вит час на абу!

— Миян часі вылын вит,— вочавидзöны сылы канторасаяс.

— Нолтö,— ёрчыштіс Игнатов.— Косöй бөр!

— Ог косöй!— шөр экономистыс, Регина Андреевна Шванова воча ёрчыштіс да сідз, кутшöмөс Игнатов эз на кывлы.

Кодсюрö косісны, а Шванова муніс гортас. Воддза экономистыс, Иван Михайлович, петіс пенсия вылө. Торксылөм бөрти сійö эз кöсйы уджавны Петровкöд. Сы пыдди и лои Швановаыс.

Игнатовлөн сьölöмыс пузыліс. Öд та серти кö, кантораса сійөс оз пыдди пуктыны. «Петров дырйи мунны эськö эз лысытны»,— ас кежын скöраліс сійö.

Рытнас гöтырыскöд паніс сёрнисö, но Лариса эз сы дор ло.

— Тэ аслад горзöмөн да матькөмөн сöмын унджыкөс ас дорсьыд йөткыштін.

Мöд луннас Андрей планёрка помасигөн корис прöща төрыгья кутчысьтöмсьыс. Эз эськö кöсйы, дыр катласис, но медбöрын вöчис воськовсö. «Худой мир лучше доброй ссоры»,— роча-сьыштіс ас кежын.

Парткомса секретар, Геннадий Прокопьевич, наяна нюмдіс, а мукöдыс чöv олісны.

Тайö лоөмторйыс петкөдліс Игнатовлы — ковмас уна на вöчны, медым эскöдны йөзсö, мый сыысь артмас бур веськөд-лысь, но...

Өтчүд сійö сölіс машинаö да муніс Закарсикт отделениеö, коді пырис Ягдорса овмөсö. Мир туйсянь сиктö кежанінöдз верст кымын лоö. Веськыдвылас сулалісны выль мөс картаяс. Найөс сөй да васöд местаö и кыпöдöма торья стрöйтчан овмө-сыс. Стрöйба эштöм бöрын уна нелючки ковмис бырöдны да мучитчиг уджавны. Но тайö ставыс лоö бöрынджык, а öні Игна-тов синйис шуйгаладорсö. Сэтчö кодзлöмаось аныкытш сора зөр. Пöшти коскөдз быдмöма. Быдмөг пытшкас йирсис ыджыд мөс стада.

— Сötана пызь, пöтрава вöчöны!— горöдіс Игнатов да тшöктіс шоперлы сувтны.

Петіс, кватитіс туй бокын туплясьыс кузиник бедь да котөр-тіс кöдза вылысь мөсьясöс вöтлыны. Матькö, шенасьö бедьнас. Кыськö петісны кык нывбаба, пастукьяс. Тшöтш заводитісны вöтлавны сюраньяссö.

— Тайö бедьнас кö мыш кузяыд шумышта!— Игнатов ырышт-чыліс öтиыс вылө.

— Шумышт! Верман кö, шумышт! Кире Иван Васьыд кодь жö! Сійö скöрысла век вöлі лөзöдöма!

Батьсö кыкыштöмыс Игнатовс нöшта на скöрмөдіс.

— Приказ гига, пöтравасыс удждонтö кирита!

— Совхозса мөс öд сөйис, эг ачым сөй. Мыйысь киритан?

— Аддзан мыйысь!

Игнатов кытшовтіс овмөссö, тöдмаліс кыдзи шуöны мөс видзысьясöс да кайис Ягдорö. Пуксис да дöзмөмпырысь гижис пöтрава йылысь акт, кырымöдіс шоперсö. Акт серти нярскöбтіс приказ: косöдны кыкнан пастуклөн удждонысь сё чөлкөвöйөн.

Коркö сэсса Закарсиктсянñ тöдсаяс звөнитöны: Öлексан дядьыд пö кулöма. Игнатов ньöбис коньяк доз да лэччис Öлексан дядьöс дзебны. Пырис керкаас, а сэнi покойник дорын пукалö буретш сійö нывбабаыс, кодлысь сьöмсö пöтравасысь перйыліс да бедьнас мышкусö көсийс мерайтны. Вөлөмкö, бабаыс лоö Öлексан дядьлөн вылъ гöтырөн. Андрей на дорö ньöтчыд эз воы да оз вöлі и тöд.

— Коді тайöс корис?!— кыліс пачводз дорсянñ пиыслөн скөр гөлөс.

Игнатов гөрдöдіс, пуктіс пызан вылö коньяк бутылкасö да синсö дзебөмөн петіс керкаысь, но сійöс Öлексан дядьлөн пиыс вöтöдіс да бөр сетіс тыра сулеятö.

— Оз ков тэсянñ нинөм, тэ миянлы абу рöдня!

Андрей кыв ни джын эз шу, суйыштіс питшөгас дозсö да матыстчис овмөсса «уазик» дорö.

— Та дыра и пыралін?— чуймис шоперыс.

— Тырмас,— зумыша вочавидзис да тшöктіс мунны порсь картаö.

Гудрасис пытшкөсыс, быттьö нöйтөм кутюлы ковмис петны Öлексан дядь керкаысь. Татшöмторйыд дыр оз вун. Вунас на кө! Аслыспöлөс вурыс коліс сьölөмас. Пель саяс сюркняліс: колö вежавидзөмөнджык матыстчыны йöз дорö. Весиг сэк, кор найö мыжаöсь. А верман-ö быд пöрйö вежавидзтыны? Öдвакö, сэтшөм нин этшыс сьлөн. Кыдзи и Петров, самöвар моз жö пузыльö. Көдзалас мыйөн, ёна жö эськө каитчö, но овлö сёр...

Регыд та бöрын Игнатов дорö локтісны райкомса первой секретар да районса ДРСУ-ысь начальникыс. Могыс öти — ю вомөн бетон пос нюжөдөм. Петров вöлі сетöма пос да туй нюжөдөм могысь мусö сиктсянñ куим верст ылнаö, понöльяс вомөн. Вежны сылысь шуөмсö некод абу вермöма. А воысьяс корисны Игнатовс кыпöдны поссö дзик сикт помас. Öти-кө, йöзлы матын, позьö подөн ветлыны. Мөд-кө, туйыс дженьдаммас, лоас донтөмджык, но та дырйи сійö нюжалас косьтөм видзьяс вомөн.

Игнатов талы эз пыксы, но медым эз шуасыны, мый öтнас вöчис-решитіс ставсö, корис ас дорас агрономöс.

— Андрей Васильевич, эн жалит тайö муяссö. Сет, сэнi прамöя туруныс оз быдмы. Көть мыйта известка он суй, нитшкыс оз и бырлы. Шома муыс, торфыс руд, абу воöма.

Игнатов корис ДРСУ-са начальниклысь колана кабала, кырымаліс да ачыс жö пуктіс печатьсö. Та бöрын сёрнитчисны сиктын көть нин шөр туйсö дзоньтавны да скөт карта дорті лөсьöдыштны. Сэнi тулыс-ар весиг тракторъяс няйт пиас сибдöны.

Андрей Васильевич, кыдзи öні сійöс ставөн ыдждöдлісны, зілис быд пöрйö дорйыны ассьыс овмөссö. Быд воськов веськөдіс пöльза босьтөм вылö. Но сійö вöлі Петров дорысь, көть сы моз жö пузылыс, небыдджык мортөн. Тайöс и ачыс унаысь казьявліс.

— Оз ков небыдөн лоны,— пеляс кыліс Петровлөн коркöя шуöмыс.— Воськөдлысьыд абу сакар, а то нённыштасны, и бырöмыд.

Петровлөн эз вөв ни өти ёрт. Некодлы вөлі сійөс «нённышт-нысö». Тодсаяс эмөсь, а друг эз вөв. Матө ас дорас некодöс эз сибöдды. Видліс матыстны Игнатовöс, но нинөм эз артмы.

Андрей Васильевичлөн другыс эз жö вөв. Челядьдырся Гриша ёртыскöд янсöдчөм бöрын унаысь видліс матыстчыны ас коддьöм дорас, но на пиысь другсö, кодлы позис аслыс моз эскыны, эз аддзы. Сöмын тодсаяс. Гашкö, сы понда тшöтш, мый Игнатовлөн этшыс öжигайтчис Петров син улын, и тайö öнi ясыда нин ты-довтчис.

«Эскöда, ставнысö эскöда, мый ме верма веськöддыны овмö-сөн. Петров дорысь ог омöльджыка. Гашкö, бурджыка на арт-мас»,— ас кejas мөвпаліс сійö.

Сійö, кызди и Петров, эз тэрмась содтыны мöслысь юр лыд да картопель муяс. Мöдарö, тшöкыда пуктыліс зоотехник да агроном водзö мөг, содтыны мöсьяслысь йöвсö, а картопельлысь да мукöд быдтаслысь урожайсö. Эз вöтлысь юр лыд да град выв пуктас мулөн ыджда бöрся.

Быд гожöм заптылісны кöрымсö коланаысь унджык. Лишала-насö, кызди вöчліс Петров, Игнатов вежлаліс Воркутаса овмöсь-яскöд кöрт трубаяс да цемент вылö. Мöд ног тайö стрöйтчанторъ-яссö тырмымөн судзöдны вөлі он вермы.

Районса чинаяс элясисны:

— Тэ Петров моз жö он сет турунсö районса овмöсьяслы.

— Татчöс овмöсьяс Эжва бокинöсь. Налөн видзьясыс пась-кыдджыкöсь. Мед оз дышöдчыны да асьныс кöрымсö пуктöны. Быд гожöм тай ошйысьöны, мый первойөн план тыртісны, но туруныс төв шөрнас нин бырöма. Пöрысь йöз шулöмаöсь: кöнi уна больгöны, сэнi этша вöчöны,— вочавидзліс Игнатов.

— Öти-кö, налөн йöзыс абу Ягдорса кодьöсь, мöд-кö, вывтi сюсь лоöмид, шусьöгъясөн вöдитчан,— дöзмыліс видз-му овмöс управлениеса начальник Мальцев.

— Йöзыд быдлаын öткодьöсь, колö сöмын кужöмөн матыст-чыны на дорö, а коми шусьöгсö олöмыс ачыс артмöдö. Овлö, мый төлка юрыс йöй мортлы веськалö, сысянь и став дзутыс заводитчö.

— Тэ таdzi код йылысь сёрнитан?— скöрысь юаліс Мальцев.

— Да сідз, сьодас шуи.

Татшöм сёрни бöрад Мальцев бугжылясьöмөн пинь пырыс сöдзтöдліс:

— Нинөм, öтчид-мöдысь нырад печиктам да збойлуныд öдйö вошö.

А райисполкомса председатель Ларев элясис райкомса сек-ретарлы:

— Петровöс вöтлім, а мый вежсис. Сы кодь жö Игнатовыс вöлöма. Колö вөлі татысь, райкомысь, мортсö пуктыны.

— Тэ аддзан райкомысь мортсö, кодi вермас веськöддыны та ыджда овмöсөн, кöнi уджалысьыс квайтсёйсь унджык?

— Ог,— юрсö пыркнитліс Ларев.

— Со и вочакывйыс. Но кутам Игнатовöс виль ногөн этш-сьöдны, вежам мывкыдунсö. Райгазетын, радио пыр выдыштам. Нöшта мыйöнкö дзескöдам. Велöдам дорын узылыны. Том на нырсö лэптавны.

— Да öд весиг Петров мунöм бöрын сы патераö овмöдчöма!

— Медым, аслас патераыс ичот вöлі. Ныла-пия öтлаын узылісны. Игнатовыс ачыс норасьліс. Ме эг паныд мун, мед вуджис кö ыджыдджык оланінö.

— Сідзкö мед, но колö велöдны сійöс районса власьтöс пыд-ди пуктыны, колö!

И заводитісны Игнатовöс велöдны. Пöшти быд асыв районса радио пыр крукыштісны сійöс. Газетын статьяс петісны. Йöз пöвстын сёрни паськаліс: регыд пö Игнатовöс чöвтасны удж вылысь.

Сёрнияс вылö Андрей Васильевич эз видзöд. Кöть эськö лёк сёрнияссьыд лов вылас эз вöв лöсьыд, сійö тырвыйö тöждысис овмöс вöсна. Гожöмнас тыр öдөн уджöдіс АВМ — турун пызь вöчан да косьтан агрегат. Уджалö электроэнергия да солярка вылын. Турун пызьсö планын индём дорысь пöшти кык пöв унджык вöчисны. Та дырйи видзисны унджык электроэнергия, мый вöлі индёма вöдитчан лимитын. Таысь чина туясьсыяс овмöссö штрафуйтісны, а прокурор сетіс веськöдлысьöс судö. Штрапсö мед сы зептысь перйыны.

Игнатовöс корисны судö. Мортыд заводитіс дорйысьны:

— Электроэнергия лимитысь унджык видзим, но сыысь дзоньнас мынтысим. Вöчим уна прöдукция. Эг прöстö энергиясö таргайтöй. Турун пызыс комбикормлы воча артмö. Тöвнас этшаджык лöö видзöма сьöмсö ён кöрым ньöбөм вылö. Сідзкö, овмöсыс унджык прибыль босьтас.

— Но ті электроэнергия видзинныд лимитысь унджык,— ассьыс нырис судья.— Таысь штрафуйтісны. Овмöс штрафсьыс босьтіс убыток. Коді мыжа? Прокуратура сетö кывкöртöд — мыжа веськöдлысь.

Игнатов эз вермы венны судьяöс. Штрапсö шуисны перйыны сы зептысь.

Петіс Игнатов судысь и мөвпалö: «Мыйла тадзи артмö? Коді уджалö, сійöс ёнджыка и нöйтöны. Нöшта сьöмсö зепсьыд перйöны, а мукöдыс чесьтын ветлöны, но нинöмөн оз жутöдчыны. Да тэнсьыд на донтём донысь кöрым корöны. Миян пö судыд медся гуманнöй, дзик Вицинлөн кывъяс серти артмö. Бур, мый бытшкасьысь сутуга сайö эз пуксьöдны».

Пырис райисполкомса председатель Ларев дорö да тайö мөвпгьаснас юксис ськöд. Ларев сöмын мудера вашмуні.

Во помнас Игнатов мöдысь пуксис суд скамья вылö. Та пöрйö лимитысь унджык лои видзöма выль карта стрöитігөн сьöм. Бара штраф.

— Сьöмыс öд овмöслөн!— скöрмис Андрей Васильевич.— Мыйысь штрафуйтны? Уджсö вöчöма!

— Лимитысь петінныд,— паныдалісны сійöс.

Бара шуисны аслыс мынтысьны: локтас пö кабала бухгалтерияö, уджонсьыд вочасөн бергöдасны.

Пузис пытшкöсыс мортыдлөн, веськыда шавксьöдіс партия райкомö. Пырис медыджыд секретар дорö.

— Сергей Сергеевич! Нöшта öтчыд пуксьöданныд суд скамья вылö, ме эновта овмöссö!— крапкис öдзöснас да петіс жырсьыс.

Некодкöд эз шыасьлы. Пуксис «уазикö» и кайис Ягдорö. Кайигчöжыс ас кежас венласис судьяыскöд, райкомса секретаркöд, предрайисполкомакöд.

Регыд тайö лоöмторъяс бöрын, ноябр сизимöд лун водзвылын, райкомса да райисполкомса чина йöз, на лыдын прокурор и судья, чукöртчисны пукыштны. Точкигмоз варовитисны районын олöм-вылöм йылысь. Медся ыджыд секретарыс думыштöма татшöм пукалöмсö вöчны. Кöсьяс тöдмавны чина йöзлысь гуся мөвпъяссö. «Мый садь мортлөн юрас, коддзас да кыв йылас лоö»,— кывкöрталіс ас кежысь.

Юасны-сёясны, варовмасны. Видз-му овмöслөн районса профсоюзын юралысь, Алевтина Павловна, ёна нин гажмöма да збоймöма.

— Сергей Сергеевич,— шыасис сійö медыджыд секретар дорö.— Ме думысь, Игнатовсö весьшöрö кедзовтанныд, помся штрапуйтанныд, радио пыр да газетын янöданныд. Сійö бур веськöдлысь, сöмын асныра.

— Вот, вот, асныра!

— Но öд быдöнлөн аслас этш. Эз кö вöв асныраөн, эськö и директорыс сыысь эз артмы.

— Миянлы асныраясыд колöны?

— Колöны,— юöм юрнад эз вермы кутчысьны да збоясис Алевтина Павловна.

— Ме ногөн, оз, но думыштлам,— кывкöрталіс секретар.

А кодкö сёрнисö мöдарö нин вежис. Тайö пукалiгөн унаторйö волісны, но Игнатов йылысь сэсся некод нин эз гаравлы.

То ли Алевтина Павловналөн дорйöмыс, то ли мöд помка вöлі, Андрей Васильевичöс дугдісны радио пыр да газетын кулитны.

Но кор районын чукöртлісны став веськöдлысьсö, сэки сылы тшöкыда на сюрлі видöмыс. Тöдсаяс эз лöсьöдчыны ськöд орччөн пуксьыны. А коркö öткодь ова морт, Игнатов Павел Андреевич, кодi важөн нин веськöдліс «Кöрт Айка» овмöсөн, веськыда шуис:

— Тэнö унаөн оз на тöдны, бара кутасны райкомсаяс овтö гаравны. А менö ставныс тöдöны, думайтасны, мый ме йылысь сёрнитöны да ме вылö кутасны дзöръявны. Бурджык лоö, вешгя кö тэ дорысь.

— Лякöссöмысь кö полан, вешйы,— Андрей Васильевичлы чушис татшöм вöсьса шуöмыс, дусыдмис чужöмыс.

А мöдыс гöрдöдіс да нускигтырйи вöськовтіс воддза радъяслань.

Игнатов думыштіс лöсьöдны комбисилос пуöм могысь агрегат. Вöчис чертёж, арталіс-мурталіс уна-ö да кутшöм ковмас кöрт. Корсис колана моторъяс, чепгяс, кöрт воргаяс, трубаяс, пуан пöсь ру вöчан котёл. Индіс уджалысьясöс, кодгяс бетонөн гөгöр-бок тупкисны гу. Гожöм чöж ноксисны, но картофель идраліг-кежлö выль пусянін лои дась.

Картофель керигөн став лишалана поснисö да доймалöмсö пуисны выль агрегатын. Содтöд суйисны гуас капуста да морков коргяс, мöс сёркни. Артмис комбисилосыд. Тайö сетіс позянлун тövбыд вердчыны вöчöм сораснас. Эз ков повны сісьмöмысь, кыдзи лои сылөн Петров юрнуöдöм улын, шöр отделениеын управляющöялiгөн, кор картофельсö буртуйтісны да уна сісьмис.

Татшöм ногөн овмöсын пыртісны пыр унджык вежсьöм. Кы-палісны выль скöt картаяс. Сэні унджык уджсö лои механизируютöма.

Ягдорса совхозö пырис куим отделение, куимнан сиктас овмöс юкöнгъяс öтмоза сöвмисны, но Коми муын заводитчис партия веськöдлöм улын вълъ компания. Кутисны ыджыд видз-му овмöсъяс юклыны кык, а то и куим пельö. Заводитисны ыршасьны и Ягдорсаяс вълö. Первой юкисны Важтыбокса овмöс. Сы подулын содтöд чужис вълъ Ельскöй совхоз.

Тöв заводитчигöн Андрей Игнатовöс да Ельскöй совхозса директор Николай Захаровöс мöдöдисны Ленинградö велöдчыны. Матö кык тöлысь öти пызан сайын пукалисны.

Ленинградö Игнатов локтис сиктса моз пасьтасьöмөн: кролик шапкаа, көть эськö бур туйö на видзис, но гöныс бонзьöма нин, важиник каракуль воротника пальтоа, тöвся, ляпкыдик гöленя сапöг кодъ ботинкиа.

— Видзöда тэ вълö,— шуис Николай.— Абу директор кодъ. Пасьтасьöмыд быттö омöлик овмöсса бригадир.

— Зато тэ модник моз вöччöмыд,— нюмдис Игнатов.

— Аски жö мунам да нутрия шапка ньöбам. Съöмыд эм? Абу кө — удждыла.

— Эм.

Ветлисны, бöрйисны руд рöма нутрия шапка.

— Дзик мöд делö. Öнi збыльсь директор вълö мунан,— дöвöльпырысь вашмунис ёртыс.

— Эн серам петкöдлы.

— Дзик збыль. Встречают по одёжке, провожают по уму,— рочыштіс Николай.

Эштис велöдчöмыс. Гортö локтöм бöрын ёрта-ёрткöд йитöдсö эз орöдны. Волысисны öта-мöд дорö. Николайкöд позис быдтор йылысь сёрнитны. И вузалöмысь эз ков повны. Николай эз öтдортчы Игнатовысь, и райкомса залын орччöн пуксьыліс. Андрейлы любö: көть сёрөн, но аддзис другсö.

Воис чередыс и Ягдор овмöслы. Тшöтш юкисны кык пельö, торйöдисны закарсиктсаясöс. Игнатов эськö заводитліс пыксьыны.

— Овмöсыс абу ыджыд. Костыс шöр усадьбасянь отделение-öдз дзоля. Некутшöм падмöг веськöдлöмын абу. Юкöмыс сöмын кантораын пукалысьяслысь лыдсö содтас,— шуалис районса чинаяслы.

Но водзсасьнысö выныс эз тырмы. Ыджыд чинаяслөн асланыс вочакыв: торъя овмöслы пö унджык кутас вичмыны бюджетысьсьöм.

«Видзöдлам, мый тiян юкöмысь артмас»,— думыштіс Игнатов да нöшта ярджыка босьтчис уджö. Сійö жö онас Ягдорса сюраньяс во чöжөн лысьтисны йöвсö быд юр вълö вит тоннаөн, а картофель да мукöд быдтас сетисны вöвлытöм ыджыд урожай. Ягдорса совхоз лои Сöветскöй Союзса овмöсъяс лыдын вермысьөн. Овмöслы сетисны Гöрд дöрапас да автобус. Асьсö Игнатовöс наградитисны Почёт ордөнөн.

— Ме думысь тэ ставнысö нин эскöдін, мый лоин бур веськöдлысьөн,— чолöмалігөн шуис Николай Захаров.— Петровыдлы ньöти он сетчы.

— Аттьö, Николай, кута водзö зильны.

И зилис. Лоины вълъ вермöмъяс и вълъ наградаяс.

Өтчүд, төв шөрнас, Игнатов кытшовтіс турун сарайяс. Көсйис ачыс видзөдлыны, уна да кутшөм турун коли овмөсса сю-раньяслы. Пырис шөр отделениеса сарайө. Туруныс бура уна. Кайис прессуйтөм шмакъяс кузя вылөдзыс, сувтігас прөступитіс. Эз видзөдлы выліас да юр пыдөснас клёнгысис сарай вылысса свезьө. Здук кезлө весиг садьсө воштыліс. Паляліс да вөляысь лэччис туюкъяс вылысь.

Юр кутіс висьны. Гөтырыс нуөдліс пөрысь пөч дорө, юр вемсө мед веськөдас. Эз отсав. Водтөдісны Важтыбокса бурдөд-чанінө.

Войнас узис лёка, вөтасис. Быттө сійө пывсьө көдзыд пыв-сянын, а лабич улас Ягдорса вөвлөм веськөдлысь Иван Макси-мович Петров да Николай Захаров другыс кодйөны гу: мед пө майтөга ваыс гуас визувтас.

— Ыджыдджыка кодйөй,— шуө налы Андрей.— Мед став ваыс төрас.

Бура и пывсис-шлачөдчис корөсьөн. Мыссис, пасьталіс улыс паськөмсө, и пыр жө кыськө чужис сьөд паськөма старука.

— Лок нуөда крөвать дорөдзыд.

— Ме ачым верма.

— Эн ыждав, аслад морттуйыд абу.

— Тэ коді?

— Ха-ха-ха,— старука дзалснитліс ёсь синнас, алькөдліс вомсө да петкөдліс кузь пиньяссө.

— Клыкъяса! Коді тэ, висьтав?!

Андрей повзис, вөрзөдчыны оз вермы. Киыс и кокыс быттө кынмисны места вылас. Вөлясө паралич жугөдіс. Весиг кисө эз сяммы кыскыштны, кор старукаыс босьтіс аслас кабырө. Кыліс, кызди ки пырыс морөс пытшкөдз көдзыд воис, сьөлөмөдзыс йиджис.

Воисны узылан жырийө. Андрей пуксис крөвать дорышас, а старукаыд оз мун.

— Мый виччысян? Ме со вои нин.

— Мынтысь вайөдөмсыйд. Он кө — бөр көдзыд пывсянад нуа.

— Мыйөн мынтыся?

Андрей шөйөвошөмөн видзөдіс старука вылө. Некодз эз гөгөрво, мыйөн колө мынтысьны. Мездіс вежаньлөн гөлөсыс, кыськө быттө вылысянь шөппнитіс: «Сюйлы китө юрлөс улас да кыскы сэтысь сьөмсө».

Андрей сюйис юрлөс улас кисө. Кыскис куим да дас шайта. Мыччис куимасө, но старука эз босьт, виччысис. Андрей бара кыліс вежаньсө: «Дасасө тшөтш сет».

Нюжөдіс старукалы содтөд дас шайтасө.

Старука кватитіс сьөмсө, дзебис морөс бердас.

—>Addзысьлытөдз,— киргыштіс сійө да заводитіс ылыстчыны.

— Ен мед видзас,— Андрей чөвтис пернапас.

Садьмис да дыр куйліс вөрзөдчывтөг.

А регыд Андрейөс видлыны локтіс вежаньыс. Сылы и вись-таліс вөтсө. Юасис: мый водзө пө.

— Тэныд помөдз колө вөлі менсьым велөдчыны, эськө ачыл төдін, мый водзө,— вежань здук кезлө ланьтыштліс.— Шуөны, вөтнад сьөкыд висьөм водзвылын пывсьөны. Тэныд виччысьны

колö, медым ёнджыка эз топöд. Со Ельскöй совхозса директорыд висьтöгыс кулöма.

— Кулöма? Оз вермы лоны, сийö меысь на том.

— Томлунтö оз юав Енмыс. Карсянь локтігөн зурасьöма мöд машинаö, кувтöдзыс лоöма.

Вежаньыс мыйкö шуалис на, но Андрей эз нин кыв. Сылөн синмыс вочасөн пемдіс, а кор паляліс, аддзö: кровать гөгöрыс чукöртчöмаöсь еджыд халата йöз. Öти укол вöчö, мöд капельница пысалö. Сэні жö повзём чужöма вежаньыс. И Андрейлы пыр жö дум вылас уси сыөн вайём шог юöрыс. Ас тöдлытöг чужом кузя исковтіс синваыс. Бурдöдысьяс думыштісны, мый зонмыс дойысла бöрдö.

— Уколалім, öні кокныдджык лоö,— такöдісны найö.

Сьöкыда сетчис дзоньвидзалун бергöдöм. Оз вöлөм весьшöрö шуны: висьöмьд пö пырö пудйөн, петö зölөтникөн. Андрейлы тöлысь лои куйлыны, весиг карса бурдöдчанінö мöдöдлісны. Та вöсна эз вермы другсö дзебигөн прöщайтчыны. Воліс сöмын нелямынöд лунас. Сэки и ветліс Николай Захаров гу вьлö.

Гашкö, Николай, ачыс кыліс, мый дженьыд нэма. Öд арнас на Игнатовлы норасис: сэтшöм пö сьöкыд лов вылын овлö, кöть бöрддзы. Öти татшöм здукö лэччöма вöлі Эжва дорö да дыр пукалöма кыр йылын: став олөмöй пö син водзын исковтіс. А кутшöм олөм? Нелямын арös на абу.

Шулöны тай: öтнад пö нинөм он вермы вöчны. Андрей татшöм кывкöртöднас öткодясьны некыз эз вермы. И öтик морт, кöсьяс кö, сяммö унатор. Николай Захаров дырйи сылөн овмöсыс öтарö кыптіс, а кор веськöдлан воропыс сюри кузь киа больгысь йöзлы, овмöсыс киссис да тупкысис.

2

— Андрей Васильевич, тэныд телеграмма воис,— öдзöсöд мыччысис секретарша.

— Кысянь?

— Пармасынь.

— Да? Петкöдлы.

Збыльысь, телеграмма воöма Парма совхозсянь. Юöртöны, мый налөн овмöсса уджалысьяс вöзйöны Игнатовлы лоны РСФСР-са народнöй депутатпуөн. Корöны сетны вочакыв.

Игнатов лыддис ыстөм юöрсö öтчид, мöдысь. Кутіс думайтны, странаын вöчисис унатор, мый йöзыс оз гөгöрвоны. Партияса генеральнöй секретар Горбачёв больгис гласносът йылысь. Корис, медым йöзыс ассьыныс веськöдлысьяссö улісянь жмитісны, а сийö да сылөн матысса чинаыс вылысянь личкыштасны.

— Тадзи öмöй позьö!— ас кежас вензис ськöд Андрей.— Странаын медвойдöр колö вежласьтöмлун, зумыдлун. А кутан кö сийös öтарö-мöдарö бовйöдлыны, пазалас. Киссяс сы ыджда государство. Тайö öмöй йöзыслы колö? Дерт, кад нин унатор вежны, но вöчны тайös колö мөвпалөмөн. Кыдз шуласны, сёысь думыштлы, сэсся нин бергöдлы...

Игнатов шуасис эз сöмын ас кежысь, мукöд веськöдлысь-яскöд паныдасигөн тшöтш юксис мөвпгьяснас. Кодкö сы дор муніс, а кодкö чöv оліс. А Пармаса директорыс ськöд пыр жö

откывъясис. Сійö, буракö, уджсö депутатпу выlö вöзийгас нуö-дöма.

Регыд на Игнатов дорö воліс райкомса выль секретар Пётр Петрович. Кыдзи коммунист Енлы эз эскы. Сёрниасын тайöс торйөн тöдчöдліс, а пырис да быттö мöд морт шыясис:

— Евангелиеын гижöма, мый Сöветскöй Союзын бөръя сарөн лоö паса Михаил.

— Евангелиесö кор гижисны, Сöветскöй Союзыс эз вöв,— пыркнитчис Игнатов.

— Россия вöлі, сы борд улын мукöд оланінтьяс вöліны.

— Сідз и гижöма, паса морт лоö бөръя сарөн?

— Да. Паса Михайлыс кисьтас странасö. Америкалы лоö кивыв. Со сылы немечъяс кекöначасöны, лэдзис öтлаасьны да. Висьталöны, кор ветліс Японияö, зептас долларъяса козин сүйö-мабсь.

— Збыль?— чуймис Игнатов.

— Йöз прöстö оз висьтавны. Локтöм мыстиыс дорйысьöма: тöдлытöг пö дзумгöмабсь.

— И татшöм мортыс веськöдлö сы ыджда государствоөн? Кытчö партияыс видзöдö? А гашкö, тайö йöз больгöм?

— Мхы, партия... Тэ он тöд, кутшöм збыльвылас партияыс. И Горбачёв йылысь абу больгöм. Яковлев на сэнi поводнöй фрукт, америкаса агент.

— Кысь меным тöдны? Со кутшöм юөръяс вайин, сьöкыд весиг эскыны. Ме öд регыд на партияас пыри, директорөн лои да быть.

— Мöдысь гораа тадзи эн шу,— öлöдіс Пётр Петрович.

Райкомса секретаркöд сёрни вайис уна майшасьöм. Кытчöдз воам, мый виччысьö ставнысö найöс? Кутшöм олöм пуксяс странаын? Öтторъя юалöмъяс да юалöмъяс бергалісны Игнатов юрын.

Дыр мөвпаліс, мый висьтавны Пармаса уджалысьяслы. Сетны сöглас либö öтдортчыны? Мый на ас овмöсын йöзыс шуасны? Он öд быдөнлы вермы чесьтö уськöдчыны. Кодлыкö лоан бур, а кодлыкö дур.

Кор кывліс, мый депутатөн зільöны лоны ыджыд чина йöз, сэки и шуис аслыс: быть кутас вермасьны. Аттьöаліс Пармаса войтырöс да көсйысис бөрйысьны.

Профкомса председатель да парткомса секретар шуисны чукöртлыны йöзöс Ягдор овмöсын, медем индыны депутатпуöс. Морт ветымын чукöрмис.

Залын кыліс намгöм шы. Воссис öдзöс, и пырисны вöвлöм директор Петров да Закарсиктса школаөн веськöдлысь Марья Петровна, кодi арлыд выlö видзöдтöг век на уджаліс. Сылы коркö, техникумын первойя восö велöдчигөн, Андрей бөрдöмсорөн норасьліс. И бöрас Марья Петровна быд паныдасигөн чолöмасьліс, юасьліс, кыдзи олö. Но кор лои Ягдор овмöсса директорөн, сэксянь Марья Петровна видзöдіс сы выlö көдзыда.

Петровыд пырис, да пукалысьяс шызылысны. Игнатовлы закарсиктсаяслөн локтöмыс лои виччысьтöмторйөн. Парткомса секретар да профкомса председатель корöмабсь локтысьяссö сыысь гусьөн. Тыдалö, тöд вылын кутісны, мый Петров да Игнатов костын йитöдъясыс омöликöсь.

Тані быть лоӧ казгыштны Петровлӧн Карбердса овмӧсӧн веськӧдлӧмсӧ. Ягдорысь лэччис да босьтчис уджас сьӧлӧмсянь-ыс. Овмӧсыс сы дырйи весиг неуна водзӧ воськовтіс.

Карбердын видзисны порсьясӧс. Сэкся кадӧ пемӧсьясӧс вердісны быдсяма чӧскыдторнас. Комбикормсӧ вайлісны овмӧсас вагонтьясӧн. Сы мында вичмӧдлісны, мый ён кӧрымсӧ складас бульдозерӧн йӧткалісны.

Ӧтчӧд министерствосянь Игнатовӧс мӧдӧдлісны Петров дорӧ — комбикорм удждыны. Дас тонна и колӧ вӧлі. Сэкся кадӧ, кӧть сьӧмыд эм, эн вермы тырмымӧн ньӧбны вына кӧрымсӧ. Ставыс вӧлі нормируйтӧма, лимиталӧма.

Воис Игнатов Карберд овмӧсса кантораӧ. Веськаліс буретш пажын кадӧ. Петров да кантораса куим мужичӧй пукалісны за-лын да картіасисны. Игнатов сюйліс юрсӧ, висьталіс, мый воис Ягдорсянь Петров дорӧ, но мӧдыс сӧмын бугжыльтчыліс.

— Миян пажун кад.

И водзӧ картіасисны. Игнатов пӧдлаліс ӧдзӧссӧ, ветлӧдлыштіс кантораса коридорӧд. Кад колис да бара восьтліс зал ӧдзӧссӧ.

— Эз на эшты.

— Эз.

— Мун петав, тыдалӧ ылысянь локтӧмаӧсь,— тшӧктіс Петров-лы орччӧн пукалысь, сьӧд читкыль юрсиа дядьбӧ.

— Удитас,— ӧвтыштіс кинас Петров.

Сӧмын пажын помасьӧм бӧрын Игнатов веськаліс Петров дорӧ. Висьталіс могсӧ да мыччис колана кабала. Петров дыр бергӧдіс кабаласӧ, кыз чуньнас тотшкӧдіс пызанӧ.

Буретш сэки пырис сьӧд читкыль юрсиа дядьбӧд директор жырьӧ. Тӧдмаліс мог йывсьыд да пыр и сувтіс Игнатов дор.

— Сет, эн жалит. Аски нӧшта на дас вагон воӧ, а кӧрымыс склад тыр. Миянлы дас тоннаыд войт мында, а найӧс, гашкӧ, вежон водзӧ йӧткыштас. Оз ӧд дон босьттӧг кор.

Петров перйис ручка да бара пызанас тотшкӧдны кутіс. Мӧвпаліс, сетны али ылӧджык мӧдӧдны Игнатовӧс. Мырдӧн-сорӧн кырымаліс жӧ гижӧдсӧ, мыччис дядьбӧыслы. Вӧлӧмкӧ, дорйысь мортыс лоӧ директорсӧ вежысьӧн.

Игнатов сьӧкыд сьӧлӧмӧн петіс Петров дорысь. Кӧть мӧдыс и кырымаліс корӧмсӧ, но коридорын сійӧс «видзӧмыс» петкӧдліс, мый Иван Максимович сы вьлӧ пыр на лӧгалӧ. Увтыртіс, сме-кайтчыштіс кантораса водзас.

Игнатов тайӧс эз вунӧд. И кор кывсис, мый Петров вьлӧ панӧма уголовной делӧ, эз уськӧдчы дорйыны.

Вӧлӧмкӧ, Карберд овмӧсса чошӧяслы лунвывсянь вайӧны чес-нӧкысь вӧчӧм сорас.

Ӧтчӧд локтасны лунвывса гӧсьтьясыд кыкӧн. Пырасны Петров патераӧ. Варовитасны, сӧясны-юасны да торйӧдчасны.

Кор гӧсьтьясыд мунасны, Петров лавкаӧ мӧдӧдчас, заводитас пасьтасьны. Сюяс кисӧ пальто зептас, а сэнӧ газетӧ гартыштӧм тубрас. Разяс тубрассӧ, газет пытшкын сьӧм гартыштӧма. Петров пырас асмогасянінӧ, мед гӧтырыс оз аддзы, да лыддяс тірзбӧм кинас сьӧмсӧ. Лоӧ дас сюрс. Сэки та вьлӧ автомашина позис ньӧбны.

Мӧд луннас козинсӧ нуас кантораас да пуктас аслас сейфӧ,

пыдоджык сюяс. Оз уськөдчы видзны либө банкө пуктыны. Вайом сьомон некодлы оз ошйысь.

Лунвивса волысьясыс козинасисны эз сідз-тадз. Кутісны лача, мый Карбердса овмөс донөнджык босьтас налысь сорассө. Тыдалө, Петров локтөдз воддза веськөдлысьыс радейтлөма сьомтө. Гашкө, сылы шайгыассө вайисны да? Гашкө, сорасьомон Петровыдлы суйыштисны? Туй помсө сьокыд корсьны. Петров козинсө босьтис, а тайө ставсө висьталө. Оз весиг ков воддза директор вылас ыстысьны.

Вермис лоны, мый ставыс некодлөн төдлытөг и коли, но буретш сэки власьт бердө воис Андропов. Странаын заводитчис пöрадок лөсьөдөм вöсна тыш. Весиг лавкаө уджалан кадө оз вöлі позь петавны. Дона козингяс да сьом босьтöмысь унаөн веськалісны дзескыдінö. Орчча овмөсысь веськөдлысьсö вит во кeжлö бытшласысь сутуга сайö нуисны, шабашникгьяскöд пö вывтiасьöма.

Кывсяс тайö юöрыс Петровлы, повзяс. Пергьяс сейфсьыс козыналөм сьомсö да пошта пыр мөдөдас детдом тшöт вылө. Сэсся ачыс жö пуксяс да гижас милицияö шыөдчөм.

Эскасны туясьысясыд. Сетасны Петровлы диктофон да кор лунвивса гөсьтгяс выльысь воасны, тшöктасны сёрнисö гижны диктофон вылө.

Волісны гөсьтгясыд.

Петровыд налөн мунөм бöрын локтас милицияад, сетас диктофонсö. А сэні гижöма лунвивса волысьяслысь сöмын чөлөмасьомсö да колльөдчөмсö.

— Мыйла тадзи вöчин?!— скöрмисны туясьысяс.

— Ме думайтi, мый батарейкаыс пуксяс да дугөдлі гижнысь,— дорйысис Иван Максимович.

— Тэныд жö лючки висьталім — диктофонас позьö гижны дугдывтөг сутки чөж. Тэ нарошнö кусөдін?

— Эг,— соссис Петров.

Но милицияса уджалысяс та пöрйö сылы эз нин эскыны, панісны делө.

Журналистгяс райкомлөн тшöктөм серти газетын йöзöдісны ыджыд гижөд. Став республика төдмаліс.

Дыр кыскалісны Петровс. Уголовной делö панөм бöрын сійöс чөвтисны директорысь, моргыд коли уджтөг. Эз отсав Петровлөн туясьысяс водзын бöрдөмсорөн висьтасьöмыс. Эз пыдди пуктыны и сійöс, мый сьомсö мөдөдіс детдомö.

Пикö воис да локтис партияса обкомö. Буретш тані секретарнас уджаліс сійö моргыс, кодi вöтлывліс Петровс Ягдорысь.

Иван Максимович кевмысис сылы, бара синвасö кисьтис, казгытыштис орденгьяссö, кодгьясöс сетісны водзын, каитчис, корис отсавны. Волöмыс эз ло весьшөрö, дзескыдінö сылы мунны эз ковмы. Обкомсаыд, воддза бур уджсö төд вылын кутөмөн, звөнитліс кытчö колö, и регыд мысти уголовной делөсö тупкисны. Петровлы сетісны кабала, мый делөсö тупкөма, сылысь мыжсö эз аддзыны.

Петровыд та бöрын кабаласö пыр новлөдліс сьöрсыйс да быд төдсалы петкөдліс. Весиг Ягдорö воліс ошйысьны. Но удж вылө сöмын кад кольөм мысти босьтисны — карбердса öти овмөсö радөвöйөн.

А во мысти сійѣ минсельхозын, партсобрание дырйи да уна йѣз водзын, корис аслыс бѣр бергѣдны бур ним да ыстыны веськѣдлысѣн кутшѣмкѣ овмѣсѣ.

Ягдорса овмѣс кык пельѣ торйѣдѣм бѣрын корсисны директорѣс Закарсиктѣ. Сѣтчѣ и веськаліс Петровыд да лои суседѣн Андрей Игнатовлы.

Отчѣд Иван Максимович локтис Ягдорѣ. Кѣзяин моз пырис веськѣдлысѣ жырйѣ.

— Меным бѣжйѣв* колѣ, вай вичмѣд быд лун пара тонна,— мурѣстис да сатш пуксис Игнатовлы вѣча.

— Бѣжйѣлыс миян овмѣслѣн йѣлысѣ артмѣ. Мыйла ме тѣныд кута сетны да нѣшта на быд лун?

— Мыйла менам оз тырмы, а тѣ кукѣястѣ сійѣн пѣттѣдз юктѣдан. Сет, эн скупитчы!

— А тѣ абѣ скуп?

— Коді менѣ скупнас шуѣ? Коді? Висѣтав, сѣѣлышта сылы синмас!

— Кыдзи ачѣд верман ас синмѣ сѣѣлыштны? Сѣмын, гашкѣ, рѣмпѣштан пыр аддѣмлы,— Игнатов зумыштчис да сѣдзѣдіс пинь пырыс.— Тѣ кытчѣ ассѣд йѣвтѣ сдایتан, сѣтысѣ и бѣжйѣвсѣ кор.

— Сідзкѣ он сет?!

— Ог.

— Муна райкомѣ.

— Мун. Ми ѣд тѣ дорѣ велалім нин. Эз кѣ вѣв вѣгѣдаыс, тѣ некодлы жѣ нинѣм сідз эн сетлы. Мый миян овмѣслы тѣныд бѣжйѣв вичмѣдѣмысѣ?

Петров кыліс тайѣ кывѣястѣ да скѣрысла лѣзѣдіс. Петігас крапкис ѣдзѣснас. Абѣ на этшыс лѣныштѣма, кѣтъ и кыскалісны погона йѣзыд, да-й уджтѣг мыйтакѣ оліс.

Здук мысти Игнатов уськѣдчыліс эськѣ вѣтѣдны да косѣдны Петровѣс, но эз удит. Петровыд сѣлѣма машинаѣ да мунѣма.

Андрей Васильевич сетис эськѣ мыйтакѣ бѣжйѣвсѣ, а пырысѣ-пырсѣ вѣча эз мун сы понда, мый водзын, Ягдорын уджалігѣн, ѣна дзескѣдіс. Эз на вунѣд, кыдзи быдса час чѣж Петров видзис сійѣс Карберд овмѣсса кантора коридорын. Омѣлик корысѣс моз видзис, а ачыс сѣккості картіасис. Эз, эз вунѣд тайѣс Игнатов.

Муртса Петров муніс, кантораѣ локтис Ягдорса маслозаводысѣ кѣчегарыс, лолыс тырѣма.

— Андрей Васильевич, лок ветлам маслозаводѣ.

— Мыйла?

— Мастерным, Петыр Саньѣ, кык лун помся рытнас кольчыліс удж вѣлѣ. Вѣкджык водз мунлѣ, а тѣрыт и вѣйдѣрлун маслозаводас бергаліс. Ме котельнѣйын нокся, пес пачѣ сюяла да дивуйтча. А талун помѣй гу дорті муна вѣлі да кокѣй вильснитіс, уси бок вѣлѣ. Усигѣн кокѣн чужйыштчис помѣй гуас косяян розѣ тупйѣдѣ. Чеччи да вѣвтсѣ места вылас кѣйи пуктыны. Видзѣді гуас да муртса вѣжѣрѣй эз вош. Гу тырыс сливки, вѣй комокѣяс бѣвѣялѣны. Водзын быд пекничаѣ волевліс машинаѣн ѣти карса. Петыр Саньѣкѣд вашкѣдчыліс, сѣвтліс

* Бѣжйѣв (диал.) — ѣбрат.

машинаас вий тыра ящикъяс да увлань лэччөдліс. Саньö нак-
ладнöйяс мыччыліс: карö пö лэччөдöны директор тшöктöм серти,
а бөръя пекничаö карсаыс эз воы. Выхьлуно Важтыбоксянь
звöнитісны: локтасны пö ревизияөн. Тшукусь мыжсö Петыр
Саньö гуас дзевис. Весиг вий шмакъяссö абу жалитöма, сэтчö
шыблалöма. Тіян овмöслысь йöвсö примитö лёка. Жирсö тöдöмөн
чинтö. Артмём лишалана выйсö гусьөн карсаыслы йөткө. Ме
тадз думайта. Некодлы на эг висътав. Тэ дорö локті, тіянлысь öд
овмөстö көмөдö, лок ветлам.

Збылысь, маслозаводса помöй гу тырöма сливкиөн и вий
торъяс сэнi павъялöны. Игнатовлөн сьölöмыс весиг гудыртчис.
Найö мырсьöны, зильöны унджык йөв лысьтыны, а тані со арт-
мём вөлөгасö гуö коялöны! Немортыд, позьö öмöй лёк вöчысьсö
мöд кывйөн шуны?! Оз! Көнкө тшыгла кулöны, а тані со мый..!
Пакöсьт вöчысьсö колö судö сетны! Война дырйи кө лыйлісны
эськө татшөмторсьыд!

— Бур, мый ме дорö локтін,— шуис Игнатов кочегарлы.—
Таысь колö мыждыны! Пыр жö юёрта кытчö колö!

— Звöнит, мед КПЗ-ö нуасны шпанасö!— кочегар матъкыштис
да пырис котельнöйö.

Игнатов шавксöдіс кантораö. «Петров бөжйöv корсьысьсö, а
Ягдорын сливкисö помöй гуö коялöны! Кывсяс сылы да нöшта
на ме вылö скөрмас»,— думайтис восьлалігас.

Заводитчис туясьöм, но сійö нинём эз сет. Петыр Саньö
лэдзчысис йöй улö да водіс Эжваса абу тыр сюсь йөзöс бурдö-
данінö. Погонаяс шуисны: вежöрыс пö вошлöма, кор лёкторсö
вöчис.

...Ставыс тайö, кантораса залын пукалігөн, выльысь бергөдчис
Игнатов вежöрын. Выльысь казътыштис кольöмасö. Весиг дрөг-
муні, кор сылысь думъяссö торкис школаса директор.

— Ми тіян депутатпу дор лоам, ті кө Петров вöсна сетанныд
гөлöсьастö.

— Сетам, сетам,— кыліс öти да мöд пельöссиянь.

— Ёртъяс,— шыасис профкомса председатель, коді юрнуөдіс
чукөртчөмнас.— Вай сетам кыв медводз асланым депутатпулы,
а сэсся суседъяслы.

Залын пукалысьяс öткывъясисны.

Игнатов чеччис.

— Войсö эг узь, думайті. Мыйла ме көсья пырны РСФСР-
са народнöй депутатö? Ме чужи прöстöй крестьянин семьяын,
сьöкыда быдми. Партия сетіс позянлун велöдчыны. И ме велöдчи,
зiли босътны тöдöмлунъяс. Öнi тайö отсалö уджын. Тіян син
водзын верстыями. Тi тöданныд менö быд боксянь. Унаысь торк-
сьылі, тіян син водзын жö мездысьлі торксьылöмъясысь.

Меным пыр тшöкыдджыка волö мөвп, ставыс-ö миян олöмын
лючки? Вескыда шуа: абу. Та вöсна страналы колöны выль
веськөдлысьяс, выль депутатъяс. Медым вынсьöдны колана олан-
пасъяс. Медым кресътянин босътис удждонсö сы мында, мыйта
вермис нажөвитны. Медым сійö ас му вылас ачыс вöлі көзяинөн.
Мед сылы эз индавын кор да мый көдзны, кодлы инавны быд-
төмторсö. И донсö сыысь сетісны сымда, мыйта сулалö. Медым
сиктын вöліны клубъяс, физзалъяс. Челядь вермисны велöдчыны
кыпыд, шоныд школаясын. Мед сэнi вöлі наукалөн выльпыр-

тöмторъяс. А пöрысьясöс мед аския луныс эз повзёдды, мый кольöны öтнанныс, мый ас кадö оз во на дорö бурдöдысь, оз вайны пенсия.

Видзöдлі, кодъяс суйсьöны депутатö. Аддза: райкомса секретар либö совминысь морт. Миян бöрйисян кытшö ныртчö обкомса секретар. Мыйла сійö сиктö ныртчö, а оз карсянь мун? Көть кутшöм карсянь: Воркута, Ухта, Сыктывкар. Чайтö, мый сиктсаястö кокныдджык ылöддыны. Öд сійö и öнi депутат, а мый вöчис, медым сиктын олöмыс бурмис да карса олысьысь эз торъяв?

— Нинöм!— кодкö горöдiс места вывсянь.

— Та вöсна ме думыштi пырны тайö вермасёмас. Пармасаылы ыстi нин вочакывсö. Öнi тiян сайын, сувтанныд он на дор.

Мыйкö дыра кежлö залын пуксьыліс чöв-лөнъ. Гут кö лэбис, эськö кыліс, но сöмын здук кежлö. Öти бöрся мöд места вывсянь йöз вöзйисны пырны депутатпуö да вермасыны помöдз.

— Мый налы, чинаясыслы, оз на тырмы? Нöшта ыджыд власьт ковмöма! Оз ков сетчыны!

Профкомса председатель корис лэптыны кисö налы, кодъяс суалöны Игнатов дор. Кыптiс уна ки. Сöмын öти морт эз лэпты. Тайö орчча грездысь тракторист Вась Веня. Сылөн быдтор вълö аслас видзöдлас и пырджык пырліс венö, но öнi эз вензы, сöмын кисö эз лэпты.

Петровöс сiдз жö вöзйисны Коми АССР-са депутатпуö. Сылы кокныдджык, сöмын гоз-мöд сикт пырö бöрйисян кытшас. А Игнатовлы лöö ёна ветлöддыны. Ковмас кытшовтны квайт район, Кулöмдiнсянь Луз вожöдз. Вермас-ö воöдчыны быд бöрйисысь дорöдз? Вермас-ö найöс кыскыны асланысь? Öд районса чина йöз оз кутны Игнатов дор сувтны. Найö быд ногыс мöдасын сконйыштны. Сöмын ас коддьöм вълö надеяыс, прöстöй йöз вълö. Медым найö сюрс öкмыссё öкмысдас вося март нельöд лунö сетiсны гөлöссö Игнатов вöсна.

Бöрйисисны вълö ног. Тайö вöлі медводдза и, кыдзи кадыс петкöдiс, медбöръя тырвуйö демократическöй бöрйисьöм. Көнi эз на ёна ыджыдав пöрйöг, ньöбöм да озырлун.

Депутатпуыс витөн, öта-мöд вежмөн ошкисны асьнысö, люзикасисны сиктысь сиктö. Кодi мыйөн вермö, сійөн и ветлö. Со Кулöмдiнö шуркнитiс аслас съöд «волгаөн» обкомса. Сöмын лым бус качö. Бöрсянныс Игнатов зильö. Нöшта радлыштiсны на шоперыскöд, кодыр асланыс важиник «уазикөн» панийсны вынйöра «ЗИЛ-157». Тайö Кулöмдiнса военнöй часьтысь политрукыс мунö. Тшöтш жö окота лоны депутатөн. Сійö öти кытшов и вöчис. Этша гөлöс чуктöдiс да эновтчис, но дугдiгас корис, медым йöзыс гөлөсуйтасны Игнатов вöсна.

Первой кытш бöрын тыдовтчис: водзö петiсны обкомсаыс да Игнатов. Воддзаыслөн гөлөсыс лои унджык, но этшаджык, медым пыр жö лоны депутатөн. Ковмис мöд кытш нуöдны.

Игнатов тöдмасис лыдпасъяснас да аслыс чорыда шуис — бöрйисыны помöдз.

Öтчыд обкомсалөн дöвереннöй морт, Пётр Марков Важдiн клубын йöзкöд аддзысьлігөн кыскыштiс Игнатовöс пинжак соскöдыс.

— Лок, вешйылам сайёдінас,— индіс клублөн өшинь дорё.

— Мыйла?— чуймис Андрей.

— Вешйылам, меным мыйкё гусьон колё висьтавы.

Игнатов неокотапырысь воськовтіс Марков бёрся, мед лоны йөзсянь ылынджык. Марков нюжмасьтөг паніс сёрни.

— Меным тшөктісны висьтавы, бөрйысьёмысь кө эновтчан, карысь сетасны кык жыръя патера.

— А ог кө?

— Сөветуйта кывзыны.

— Да пошёл ты,— Игнатов дөзмөмпырысь вешйис.

Сы местаын кө вөлі мөд морт, гашкө, вөзйөмыскөд и өткывъ-ясис. Вермис-ө сиктса морт пыр жө, карын овтөг да уджавтөг, босьтны сэнi кык жыръя бур оланін? Дерт жө, эз. Да-й эз кө заводит бөрйысьны, эськө некод сылы патерасө эз вөзйы. Вөз-йысьыс, гашкө, поліс, мый ворссяс? Андрейөс тайө лоөмторйыс скөрмөдіс, чорзьөдіс. «Мый лоө, ло,— шуис аслыс.— Помөдз муна-ветлөдла». Та бөрын паныд сулалысьлөн отсасьысьяс паськөдісны сёрни: Игнатов пө съөкыда висьө да сійөс оз сулав бөрйыны депутатөн...

Андрей, кор кывліс тайө пөръясяна сёрнияссө, зумыштчыліс, но водзө ветлөдліс, йөзкөд аддзысьліс. Воліс сэтшөм сиктьясө, кытчө воддза кытшалагас эз вевъяв мыччысьлыны. Та пөрйө весиг вель ыджыд Луздор район помсянь помөдзыс муніс-кытшовтіс. Бөръя кадө медся ылі сикт-грездө воліс, но уна йөз чукөр коли на бокө. Та понда шөгө усьліс. Гашкө, пөрйөга сёр-нияс вөсна йөзыс, кытчө эз волы, өддортчасны сыысь? Медбөръя луннас шуис нөшта өтчыд кайлыны Кулөмдінө. Чеччис нель час асылын, медем воөдчыны местаөдз йөзлөн удж вылө мунтөдз. Тэрмасис да буретш ас кадө воис. Вөр пөрөдысьяс, пилорамаын уджалысьяс, скөт дорын зільысьяс сюся кывзісны сійөс. Лесопунктса начальник, кодкөд первойөн паныдасис, пыр жө шуис:

— Ме бөръя тэнө. Тэ көть нинөм он вөч, но мог кө суас, позяс быд пөрйө тэ дорө шыасьлыны телефон пыр либө воыны тэ дорө. А чина морт дорад, көть ковмас, он веськав. Төндзи заводитлі пырны да весиг эз лэдзны.

Рөмдігас нин косісны бөр Ягдорө. Бытьтө зэв съөкыд удж лои вөчөма, майшасьёмыс быри, и съөлөм вылас сэтшөм лөньлун воис, кутшөмөс важөн эз төдлы, ставыс личмуні, успаньвыв пуксис.

Ворссис обкомсаыс да аддзысигөн дугдіс Игнатовкөд чолө-масьны.

3

Победа лун кежлө Андрей лэччис Важтыбокө. Водзвылас мамыс, Анфиса Ивановна, телефонөн звөнитіс. Первой чолөмаліс депутатө бөрйөмөн, а сэсся выдыштіс.

— Дзикөдз вунөдін мянөс! Весиг звөнитлан гежөда, мед вөлі локтөма!— стрөга помаліс сійө.

— Вола, вола,— көсйысис Андрей.

Май өкмысөд лунө Игнатовъяслөн керка вөлі уна йөза. Воисны ныв-пиыс, внук да внучкаяс. Пуксялісны инпөвса пызан

сайѡ. Эз тѡрны да ковмис пыдѣ жырысь содтѡд пызан да улѡс-пуклѡсьяс петкѡдны.

— Мамѡ,— шуѡ Анфиса Ивановналы Лина нылыс.— Пуксьы пызан саяс, со татчѡ, шѡрас. Талун пачводзас ми ноксям.

— Чѡв, чѡв,— шенасьѡ Анфиса Ивановна.— Кыдз позьѡ? Кѡзьяка кутас сатшвидзны-пукавны, а гѡсьтъяс пачводзын ноксьыны.

— Кутшѡм гѡсьтъяс? Ми али мый?— вензисны гортсаяс.— Тэ талун меддона гѡсьт пыдди, тэ! Лок, пуксьы!

Ѳдва удайтчис ѡти кывйѡ воѡдчыны. Пуксьѡдѣсны Анфиса Ивановнаѡс дзик пызан шѡрѡ. Енув пельѡссянь неуна бокѡджык. Верѡс кулѡм бѡрын Анфиса Ивановна лѡсьѡдѣс енув пельѡссѡ. Весиг вѡлалѡм ѡбразсѡ сэтчѡ пуктѣс. Сѡмын вѡлыштѡм дорсѡ дзебыштѣс мѡд ѡбраз сайѡ, мед синмад оз шыбитчы.

Кыпыд пызан сайын. Важѡн та мында йѡза гажыс эз вѡв. Сѣйисны, юисны, ыджыд гажлунѡн ѡта-мѡдсѡ чолѡмалѣсны, казътыштѣсны война вылын усьѡмаясѡс, таладорысь мунѡм рѡдвужсѡ.

— Мам,— шыасис Анфиса Ивановна дорѡ Андрей.— Фронт вьлѡ ветлысьясѡс, усьѡмаясѡс и ѡнѣ на олысьясѡс казътыштим. А найѡ, кодъяс мырсисны лѣк каднас сикт-грездъясын, вежисны фронт вьлѡ мунѡм айловсѡ, кыдзкѡ бокѡ колины. Вай висътышт, кыдзи тэ война дырйи олѣн?

— Вай висътышт и эм,— кыліс ѡтар-мѡдарсянь.— А то нинѡм ог тѡдѡй. Мѡдысь кольѡм кадсѡ казътыштны весиг ог сяммѡй.

— Талун нимкодъясны колѡ, а оз гажтѡмсѡ да лѣксѡ казътывыны,— кутѣс пыксьыны Анфиса Ивановна.

Но пызан сайын пукалысьяс то ѡти, то мѡд заводѣтѣсны корны. Медбѡрын Анфиса Ивановна раммис.

— Но, либѡ, кывзѡй,— шуис сѣйѡ да ыджыда ышловзис.— Война пансян первой лунтъяссянь Закарсиктѡ кутѣсны воавны повесткаяс. Василейѡс Макар Вань другыскѡд нуисны 1941 вося юль ѡтиѡд лунѡ. Вежон костѡн фронт вьлѡ мунѣс сьлѡн Ѳлексан вокыс. Ми, кык монъ, колим ас кежысь. А регыд Ѳлексанлѡн гѡтырыс, Анна, вуджис кад кежлѡ орчча грездѡ, мамыс дорѡ.

Ме, вѡзйыси кѡ аслам бать-мамлы, тшукусь эськѡ примѣтѣсны. Но Василей мунѣгас тшѡктѣс керка видзны, челядьѡс дѡзъѡритны. «Олам Ен ѡтсѡгѡн»,— синваѡс нъылалѣтгырйи кѡсйыси верѡслы.

Мѡд луннас нин пыри уджавны Важтыбокса МТС-ѡ. Сетѣсны вѡв, кодѡс колѡ вѡлѣ аслым вердны-идравны, заптыны сылы тѡв кежлѡ турун. Тайѡ вѡвнас додь вьлѡ гезйѡн кѡрталѡм кѡрт бѡчкаын ваялѣ карасин, бензин. Быд лун додъявлѣ Савраскоѡс да рѡдтылѣ ломтас-мавтасла, Важтыбокѡдз лѣччылѣ.

МТС овмѡссянь Закарсиктын уджалѣс кык трактор. Первойсѡ вѡлѣ пес вылын уджалысь ХТЗ. Пессѡ колѣс дженъыда пилитны, посьнѡддыны да косътыны. Уль пескѡн тракторыс эз уджав.

Война пансян воѡ Важтыбокса МТС бердын кык ныв, Кѡсьта Вера да Миш Сандра, куим тѡлысьяс курсъяс вылын велѡдчисны трактористъясѡ.

Кѡсьта Вера олѣс висъысь мамыскѡд омѡлик керка пѡлын. Нылыс — мамыслѡн корсьѡмтор. Арнас, муртса пансис войнаыс, мамыс энѡвтѣс таладорсѡ. Вера коли дзик ѡтнас.

Вера ичотик тушаа, омөлик. А сэтчө жө трактористө велөд-чис! Первойсө весиг моторсө эз сяммы заведитны, выныс эз тырмы. Котөртлө вөлі отсөгла колхозса кузнеч, өтпырйө бригадир, Ёгор дядь дорө. Ёгор дядь воддза война вылын кок пөвсө воштöма, да öнiя вылас эз босьтны. Дзурликасис пу кокөн. Ыджыд грамота эз вöв, но тракторьястө зэв бура тöдiс. Вермис куньса синмөн косявны и тэчны. Колхозын сы вылө и лачасö кутiсны.

Кор МТС-лы воис карасин вылын уджалысь «СТЗ», сетiсны нывъяслы. Тайö шипъяса ыджыд көлесаа тракторсө дзоньнас вöчöма көртысь, весиг пуклöсыс көрт. Гожöмнас сы выйöдз донавлiс, мый позис сэн чипан кольк жаритны. А сёр арын гач сiтаныд пуклöс бердас кынмылiс. Заведитны көрт вöвсö абу кокни. Кусö кө, пöттöдз лоö тракйысьны. Да нöшта виччысьны, медым бергöдлан воропыс плешкад эз дзенгы. Но нывъяс регыд аддзисны петан туйсö. Көртавлiсны мотор бергöдлан воропас гез. Кутчысьлiсны гезъяс да сiдз тракнитлiсны.

Ме тшöкыда отсасьлi Вералы. Весиг корсюрö сöвлi трактор вылас да öдйö и велалi гөрны.

Тракторыс кө жугавлiс, му вылас и дзоньтасьлiсны. Унджыкысьсö Ёгор дядь отсөгөн.

Öтчыд, 1942 вося водз арын, гөрисны Закар керöсын. Повод-дяыс сулалiс ыркыд. Гожöмыс эз гожöм кодь вöв, купайкаөн ветлiм. Купайкаыс ставныслөн карасинөн öвтöны, сы выйöдз йиджöма. Косьта Вера пажын бöрын локтöма вöлi керöсö Миш Сандраöс вежны.

А Сандра сылы шуö:

— Муртса уркöвöйöдз эз ло. Сөйöд да топыд муыс. Гашкö, виччысьлан, гöрышта нин.

— Мун, видзöда мудзöмыд, ачим помала.

Сандра эз пыксьы. Талун сiйö, збыльысь, жуявмөн мудзис.

Вера тракторсө гөгөр видлалiс. Лэптылiс гөрсö, гылöдiс амысь вылысь ляксьöм сөйсö да выль пöв лöсьöдiс гöран джуджтасö. Пуклöс бокö пысыштiс пажын сумкасö и заводитiс гөрны.

Гөрöмысь дугдылiс сöмын сэк, кор ме ломтас вайи.

— Эштöда тайöс,— көсийысис ныв.— Көть вой шөрöдз тыр-мас, эштöда.

Мöд асылö ме вои керöсö. Трактор сулалiс борйын шы ни төв. Сэни жö неылын чусалiс бипур, а дiнас сотчöм, сэрапом кодь морт шой.

— Вера! Вера!— горза ме.

Сэтшöма повзи, мый шöйöвошлi, кынмылi места вылө, сьölöмöй коклябөрö лэччылiс. Ас садьö вои да горзигтыр скачөн вöтлi Савраскоöс сиктö.

Заводитчис туясьöм. НКВД-са погона йöз кывкөрталiсны таdzi: быттö Вера пемыдöдз сувтлытөг гөрöма. Сэсса кусöдас тракторсö. Пестас бипур, нурьясьыштас да бипур дорас унмов-сяс. Тöвзысяс, узигкостыс бипурйысь би киньыс чечыштас купайка вылө. Чусалас, чусалас да карасина купайкаыс ыпнитас. Вера сотчас ловъя вывсьыс, узигкостi.

Ме талы эг эскы. Кыdzi морт вермис ловъявылысь сотчыны? И та дырйи эз паляв дойсьыс? Эз туплясь, медым кусiс пась-кöмыс. Эз видлы пöрччысьны. Öд абу керка пытшкын, тшын

пиö эз пöд. Оз, оз вермы татшöмыс лоны! Сэки сикт пöлөн мыйта пышъялысь, шöйтысьыс мунліс. Лагеръясысь пышъялісны. Вермис, рöкыд выло, лёк йöз паныдасыны.

Вераöс ме аддзи бипур дорысь. Быттö сөтчöма да абу весиг вөрзылöма. Туясьöмыс муніс сідз, медым öдйöджык тупкыны делöсö. Шойсö эз кыравны, вöчыштисны пöвйысь горт, мöд луннас и дзедим став колхозöн. Бабаяс лимзальштисны-бöрдыштисны да тайöн и помасис. Колö уджавны, быдтыны нянь, картупель. Картаын тшöгöдны скöт, лысьтыны йöв. Ставсö фронтлы. Ыджыд тыш вылын кö, кöні лыйсисны да виалисны, муыс йиджтысис вирöн, тані, сиктын, быд гöрыштöм бөрöзда йиджтысис курыд синваöн. Пемыдсянь пемыдöдз мырсьысь аняяслөн, дöва-яслөн синваöн. Та дырйи со юр пудъявмөн лолі.

Вераöс дзедöм бöрын Ёгор дядь коралис менö трактор вылын уджыштны.

— Регыдик, тöлысь мысти Петыр Наста воас,— шуö сійö.— Налөн курсясыс помасянінын нин.

— А Савраскосö кытчö?

— Сэккості Микипер Агни вöдитчас.

Ме тöлысь чöж трактор вылын уджалі. Гортö волі рудз мудзöма. А колö на пач ломтыны, пусьыны, пöжасьны. Воськыда кö шуны, челядь Ен отсöгөн быдмисны. Педöсь пöч дöзьöр улö кольлі. Пöчыслөн керкаыс орчча. Ачыс оз нин прамöя вермы, но кок йылын на. Удж выло мунігөн ме таркöдлі сылы öшиняс.

— Педöсь пöч, ме муні. Видзöдлы челядь бöрся, узян колины.

Валерийлы нель арös, а Линалы куим тырö. Садымасны вöлі найö, сёйыштасны да ворсöмсорөн и лунсö коллялöны. Арнад водз пемдö. Рöмдыны заводитас да, чоя-вока локтöны Педöсь пöч дорö.

— Пöчö, огö на биасьöй?

— Энö на, дитяяс, югыд на.

Кольö мыйтакö кад. Керкаын нöшта пемыд лоö, шуштöм. Быд пельöсын кылö шпорöдчöм. Чоя-вока выльысь петöны пöч дорö.

— Пöчö, огö на биасьöй?

— Энö на, дитяяс, югыд на.

Валерий кöть и ыджыд туйын оліс, но поліс жö. Пемыдсьыс поліс, керка пельöсас шарöдчöм шыысь поліс, но аслыс бöрдны оз позь. Педöсь тьöтлы шуöма: мамö пö оз тшöкты бöрдны. Мужик нин пö, а мужикъясыд оз бöрдны.

Кор ёна нин рöмыдыс пуксяс, сэки тшöктö вöлөм Линалы.

— Кагук, бöрддзы.

Линалы мöдысь шуöм оз ков. Пыр и бöрддзас, гораа, кильчö выло петас да бöрддзас. Медым Педöсь пöч локтас да карасина лампасö биалас.

Пöчöыд та бöрын пыр и биавліс карасина лампасö.

Регыд кывсис: Сöветскöй правительство пö шыöдчöма йöз дорö отсöгла да корöма ассьыным чöжöм сьöм мöдöдны оборона фондö. Меным пыр жö уси дум выло бать-мамлөн приданнöйыс. Сета, мися, медым пеж войнаыс öдйöджык помасяс да Василей бөр воас гортö. Важтыбокö лэччылігөн, мися, сдайта банкас.

Тöв заводитчигас, лымъя нин вöлі, ме Савраскоён лэччи Важтыбокö. Ломтас-мавтас да запчасьт вайны. Первой пыралі

банкö, сеті вайöм сьöмсö, зарни крестсö, кырымасы колана кабалаясö да муні МТС-са кантораö.

Кутшöмкö часът складаын эз вöв, виччысисны: аски пö карысь воас. Ковмис узыны. Ме инö ог öшйы, челядь öтнанныс и мунны оз позь, виччысьны тшöктісны. Он кө виччысь, сутуга сайö верман веськавны.

Байисны запчасьттö да пыр жö туйö петі, öдйö вöтлі вöлöс. Öти дум менам: кызди ныв-пийö олісны. Вои сиктö, ректыси да гортö рöдті. Керкаöй көдзалöма, лов шы кылö.

— Валерий, Лина, көнöсь ті?

Чуксала, но шыч ни рач, некод эз шыась. Котөрөн петі Педöсь пöч дорö. А сійö ачыс пласьт куйлö: тöрытсьянь пö эг на вермы чечывны. Весиг ва стöкан некодлы мыччыны, аслас пачыс көдзалöма. Ме мыччи ва стöкансö.

— Педöсь пöч, мися, виччысьлы. Корся челядьöс да вола, ломта пачтö.

Бара котөрті гортö. Быдлаысь корси: паччөр вылысь, гөбөчö лапкыштли. Крöвать улысь видзöдлі — некөн абуйöсь. Пукси пач вом дорö да бöрдны куті. Шогöйла тайкö сьöлөмöй потас. Друг кыла пач пытшкын шарöдчөм. А сэсся пач пöданыс уси да са ёкмьяс мыччысисны: Валерий, а бöрсяньыс Лина кыссьö. Вöлөмкö, керкаыс кор дзикöдз көдзалöма, Валерий медся шоныд местасö адзöма пач пытшкысь. Сэтчö и пырас чойыс-кöд.

— Лина,— торкис мамсö Андрей да шыасис ыджыд чой дорö.— Тэ помнитан тайöс?

— Омöлика, быттö вöтын моз.

— Эн мешайтчö,— öлөдіс Дима.— Мам, висьтав водзö.

— Меным, кыз МТС-ын уджалысьлы, пызь да тусьыс колхозничаяс дорысь унджык вичмыліс,— водзö сёрнитіс Анфиса Ивановна.— Лишаланасö сетыштли Сандра чойлы, коді коли дөваөн. Ки вылас вит челядь. Ме, мыйөн верми, сійөн и отсалі налы.

Василейлөн медыджыд Галина чойыс петлöма верöс сайö орчча грездö. Война мöд онас налөн ускөттö лоö. Мөссö лудын ош косявлас. Ырзөмөн бöрдас Галина. Челядьыс посниöсь, медся ыджыдыслы, Насталы, дас арöс. Ичöтыслы, Ивöлы, муртса вит ар. Кызди водзö кутасны овны?

Галина Закарсиктö гежöда воывліс. Война вылö вокъяс му-нөмсянь ньöтчыд эз пырав бать керкаö, миянкöд эз лöсявлы. Менö синнас видзöдны эз вермы. Кодкö шулöма, мый сылысь батьсö керöма Лазар Öдя, менам мамöй. Сы понда быттö висьмöма, лыйсьöм выйöдз воöма да таладорсö эновтöма. Пырöма тайö шуöмыс юрас да некыз эз вермы лөньöдчыны.

Верöсыс война вылö мунигас тшöктылöма, пöгибö кө воасны, вузавны керкасьыс ставсö, мед сöмын эз тшыгъявны. Мөс бырöм бöрад тшыг воыд öдйö и воöма. Кор картофель корсö гожöм шөрнас пуж жугөдöма, став лачаыс бырöма. Öтитор кольöма: кайны вөрö, тшак, вөтöс чукөртны, кач перйыны.

Колхозын мырсьöмысь кынөмпөт эз шед. Мöд во нин трудөдөн вылö нинөм эз сетлыны. Удж бöрын ачыс, а луннас ыджыд нылыс, Настаыс, вöрын вөтчис.

Галина бура уна перйылöма качсö. Радлö вöлөм: гашкö, пö

тулысөдз нюжөдасны этшаник ид тусьсө. Унаысь босьтлөма киас верөсыслысь кыйсян пицальсө, патронъяссө, амбарысь тывсө. Но ставсө важ местаас пуктылөма, абу вузалөма: локтас пö верөсыс ыджыд тыш вылысь, а утварыс дась, чөс туйыс виччысьсө. Жаль, асьсө Галинаөс вöрасьны эз велөд. А кодi нö тöдiс, мый сы кузя война лоö? Тöдiс кө, дерт жö, велөдiс.

Ачыс нин, пес вöчигөн уркай велавлiс кыйны. И шедыштлiс, но ыджыд-ö сёянтор уркайыд? Кыв йывтi мунöмсö он тöдлы. А ид тусыс джаджыйн пыр этшмис и этшмис. Галиналөн кач сора нянь көрышыс лунысь-лун ичöтмис. Челядыслы зiлис сёянсö сетны. Ачыс шулывлөма, мый пачводзын нурьясис. Сы вьлө видзöдöмөн и Наста нылыс ассьыс няньторсö ичöt вокыслы да чойыслы мыччылөма. А дзояяслы мый? Налөн кынём сямалö, эз казавны, мый мамыс да чойыс тшыгъялöны.

Мама-ныла омöльтчисны. Öти асылö Галина абу вермөма чеччыны. Сы бöрся чорыда висьмөма Наста...

Мама-нылаөс дзевисны öти лунö. Ичötьяссö нуисны детдомö.

Кор тайöс тöдмалi, ёна ачымöс көритi. Öд тöдлi кө, верми отсыштны. Ид тусьсö эськö вичмöдi, жмыхсö, кодöс вöвлы вöли сетöны, пайкыштi. Мед сöмын найö ловйөн колины. Сёрөн, сёрөн тöдмалi!

Гордöй вöли Галина. Чайтiс, юрыс усьö, шыасяс кө ме дорö отсöгла. А кымынөн, чойысь öддор, ме дорö шыасьлiсны! Кымынлы отсыштли, мый верми, сы мында и сетлi. И жмыхсö пайкыштли. Сы пыдди Савраскоöс ыджыджык мездора турунөн сёöдлi...

Анфиса Ивановна ыджыда ышловзис, ланьтыштлис. Көнкö, думайтiс, водзö висьтасьны али дугдыны. Сьöкыд важсö, мый лов вылад личкö, казътывны. Кост коли да водзö сёрнитiс.

— Öтчыд ме локтi гортö. Кильчö öдзöсын томан эз öшав. «Гортынöсь али мый?»,— думыштли челядь йылысь. Асывнас унзильнас на нуи батъ-мам дорö. Öлексан гöтыркöд, Аннакöд, öтлаын и петiм. Тшöтш кильчö öдзöссö томналiм. Ключыс öтик да, öдзöс карниз костö дзебыштим. Шобсьыны пыравлöмсяныыд эг лэдзчысьöй томансьыс. Полам вöли, война кадö быдсяма йöзыс шöйтö да.

Пыри гортö, а паныд гöбöчысь бауөн петö Тате пöдругай. Киас тельöб чабыртöма.

— Тэ кыз томан саяс пырин?— чуйми ме.

— М-ме, ме...,— Тате шöйöвоши, эз сяммы вочавидзны, сöмын ымзiс.

Менам вежöрын пыр жö югнитiс: со кодi шобсьысьыс вöлөма! Кватитi пач водзысь коколюка да скöрысь горöдi:

— Висьтав, мый гöбöчсьыс корсян?!

Тате муöсь ки пыдöснас чужöмсö сайöдiс, ымзö.

— Мый лукйин гöбöчас? Мый корсин? Мый?!— горза сылы.

— Приданнöйтö,— муртса кывмөн артмис Тателөн.

— Приданнöй?! Тэныд сiйöс пуктöма?! Пет керкасьыс! Пет!— ме скöрийвсьыд зутшкöбтi коколюканас Тателы морöсас.— Мунам сельсöветö!

Мир туй вылын Тате пидзöсчанясис.

— Эн пöгубит. Öг сэсся пыр тэ дорö. Кывлi, кызди батъ-мамыд сьöма приданнöй тэныд сетiсны. Мутиясыс тойлiсны, эз öд нинём сюр.

— Эз, дерт, сьомсö важөн нин Госбанкö сдайти. Оборона фондö, медым Гитлерöс пасьвартны, а тэ гусясьны! Ок, эськö сöтышта кö тайөн!— ырыштчи коколюканас.

— Чö-öв, сдайтин?! Эн варт!— кинас тупкысис Тате.

— Да, сötана пызь! Скöрмöдін дзикöдз! На тэныд, шпаналы!

Кучки коколюканас Татеöс мышкас, öтчыд да-й мöдысь. Тате ырскöбтис-чеччис да котöртис туй кузя. А ме коколюкаöс выlö лэптöмөн нöшта горöдi:

— Трасича, шпана, лысьтлы ме шöрö веськöдчыны! Тэ меным абу пöдруга!

Пыри гöбöчö, мольöдышти Тателысь лукйöминъяссö. Видзöдлi пач подулысь дзебассö: изйыс вöрзылöма. «Сötанаыд аддзöма дзебас позсö,— ропка вомгорулын.— Бур, мый удитi сьомсö да крестсö банкас нуны».

Анфиса Ивановна бара вöчис кост, ырснитис кöдзалöм нин чайсö да водзö висьтасис.

— Микипер Сашö йылысь бабаяс вöли вашкöдчöны: шева пö сеталö, тшыкöдчö. Ме йöз больгöмлы эг эскы. Сöрöм, мися, зэв шань баба. Öтчыд Сашö пырис мянö.

— Анфиса, чолöм,— шыасис сийö.— Позьö тэнад паччөр вылын ид тусь косьтыны?

— Позьö,— шуа.— Со тыртöм паччөр вылыс.

Вайис тусьсö, вольсалис паччөрö вöсньыдика и шöпкö вомгорулас.

— Молитва лыддян али мый?— юала сылысь.

— Косьмö, мися, шуала,— вочавидзис Микипер Сашö.

Мöд луннас локтис, чукöртис тусьсö да мунис. Муртса кильчö содйöд лэччис, меным пельö быттьö бобув пырис. Шпорöдчö и шпорöдчö, и юрöй висьмис. Кыла, кыдзи эбöсöй бырö, быттьö кийн босьтöны. Мыйкö сьöкыд личкö и личкö.

— Кагаяс, водыштла паччöрас. Гашкö, кокньодас,— шуа челядлы.

Валерий да Лина тшöтш кавшасисны паччөрö, дiнö водисны.

Менö кокньöдöм пыдди öтарö сьöктöдö. Юрöй бергöдчö, восöдны кыскö. Кыпöдчыли лöкань дорö, бөр шмоткыси-водi. Ки-кокöй дугдiс кывзысьны.

Керка пемдiс, да челядь заводитисны бöрдны, но ме нинöм аскöд вöчны ог вермы. Челядьлысь бöрдöмсö кылöма Анна.

— Мый лои, мый?— пыригмоз юалис сийö.

— Друг висьми. Муртса Микипер Сашö мунис и, топöдiс, вöрзьöдчыны ог вермы.

— Микипер Сашö? Мыйла волiс?

— Тусь вайлис паччöрын косьтыны.

— Колö öд лэдзны! Тшыкöдiс, керис тэнö! Час, ме ветла сы дорö, петкöдла пуж!

Анна — збой нывбаба, челядьтöм на. Вöрö öтнас кыйсьны вöли ветлö. Война выlö мунтöдз Öлексан велöдöма пищальөн вöдитчыны. Босьтöма сийö стенин öшалысь пищальсö, воысалöма мышкас да, кылö, котөрөн лэччис кильчö содйöд. Грымайирка пырöма Микипер Сандра керкаö.

— Тэ, шева чуман, он кö öнi жö Анфисаöс бурдöд, татчö и лыя! Ноко, пасьтася!

— Пасьтася, пасьтася. Дзик пыр, со нянь кöрыш босьта,— повзьöма Сандраыд.

Анна вайѣдіс Сандраѣс ме дорѣ. Пищаль стволнас мышкас зургис.

— Бурдѣд!

— На, тайѣс курччав,— Сандра мыччис меным нянь тор.

Ме курччи, но нбылыштны эг вермы. Оз пыр вомѣ, кутшѣмкѣ чѣскыдтѣм кѣра.

— Мырдѣн някляв,— шуѣ Сандра.

Кыдзкѣ-мыйкѣ эскѣ курччалѣ, няклялѣ, но сѣѣкыда нбылыштѣ. Горшѣс гѣрыштѣс нянь торйыс.

— Колѣ дзоньнас сѣйны,— велѣдѣ Сандра.

Ме мырдѣн курччалѣ да нбылалѣ.

— Ог сѣсся вермы, чѣскыдтѣм, оз пыр,— пуктѣ паччѣр вылас колясѣ.— Син водзѣй югдѣс нин.

— Сѣй дзоньнас,— Анна индѣс коляс вѣлѣ.

— Ог, лѣссыдджык лои.

— Ачѣд тѣдан,— шуѣ Анна да пищаль стволнас зургис Микипер Сандралы.— А ну, усйысь татысь! Нѣшта кѣ локтан, плешкад дзенга!

Лун-мѣд мысти ме паныдаси Сандракѣд улич вылын.

— Мыйла мекѣд сѣдз вѣчин? Ме тѣ дорѣ бурѣн матыстчылѣ, а тѣ неморт нога вѣчин. Вины кѣсйин? Мыйла?— юася сылысь.

А сйѣ пидзѣс вылас уси: прѣща пѣ кора, шевасѣ пѣ ме верма сетны сѣмын бур, шань мортлы. И бытъ пѣ колѣ кодѣскѣ керны. Ог кѣ пѣ, ачымѣс зѣв ѣна мучитѣ.

Ме и дѣзми.

— Ак тѣ, мися, шева поз! Тѣнѣ кѣ мучитѣ, медым и меным лѣк лои?! На тѣныд!— карснитѣмѣн сѣѣлыштѣ Сандралы чужѣмас.

Шевасыд эг дзикѣдз мын. Пельѣ шпорѣдчѣмыс кадысь кадѣ волѣс на. Норасылѣ йѣзлы и кывсылѣс: Сандра шуѣма, няньсѣ пѣ эз дзоньнас някляв.

Коркѣ арнас, пемыднас нин, ме удж вылысь локтѣ. Пока пуси да пѣжаси, челядѣс вердѣ да узьны водтѣдѣ, вой шѣр суис. Нѣровтчи крѣватѣ и сунгыси-унмовси. Асѣядорыс вѣтаси, быттѣ вѣв табун йирсѣ лудын. Еджѣд, гѣрд, руд рѣмаяс. Друг куимѣн ускѣдчисны сѣд рѣма уж вѣлѣ да заводитѣсны сйѣс курччавны, чужѣявны, зырны бокѣ. Сѣд ужѣд водзсасис. Мый вынсыс вѣча пиньсѣ жергѣдлѣс да чужѣясис, но эбѣсыс сылѣн быри. Куимнад ѣдѣлитны кутѣсны. Сы вѣйѣдз курччалѣсны да чужѣялѣсны, мый кокыс сѣд ужлѣн латшмунѣс-чегис. Уси нѣйтѣм вѣлыд ныр вылас. Вомсыс быг петѣ, а чегѣм коксыс вир ыльѣбтѣс. «Сѣтанаяс, коксѣ чегинныд!»,— горѣдѣ ме да ускѣдчи сѣд уж дорѣ. Палялѣ, кѣдзыд нбылѣм чепѣсйѣма.

Пукси крѣватѣ вѣлѣ да ышлолала: «Мый водзѣ татшѣм вѣтсѣ вѣталѣ?»

Удж вѣлѣ мунтѣдз петалѣ Анна дорѣ вѣтсѣ висѣтавны.

— Василейѣд доймис, коксѣ ранитѣсны,— кывкѣрталѣс сйѣ.

— Чѣв!

— Збыль, виччысь юѣр.

Ме шѣгѣ уси, виччыси фронт вылысь юѣр. Пара вежон мысти воис письмѣ. Василейѣс чорыда ранитѣмаѣсь, дрѣбитѣмаѣсь шуйга коксѣ. Весиг вундыны кѣсйѣмаѣсь, но абѣ сетѣма: ѣнѣ пѣ бурданланѣ катовтѣчѣма. А Макар Ванѣ другыс тайѣ тышын усьѣма вѣлѣ...

Фронт вылысь Василей воис ранитчөмөн. Кыдз сөмын бурдыштис, аддзысьліс колхозса шопер Ёнтип Васькөд. А сэсса өти гожа асылө ми петім туйө. Машина кузолө сөвтім этшаник эмбурнымөс, асьным челядькөд сөлім и лэчим татчө, Важты-бокө...

Пызан сайын пуксис чөв-лөнь. Чужөмъяс вылысь позис казьяны шай-паймунөм. Анфиса Ивановна гөгөртис синнас пукалысьясөс да мыжа морт моз шуис:

— Шог лои висьтасьөмөй. Та вөсна и эг көсйи казьявны кольөм кадсө. Курыд олөм сэки олім. Мед эськө ньөтчыд сэсса миян му вылө войнаыс оз лок.

— Медым оз лок,— Андрей сувтис да лэптис асьыс стопкасө.— Вай юам Победа лун вөсна, батьяс вөсна, кодьяс вайисны вермөмсө, миян мам да сы кодь жө уна нывбаба вөсна, кодьяс асланыс пельпом вылын синва сорөн, тшыгъялөмөн да сьөкыд уджөн отсалісны вайөдны вермөмсө. Ыджыд копыр ставлы, кодьяс сетісны миянлы мирной олөмсө. Найөс пыр колө помнитны!

4

Май дас нельөд лунө Игнатов мөдөдчис Москваө. Сыкөд өтлаын Сыктивкарса аэропортө веськаліс мөд сикас ловруа депутат-учёной Револьт Васильевич Пименов. Игнатовлы Пименов кажитчис аслас прөстөйлуннас. Сійө көть уна төдіс, эз вышитчы йөз водзын. И паськөмыс нинөмөн эз торъяв. Мөдарө на, кор Пименов вөсьлаліс, гач кокыс лыбыштіс да мыччысьліс дөмаса носки.

Москваса аэропортын найөс виччысисны нин. Локтігмоз сөлісны сьөд «Волгаө» да мунісны «Россия» гостиницаө. Овмөдісны сідз, коді кыдзи көсйө: өтрасөн либө ёртыскөд, кодкөд удитис төдмасьны.

Сюрс өкмыссө өкмысдасөд вося май 16 лунө заводитчис йөзөн бөрийөмаяслөн медводдза съезд. Кремлёвскөй залын вөлі шума, уна йөза. Комиысь депутатьясөс пуксьөдісны шөр радьясө. Чукөртчөмсө вөсьтис бөрийсян комиссияөн веськөдлысь Василий Иванович Казаков. Дыр сёрнитис, залын та вөсна унаысь кыптыліс зык-шуасьөм.

Выліса балконын, буретш Игнатов вөсьтын, пукалісны ыджыд чина йөз, кодьяс сійө кадө веськөдісны Сөветскөй Союзөн. На лыдын вөлі Михаил Сергеевич Горбачёв. Асьыс паса плешсө увлань лэдзөмөн сійө синйис депутатьясөс. Көнкө, ёна и дивуйтчис гора гөлөса йөз вылө. Гашкө, жалитис, мый сетис налы вөлясө: со пө уліас мый керсьө. Бөрийөмаяс мукөддырйи некодөс эз көсйины кывзыны. Сувтөны, горзөны, квательалөны өта-мөдыслысь микрофонсө, медым мыйкө асьыс висьтавны, петкөдчыны странаса став йөз водзө. Съездыввса сёрнисө быд лун петкөдісны телевизор пыр.

Съездлөн мөд лунө Игнатовлы мыччисны «Правда» газет.

— Видзөдлы асьтө, первойя лист бокас снимайтөмаось.

Збылысь, медводдза лист бокин пукаліс Игнатов. Андрей снимайтөмлы эз радлы. Төдіс, мый демократьяс та бөрти сійөс кутасны лыддыны коммунистьяс чукөрө пырысьөн, а тайө абу

сідз. Сійѡ пырис профсоюз да аграрникѣяс чукѡрѡ, кѡні политикаыс вѡлі мѡд местаын. Медводз коліс бурмѡдны видз-му овмѡслысь экономикасѡ.

Заседание костѣясын пѡшти ставѡн петавлісны залысь. Ѳти кост дырйи Игнатовѡс йѡз чукѡрыс вайѡдіс веськыда Горбачѣв дорѡ, коді вѡлі лѣччѡма вылыс балконсянь.

Горбачѣв, вѡлѡмкѡ, шѡркодь тѣчася морт. Йѡз чукѡр пыр пыскѡдчигѡн Игнатов весиг вевѣяліс здравайтчыны сыкѡд. Мѡдыд сѡмын юрнас довкнитіс да сійѡс кытшалысь гоз-мѡд му-жичѡйкѡд пырис кутшѡмкѡ жырйѡ.

Дыр большѡм бѡрын съездывывсаяс бырѡдісны Конституцияысь квайтѡд да сизимѡд статьясысь КПСС-лысь торѣя право. Шуисны, мый ѡні правоыс быд партиялѡн лоѡ ѡткодѣ.

Верховнѡй Сѡветѡн юрнуѡдны окотитісны Борис Ельцин да Краснодар крайысь КПСС-лѡн обкомса первой секретар Иван Полозков. Игнатов эскис Ельцинлы. Ельцин сѣрнитіс веськыда, кѡсйис бырѡдны партноменклатуралысь кокнѡдѣяс. Эз ѡтдортчы прѡстѡй йѡзысь. Вермис сѡвны автобусѡ, а Полозков пырис партноменклатураѡ. Сійѡ и ѡбичанас кольччис Ельцинысь.

Но Ельцинѡс унаѡн эз кѡсйыны бѡрйыны. Шуасисны: сійѡ пѡ вузалас Россияѡс. Мыйла эз кѡсйыны бѡрйыны? — татшѡм юалѡмыс чужліс и Игнатовлѡн.

Кыв шутѡг, Ельцин — абу шѡркодь морт. Вѡчис унатор, коді чуймѡдіс йѡзсѡ, йѡткыштіс сы дорысь.

КПСС-ѡ пырысьяс разѡдісны Ельцинѡс лѣкѡдана кабалаяс. Но вывтіджык, тыдалѡ, лои. Лѣк юѡр разѡдѡмыс мѡдарѡ бергѡдчис. Коді катласис, найѡ сувтісны Ельцин дор.

Игнатов эз майшась бѡрйысьѡм водзвылын. Сійѡ весиг зіліс ас дорыс кыскыны мукѡдѡс. Эз, эз казаяв, мый Ельцинсянь лѣкыс ѡвтѡмѡн ѡвтѡ. Тѡдіс кѡ, мый водзѡ лоѡ, эськѡ первойѡн сувтіс талы паныд. Ѳд Полозков да Ельцин костын торѣялѡмыс артмис зѣв ичѡт, сѡмын некымын гѡлѡс...

Съездлѡн медся тѡдчанаторйѡн лои РСФСР-лѡн ашшѡрлун кузя декларация вынсьѡдѡм. Сійѡ ышѡдіс мукѡд республикасѡ вѡтчыны рочѣяс бѡрся. Весиг ѡткымын автономнѡй республика Россия пытшкын примитісны асьыныс ашшѡрлун видзѡм кузя шуѡмѣяс.

Тайѡ лои нѡшта ѡти воськовѡн СССР-лѡн пазалѡмлань, но сѣки, медводдза съезд дырйи, кызвын депутатыс эз вермыны и мѡвпыштны, мый виччысьѡ странасѡ да и асьнысѡ. Став депутатылѡн вѡлі ыджыд эйфория, сідзкѡ нин шуны, подулавтѡг асьнысѡ кыпыда кылѡм.

Думайтісны, мый примитісны ашшѡр олѡм йылысь Декларация, и странаын пуксяс бур олѡм. Вѡлѡмкѡ, челядь мывкыдѡн олѡны. Колѡ вѡлі эськѡ гѡгѡрбок да бурджыка мѡвпыштны татшѡм Декларациятѡ примитѡм водзвылын. Колѡ вѡлі...

Ѳд сѣки нин, первойя съезд вылын генерал-полковник Волкогонов, коді велѡдіс Сѡветскѡй армияса офицерѣясѡс да пырис КПСС радѣясѡ, веськыда шуис, мый народнѡй депутатѣяслѡн съезд — некодлы ковтѡмтор, сійѡс пѡ сорасьѡмѡн лѡсьѡдісны партияса юрнуѡдысьяс. Сылысь кывѣяссѡ кватитісны демократѣяс да быд пѡрйѡ казѣыштлісны, мый съездсѡ колѡ бырѡдны. Та могысь найѡ гусьѡн и явѡ нѡдісны уджсѡ, но зѣв унаѡн на-

лысь сёрнияссö пыдди эз пуктыны. Чайтисны, мый демократъяслөн немтор оз артмы. Сэки власьт кутысьяс депутатъясöс пыдди пуктисны, автобусаьсөн да милиция машинасьсөн кол-льöдöмөн нулисны быдсяма экскурсия выlö. Быдöнлы, кор колö, сетлисны торъя «Волга» автомашинаяс.

Мича суйöрсайса автобусаьсөн нулисны Ясная Поляна музейö. Лев Толстой аслас кадö лыддыссис демократён жö. Кыдз история радейтысь, Игнатов важөн окотитис тöдмасьны графлөн усадьбаён, керка пытшкөсөн, да матигөгöрсä кытшовнас: нэмö-вöйся пуясөн, тыясөн, ичотик посъяснас да сэкся кресъяналөн оланінъясөн. Радпырысь сэтчö ветлис.

Волисны художник Илья Глазуновлөн выставка выlö. Шөр визьыс серпасъясас Россияын царизм кыпöдöм-едждöдöм. Чукөръясөн ветлөдлісны öти серпас дорысь мөдö. Донъялісны, кывзисны художниклысь сёрнисö. Серпасъяс видзöдигөн Игнатовлы кодкö мышкас тувкнитис.

— Андрей,— виччысьтөг шыасис Люда Кравцова.— Мый шуанныд, талун рыт кö тэа-меа ветлам ресторано.

Андрей чуймөмөн видзöдліс Люда выlö. Найö тöдмасисны колян вежонö. Веськалісны пажнайтны öти пызан сайö. Нуръясигмоз и сёрнитисны. А öні со нуöдö ветлыны ресторано. Виччысьтөм вöзйöмсьыд Андрей шöйöвоши. Шняпкис, мый юрас воис.

— Ме ог эшты, меным колö стрöйтчыны. Гортын пывсян панöма.

— Мхы,— векуштліс вом дорсö Люда да вешйис.

Игнатов бöрас эськö гөгөрвоис, мый сöрыштис, но Люда сэсся сы дорö эз нин матыстчыв.

Регыд мысти нулисны видзöдны Станислав Говорухинлысь «Так жить нельзя» кинофильм. Кодсюрö дерт, казялісны, мый киносö вöчöма да петкөдлöны миян страналясь тöрытьясö лёкöдöм ради. Залысь сэки унаён петисны, эз видзöдны киносö помöдз. Аддзылөмыс и збыльысь сьöктöдіс ловтö. Игнатов мöдысь тайö кино выlö эськö эз мун. Унаторйөн, мый петкөдлісны, сійö эз öткывъясь...

Демократьяс мөд луннас нин съезд вылын ас ногыс бергөдісны кинофильмсö. Резисны няйтөн ставсö, мый лои вöчöма Сöветскöй Союзын.

Депутатъяслөн уджыс мунис сьöкыда, дзуртігтыр. Кадсö кыс-кис йөзөн бөрйöмаяслөн омоль дисциплина, съездсö лёка котыр-төм, быдсяма пöрйөг сёрнияс да уна лыда кабалаяс, кодъясöс сеталисны съезд дырйи.

Медбöрын век жö лои вöчöма, Игнатов ногөн, колана кывкөртöд. Арнас шуисны чукөртчывны выльысь да видлавны могъяс, кодъяс йитчöмаöсь сикт да видз-му овмөс сөвмөдөмкөд. Депутатъясöс ышөдіс тайöс вöчны Александр Григорьевич Назарчуклөн, Алтайскöй краевöй Сöветысь председательöс медводдза вежысьлөн трибуна сайсянь сёрниыс. Уна шензьöдана лыдпас сійö вайöдіс: сиктын пö öнія олöмыс лои власьтлөн некытчö туйтöм политика вöсна. Сикт тшöт весьтö кыпөдісны промышленносьт. Война бöрын бара жö сиктлы ковмис ловзьöдны страналясь подувсö — экономика. Öні водзö сылысь пычкыны оз нин артмы. Сиктыс ачыс пазалöма. Тайö и киссьöм картаяс,

лѣк, важмѡм оборудованіе, омѡль туйяс. Оз тырмыны школаяс, детсадъяс, клубъяс да больничаяс, кѡні эськѡ вермисны бурдѡдны йѡзѡс сідз жѡ, кыдзи и суйѡр сайын. Сиктын омѡля стрѡйтчѡны, том йѡз мунѡны карѡ.

Сикт-грездъяслы государство уджйѡза 400 миллиард шайт. Тайѡ лои видз-му овмѡс прѡдукция вылѡ дон чинтѡм вѡсна. Став производственной фондъс, ас овмѡсьясскѡд ѡтув, сувтѡ сѡмын 185 миллиард шайт. Сідзкѡ, уджйѡзсѡ кѡ бергѡдны, сиктсѡ ѡнія серти позьѡ кык пѡв бурджыка ловзьѡдны.

Андрейлы окота лои лѡсьѡдчыны тайѡ чукѡртчылѡм кежлас.

Сійѡ воис гортас ыджыд кѡсйѡмѡн: висътавны йѡзлы ставсѡ, мый вѡчисны Москваын, юавны налысь вѡзйѡмъяссѡ. Та могысь кытшовтны кѡть нин ыджыд сиктъяссѡ, юксыны сѣтчѡс олысьяскѡд аслас мѡвпъясѡн.

Ѳд страна пасъта олѡмыс ѡтарѡ гѡльмис. Лавкаясын тыртѡм джаджъяс лоины быддунъя серпасѡн. А сиктса овмѡсьяссын удж панѡмыс важѡн нин эз лѡсяв олѡмыслы. Тшѡкыда овліс, мый йѡзлы мынтысисны сѡмын удж вылѡ петалѡмысь. А эм-ѡ татшѡм уджсыйс тѡлк? «Удж, коді оз ышѡд босытны ыджыд урожай, уна йѡв да яй, а сідзкѡ, ыджыд удждон, миянлы оз нин лѡсяв»,— тадз мѡвпаліс Игнатов. Юкис аслас мѡвпъясѡн ѣртъясыскѡд. Весиг венѡ волісны.

— Мый колѡ вѡчны?

— Сетны видз-мусѡ кресътяналы, мед вермисны вузавны,— шуѡны демократъяс.

— Сетам, а коді ньѡбас? Ѳнія озыръяс, кодъяс весиг зырсѡ киас эз босытлыны ни оз босытны,— вензьѡны коммунистъяс.

— Колѡ пыдісянь нуѡдны реформаяс,— вочавидзѡны демократъяслы да коммунистъяслы аграрникъяс.— Медым овмѡсьяссын уджалісны выль тракторъяс, машинаяс, кодъяс эськѡ эз вѡвны омѡльдзыкѡсь суйѡрсайсаысь. Колѡны выль скѡт картаяс, кѡні став уджсѡ механизируйтѡма, кѡні мѡсьясѡс позьѡ вердны да лысытны агрегатъясѡн, кодъяс уджалѡны компьютер отсѡгѡн. Медым овмѡсьяс вермисны босытѡм прѡдукцияысь дась сѣян-юан вѡчны да асьныс вузавны. А сетны кѡ вузасысьлы, то сѡмын лѡсялана донѡн. Удждонлѡн мед эз вѡв некутшѡм тшупѡд. Медым эськѡ нажѡткаыс вѡлі йитчѡма колана сѣян-юан вѡчѡмкѡд. Уна да бурѡс кѡ вѡчис, уна сьѡм и нажѡвитіс.

Татшѡм видзѡдласыс и Андрей Игнатовлѡн. Сійѡ сьѡлѡмсяньыс кѡсйис вежны сиктын олан сямсѡ. Та вѡсна весиг ачыс вѡзйысис съездлысь помшуѡмсѡ лѡсьѡдан редакционнѡй комиссиѡ да зілис сѣні. Медым эськѡ балаыс артмис кадыслы тырвыйѡ лѡсяланаѡн.

Вензьысьяс пѡвстысь ставныс ас ногѡн гѡгѡрвоѡны вежсьѡмъяслысь коланлунсѡ да наысь кывкутѡмсѡ.

Сідз, РСФСР-ысь Министръяс Сѡветса председатель И.С.Силаев депутатъяс водзын висъталіс Столыпин кадся реформа йылысь. Сѣрниас ѣнджыка «кыліс» фермерскѡй овмѡсьяс вѡсна тѡждысьѡм. Фермеръяслы отсѡг вылѡ правительство кѡсйѡ вичмѡдны бюджетысь ѡти миллиард шайт.

Силаевлѡн сѣрниыс ѣнасѡ некодѡс эз вѡрзьѡд.

«Вермас-ѡ вердны талун россияса фермер?— майшасис

Андрей Игнатов да ачыс жö вочавидзліс.— Гөгөрвоана, оз. Столыпин кадö кö кресъяналы сетлісны му, вöв да мукöд отсöг. А öнi сылы муысь да неыджыд кредитысь öтдор нинöм сетнысö. Силаев кöть и кöсйис чуктöдны миллиардсö, но лоö оз сьöмыс? А лоö кö, код зептö веськалас? Со и артыштöй, уна-ö фермерыс вермас бергöдны зыр помсьыд».

Сöветъяс дырйи уна писькöс да зіль кресъянаöс лои бырöдöма, кулачитöма. Та бöрын сиктса уджалысь ёна нин вежсис. Унджыкыс на пиысь абу дасьöсь зільны сідз жö, кызди пöч-пöльясыс, асьсö жалиттöг.

Игнатов ногөн кö, талун да и аски сöмын гырысь овмöсьяс вермасны сетны тырмымөн сёян-юан.

Арнас съезд вылын ёсь вен кыптiс му вузалöм-нöбöм кузя. Коммунистъяс да аграрникъяс эз ошкыны демократъяслысь тайö вöзйöмсö. Му вузалöмыс сиктса овмöсьяслы нинöм бурсö оз вай. Кодлы да мыйла сійöс вузавны? Вензьöмъяслы кывкöртöдсö вöчисны татшöмöс: му вузавны эз лэдзны дас во чöж сылы, кодi босьтiс мусö дон босьттöг.

Съезд киритiс совхозъяслысь да колхозъяслысь банкъяс вöзын уджйöзсö. И эз этша — 23 миллиард шайт. Локтан во сиктлы шуöма сетны Россиялөн национальнöй доходысь 15 прöцент. Тайö пöшти куим пöв унджык öнiя серти. Но лоö-ö сы мындаыс, некод эз тöд.

Конституционнöя вынсьöдöма, мый совхозъяслөн öнi лоöны сэтшöм жö правояс, кутшöм и колхозъяслөн. Продналог госу-дарстволы мынтöм бöрын коляссö вермасны инавны асьныс. Ыджыдджык донысь вузавны госу-дарстволы либö петны рынок вылö.

Съездлөн удж костын коми делегация аддзысьліс Б.Н.Ельцин-кöд. Кык час муніс сёрни. Борис Николаевич на дырйи сетіс индöд, медым 1991 воын республикаö мöдöдны öнiя мында жö яй, сакар да мукöдтор. Сёрниыс вöлі и Москваын Коми Респуб-ликалысь представительство вöсьтöм йылысь. Ельцин эз жö сувт талы паныд.

Лои вöчöма нöшта öти тöдчанатор. Луздор да Койгорт районъ-ясöс удайтчис пыртны войвывса лыдö. Йöзыс кутісны босьтны содтöд личöдъяс.

Быд рыт делегацияөн веськöдлысьяс да торъя коммунистъяс чукöртчылісны Россияса Компартия ЦК-ын, кöні Иван Полозков сеталіс ассыйс индöдъяс. Öти татшöм аддзысьлöм вылö ветліс и Андрей Игнатов. Локтiс ас делегатъяс дорö да шуис:

— Ме сэтчö мöдысь ог мун. ЦК-са первой секретар пызанö кулактас весиг зымöдіс да тшöктіс коммунист-депутатъяслы, кодъяс гөлöсуйтiсны эз сы ног, янсöдчыны партийнöй билетъясөн. Сійö оз пыдди пукты, мый депутат местасö мортыс босьтiс эз партиясянь, а торйөн бöрйысьмөн. Сöмын та дырйи вöлі ком-мунистөн. Но öд видзöдласыс быд мортлөн абу öткодь.

Чукöртчылöмъяс дырйи вензисны öта-мöдкöд, корсисны дзут олöмысь петан туйяс. Чайтiсны, мый налөн кывкöртöдъяс бöрын вöрзяс бурланьö экономика, ловзясны сикт-грездъяс. Сэки унджык вензьысьыс мөвпыштны эз кужны, мый коляс во-мöд, и сиктыс, ловзьöм пыдди, нöшта на усьö джуджыд гуö. Олöмыс сэнi заводитас вочасөн кусны. Тупкыясны больничаяс, школаяс,

ясли-садъяс. Видз-му овмөсьяслөн скөт картаяс кутасны вежны ветлысь-мунысьяслысь синсö асланыс жугласьом вевтьясөн, стеклөтөм öшиньясөн... Мир туй бокрын мөдасны сулавны киссьом керкаяс. Россияын кызьöд нэмся «демократическөй чума» чышкыштас уна сикт-грезд.

Сюрс öкмыссö öкмысдас öти вося март 17 луно став Россия пасьята мунис референдум: пыртны-ö олөмө вежсьом — президен-төн веськөдлөм. Бөрйысысьяс пиысь 54 прöчентыс шуис — президентлы лоны.

Сийö жö вося июнь 12 луно РСФСР-са Президентөн лои бөрйöма Б.Н.Ельцинöс.

Игнатовöс регыд мысти корисны праздниклы сийм чукöрт-чылөм выlö.

«Уважаемый Андрей Васильевич! Имеем честь пригласить Вас на торжественное заседание Съезда народных депутатов РСФСР, посвященное вступлению в должность первого Президента РСФСР Ельцина Бориса Николаевича. Заседание состоится в Кремлёвском Дворце съездов 10 июля 1991 года. Начало в 10 часов».

Игнатов ветлис тайö чукöртчылөм вылас. Сийö, кыдзи и унджык депутатис, эскис Ельцинылы. Думайтис, мый Президент став вынсö пуктас медем бурмөдны йöзлысь олөмсö.

5

1991 вося августын Игнатов мөвпалис отпуск йылысь. Колис виль керка дорö помавны пывсян лэптөм. Во нин коли, кыдз керкасö стрöитöдис, кирпичись, куим жырьяös.

Медводз кыпöдисны керкаяссö налы, кодьяс уджалисны ов-мөсын да сулалисны чередын. Ставнысö лои могмөдöма брус либö кирпича оланинөн. А кодi овмөсса уджалысьяс пиысь заводитис кыпöдны ас керка, налы Игнатов вöзйөм серти кутисны сетны кык сюрс шайта отсög. Сы выlö позис керкасö вевт улöдз вайöдны. Джын донысь сетисны трактор. Джын донысь жö позис пилитны тьöс-плака совхозлөн пилорамаын. Кантораысь öткы-мынөн паныд сувтлисны. Медьяра заводитлис шуасьны главнöй экономист Шванова. Завидь босьтöма, ачыс водзджык стрöитчис, да татшөм личöдсö сэки Петров эз сетлы.

Игнатов аслыс выlö керкасö заводитис кыпöдны сөмын сэк, кор чередыс быри. Весиг, кыдзи сэкся оланпасын гижöма, профсоюзнöй комитет видлалис, позьö оз сетны тайö керкасö директорлы.

— Видлалöй,— шуис Игнатов профкомса юрнуöдысьлы.

Мöдыс лун кык мысти юöртис:

— Шуим сетны.

— Аттьö.

Игнатовлы эз кажитчы татшөм сетöмыс. Овмөсса веськөд-лысьлы лоö юасьны, лэдзасны оз овны сылөн котралөмөн, сылөн котыртөмөн стрöитөм керкаö овмөдчыны. А кор сетöны тракто-ристлы либö мөс лысьтысьлы — быгтьö сидз и колö. Некодлөн некутшөм юалөм абу. И профкомсаясид öтсöгласөн кинысö лэп-

тöны. Игнатов сетöм бöрас на кывліс вежалана сёрнияс: öт-наслы пö торйöн сулалысь чача кодь керка кыпöдіс.

Керка дорас ас кошта выlö нин заводитліс пывсян кыпöдны, но торкисны овмöсын уджъяс, Москваö ветлöм, да лои энöвтчыны.

Август дас öкмысöд лунö Игнатов быть нин мöвпыштис по-мавны пывсянсö. Весиг гöтырыслы кöсйысис. Водз асывсянь корис отсöг выlö суседсö, Петыр Веняös, кодi во-мöд сайын бокысь воис да шоперавны совхозö пырис. Сиктсаяс удитöмаöсь сылы удтысысь ним сетны. Игнатов суседлы нинöм эз висьтавлы, медым кутшöмкö сёрни паськöдны. Ассьыс эз жö юасьлы. Быдмигас на дöзмö вöлі удтысысьяс выlö. А отсасьны корис, быть öд, öтнады сьöкыд брустö кыскавны.

Муртса югдіс, петісны уджавны. Шоперыс вайöма приёмник. Первой кыліс сыланкыв. Сэсся лои неыджыд кост. Трачкöдчыштис приёмникас, да шыасис диктор: странаын пö пуксис лёк, шогмытöм оланног. СССР-са президент М.С.Горбачёв висьмöма. Та вöсна став власьт вуджис ГКЧП-лы...

Регыд мысти пывсян дорö матыстчис Прокö Кöсьта Микол. Коркö юöм-кодалöмысь удж вылысь вештылісны.

— Пом, тіян власьтлы воис пом! Вывті збоя телевизор пыр сёрнитанныд вöлі. Öні пом. Став власьт ГКЧП-лы,— сэсся кватитіс юрсьыс картузсö да лякис эжа под выlö.— Опять власьт меняется!

Горöдіс рочөн, тыдалö, дум вылас усьöма важся киноывса тадз жö картузöн шыбласысьыс. Видзöдö Игнатов выlö, мый шуас, но мöдыс нинöм эз вочавидз.

А Веня серöктіс.

— Тэныд, Микол, бара помка, выль власьт вöсна юыштны.

— Уджыв сьöмтö доз выlö.

— Тэныд сетлöмсö сöмын тöдлан.

— Он кö, сідзкö, тэ выль власьтыслы паныд?

— Паныд, паныд. Мун, эн дöзмöдчы.

Прокö Кöсьта Микол ропкигтырьи петіс мир туй выlö. Тыдалö, аслас юөр вайöмөн кутіс надея, мый кодкö мортыслысь юрсö веськöдас.

Игнатов эз энöвтчы уджысь, но сюся кывзіс, мый водзö висьталасны Москвасянь. А приёмникын сöмын ГКЧП йылысь и гольгисны.

Рытнас телевизор пыр видзöдіс, кыдзи сёрнитісны ГКЧП-ö пырысьяс: Г.И.Янаев, СССР-са президентös вежысь; О.Д.Бакланов, оборонаса председательös медводдза вежысь; В.А.Крючков, КГБ-са председатель; В.С.Павлов, СССР-са первой министр; Б.К.Пуго, пытшкöсса делöяс кузя министр; В.А.Стародубцев, кресьяна союзлөн председатель; А.И.Тизяков, государственной овмöсьяс котырлөн юрнуöдысь; Д.Т.Язов, СССР-са оборона кузя министр.

Янаевлөн сёрнитігас весиг киыс тіраліс. Сійö кöсйысис странаын лöсьöдны пöрадок да бурмöдны экономика. Та дырйи эз висьтав, кыдзи кöсйöмсö збыльмöдасны. «Омöлик мездысьяс»,— ас кежын мöвпыштис Игнатов.

Сэки жö юөртісны, мый странаын бырöдöны бөръя кадö вынсьöдöм став оланпассö, шуисны дугöдны уджсö пар-

тиясяслысь, кодъяс мунёны СССР-са законъяслы паныд. Оз позь бастуйтны да петны уна йөзөн уличьяс выло.

Тайо рытö Игнатов эз на тöд, мый Язов пыртис Москваö воинской подразделенияс. На лыдын 279 БМП, 148 бронетранспортер, 362 танк.

Крючков индiс «Альфа» подразделениелы босьтны кытшö РСФСР-са президент Ельцинлысь дачасö, но командирыслы оз тшöкты торкны Ельцинлысь Москваö мунöмсö. Тайö лоö ГКЧП котыртысьяслөн ыджыд öшыбкаөн. Ельцин эз кывзы налысь тшöктöмсö да заводитис водзасьны. Шыöдчис йöз дорö, весиг та могысь кайис танк выло да лыддис асьыс гижöдсö. Став мир пасьта кытшовтис тайö снимокыс.

Москваö пыртöм часьтъяслы оборона кузя министр некутшöм приказ эз лысьт сетны. Регыд мысти армиялөн юкөн, медсясö Ельцин дор сулалысьяс, сувтисны РСФСР-са власьт дорйысьяс лыдö.

Август 20 лунö Москваын лои армия да йöз костын медводдза пур-пармунöм. Куим морт сэки доймисны да кулисны. Мöд луннас нин Язов петкöдiс карсьыс став войскасö. Сийö жö лунö А.В.Рудкой, РСФСР-са президентöс вежысь, да премьер-министр И.С.Силаев лэбисны самолетөн Форосö, Горбачёв дорö.

ГКЧП-лысь став индöдъяссö шуисны оланпас торкаланаөн. РСФСР-са прокурор Валентин Степанков тшöктис арестуйтны ГКЧП-ö пырысь йöзöс.

Ставсö тайöс Андрей Игнатов тöдмалiс бöрын. Сийö эз ветлы Москваö. Коми делегацияысь öткымынөн волiсны. Кöть наысь сэнi некутшöм пöльза эз ло, волысьяслы Ельцин сетiс РСФСР-са власьт дорйöмысь медаль.

Заводитчис туясьöм. Сэки Горбачёв соссис, мый тшöтш йитчöма ГКЧП пырысьяскöд. Но ёна бöрын нин эрдöдiсны ылöдчöмсö. Водзмöстчысьнас вöлöма ачыс М.С.Горбачёв.

ГКЧП-ö пырысьясöс унаөн ошкисны. Вöлины и на дор мунысьяс. Шуам, В.Жириновский, кодi эз вöв депутатөн, медводдза съезд дырйи на коридорын бызгис-сёрнитис уна сикас корреспонденткöд. Сийö лöсьöдiс асьыс партия и кызкö вöли вермö веськавны Кремльö.

В.Жириновский да уна мукöд пыр жö сувтисны ГКЧП дор, но найöс таысь эз кыскыны кывкутöмö.

Туясьöмыс мунiс дыр. ГКЧП-са войтыр вылын судыс заводитчис сюрс öкмыссё öкмысдас коймöд вося апрель 14 лунö. Мунiс сьöкыда, дзуртöмөн. Сöмын сюрс öкмыссё öкмысдас нельöд вося май 6 лунö ГКЧП кузя делöсö амнистия серти лои тупкöма.

Водзö лоö на.





Александр УЛЯШЕВ

Му вылын уна мен оз ков

КЫВБУРЪЯС

* * *

Сиктын олö-вылö ныв,
Сійö мичаник и, том и.
Но оз радейт коми кыв,
Кöть и ачыс сійö коми.

Рочöн сёрнитö тай пыр
Том и пöрысь сиктса йöзкöд,
Вывлань лэптöма век ныр,
Гашкö, ошкасны мед, кöсйö.

Сьölöм сылön, дерт, оз вись,
Увтыртö кор ай-мам сёрни.
Вылыс — мича, пытшкыс — сись...
Казялас, да лоас сёр нин.

Оз кö радейт ассъыс кыв —
Мустöмтö и чужан мусö.
Дерт, и коминад оз сыв,
Муслун сы дінö кор кусö.

Мый кöть татчö сэсся шу:
Ог ме ошкы сійöс ньöти.
Öти миян Коми му,
Чужан кывным — сідз жö öти!

Эм и лоас коми кыв,
Кытчöдз лоö коми олöм.
Некор чужан кыв оз сыв,
Тайöс тöдны ставлы колö!

* * *

Му вылын уна мен оз ков:
Мед сѡмын сѡлѡм тѣнад сѡыліс
Да кадысь кадѡ колип кыліс,
Код нѣмсѡ шонтѡ менсѡым лов.
Мед ключысь вежа ва эз быр
Да сы кодъ сѡстѡм вѡлін пыр.
Му вылын уна мен оз ков:
Тѣ сѡмын дыр да бура ов.

Му вылын уна мен оз ков:
Мед сѡмын гудѡк гѡлѡс сетіс
Да шондѡ асывѣяснас петіс,
Эз бырлы тѣнад нянь да сов.
Мед вѡлі ставыс тыр да бур
Да олѡм лѣкланьѡ эз тюр.
Му вылын уна мен оз ков:
Тѣ сѡмын дыр да шуда ов.

Му вылын уна мен оз ков:
Мед сѡмын матыстчыліс гожѡм
Да сиктысь ветлім уна вожѡн.
Морт мортысь некор мед эз пов,
Да некор мед эз кыссы вир.
А тѣныд сиа кѡлысь-пир.
Му вылын уна мен оз ков:
Тѣ сѡмын дыр на, дыр на ов.

* * *

В.Г. Лодыгинлы

Мича сѡыланкыв ог ньѡб,
Ачым сійѡс кыа.
Кывбур чукѡр — быдса нѡб,
Быдын — войвыв кыа.

Видз выв дзоридз, ю и эрд,
Енѣж рѡма тыяс,
Ставсѡ тайѡс ме — поэт —
Кужѡмѡн со кыа.

Арлыдтѡ ме ог жѡ ньѡб:
Ачыс сійѡ туѡ.
Мед кѡть пѡрысь, абу бѡб —
Томлѡн вир на пуѡ.

Кывбур артмѡ менам пыр,
Ог узь арся войѡ.
Кѡть и гижа нин ме дыр,
Эз на мудз тай сойѡй.

Муса зонмыс йылысь ныв
Сиктын талун сѡылѡ.

Мича, мыла сыланкыв
Карын сідзжө кылө.

Ме кодъ гижысьяснас мед
Коми муным тырас.
Гажыс, шудыс сәки, дерт,
Быд керкао пырас!

* * *

Сиктса клубын гудөк ворсö —
Эзысь шыён дзольгысь шор.
Сцена вылын — коми войтыр,
Талун тані — коми гор.

Тайö гор мен помтöм муса,
Тайö горөн ворсö лов.
Чужан муой абу вуза,
Саридз дорыд мен оз ков.

Ворс вай, гудөк, эн тэ донъясь,
Мед жö юргас сыланкыв.
Ссылöй, майбыр, коми зонъяс,
Сыв жö, мича парма ныв.

Сиктса клубын гудөк ворсö,
Ылөдз кылө мыла гор.
Мед жö тәнсьыд эзысь гортö
Талун некодi оз торк!

* * *

Вай гудөктö босьт
Да гөлөстö восьт,
Мед миян пытшкысь петас гажа сылан.
Эн шогсьы тэ, эн,
Ми олам кузь нэм
Да коми ногөн унаысь на сылам!

Тэ бокö эн мөд,
Тан гаж босьтö өд,
Пыр миян дорö, керка өдзöс восьса.
Ми вунöдам вен
Да гажөдчам нэм,
И сöмын бурсö аслыным ми босьтам.

Вай гудөктö восьт
Да шыладсö босьт,
Ми коми сылан мөд вылö ог вежöй.
И тайö бур лун
Мед некор оз вун,
Да татшöм олан туйсьыс некор ми ог кежöй!

❖ ❖ ❖

Николай Адрианович Фролов (1909-1987) (Сук Парма) чужис 1909 вося апрель 14 лунö Усть-Сысольск берд-са Тентюков вöлöсьтын (öні Сыктыв-карлön юкөн). Ичöтдырсяньыс на радей-тана предметön сылön вöлі математи-ка, та вöсна водзö велöдчыны сійö пырис Перымса университетö. Университет помалöм бöрын уджыштіс Свердловск карын, сэсся пырис Москваса универси-тетлön аспирантураö. Диссертация дор-йöм бöрын уджаліс Сыктывкарын Коми пединститутын (1935-1938), сэсся Горь-кий (öні Улыс Новгород) карса педин-ститутын (1938-1955), та бöрын Москва-са энергетика институтын (1955-1972). Кор восьтісны Сыктывкарса универси-тет, локтіс чужан муö, босьтчис веськöдлыны университетын математика кафедраön, велöдны (1972-1978). Н.А.Фролов — физико-математическöй наукаяс доктор, профессор. Лэдзис велöдчысь-яслы некымын небöг («Курс математического анализа», «Тео-рия функций действительного переменного» да с.в.)



Таысь кындзи, Николай Адрианович томдырсяньыс сюртчис литератураö, лои паськыда тöдса поэтön. Йöзöдчыны заводі-тіс 1927 восянь. Медводз вöліны нейджыд кывбуръяс, но 1936 воын сылön петіс Домна Каликова йылысь «Домна» поэма, а 1939 воö коми фольклор вылö мыджсьöмön «Шыпича» кывбу-ра драма. Драма вылас Сук Парма заводітіс уджавны 1929 воын. Сійö вермис лоны комилön медводдза операön*. 1941 во-ын «Тувсов кадын» небöгын драма петö «Пемыд пармаын (Шыпича) Вит серпаса драма» нимön, а 1985 вося «Эжва до-рын» небöгын — «Парма ловъя»: кывбура ворсантор» нимön. Н.А.Фролов уджаліс сы вылын, позьö шуны, пöшти олöм помö-дзыс. Кувсис Николай Адрианович 1987 вося январ 14 лунö.

Бур коми мортöс казътылöмön сетам Н.А.Фроловлön коркöя студент, математическöй анализ кафедраса вöвлöм уджалысь, Сыктывкар университетса заслуженнöй профессор Александр Григорьевич Порошкинлысь казътылöмъясö да «Парма ловъя» — Шыпича предание подув вылын гижöм драмалысь бöргя вари-антсö.



* «Шыпича» драма чужöм да сылön литературнöй туй йылысь паськыд-джыка лыддьöй: Надежда Митюшева, «Опера «Шыпича»: будет ли четвёр-тая попытка?» // «Арт». 2018 вося 2-öд №, 64-71 л.б.

Усис шуд уджавны ӧтлаын

Профессор-математик Николай Адрианович Фроловкӧд меным усис шуд уджавны ӧтлаын Сыктывкарса университетын нейджыд коластӧн 1974 восянь 1982 воӧдз. Тайӧ воясыс нэм кежлӧ колисны паметъын, и ӧнӧдз казтыла ог сӧмын студентъясӧс велӧдан удж йылысь, но и унаысь ӧтлаын пукалӧмъяс да паськыд сёрнияс йылысь. Мыйсӧ сӧмын эг сёрнитлӧй! И поэзия, и литература, театр и кино, Библия, музыка и, дерт жӧ, математика да тӧдса математикъяслӧн олӧм-уджалӧм.

Медводдзаысь ме кылӧ Николай Адрианович йылысь война дырйи на, 1944–1945 воясын, кор велӧдчи Сыктывкарса 6-ӧд номера шӧр школаын, кӧкъямысӧд классын. Школаыс лыддыссис карсаӧн, но танӧ вӧліны и коми классъяс, и ми велӧдім коми кыв, коми литература, бура тӧдмасим коми гижӧдъясӧн, асланым чужан кывйӧн велӧдім кывбуръяс. Бура помнита Педь Генълысь (Геннадий Фёдоровлысь), Иван Вавилинлысь, Михаил Лебедевлысь, Серафим Поповлысь гижӧдъяс, кутшӧмскырӧ кывбур велӧдім наизуст. Велӧдім и Фроловлысь «Шыпича» да «Домна Каликова» поэмаясысь нейджыд юкӧнъяс.

Коли кык во... 1947 воын ми помалӧм карса 12-ӧд номера шӧр школа. Танӧ коми кыв да литература эз нин велӧдны, и миян ньӧжйӧникӧн кутісны вунны коми гижысьясид, кӧть ас костын вӧлі казтылам на найӧс. Тайӧ жӧ воас пыри велӧдчыны Коми пединститутса физико-математическӧй факультетӧ. Первойя велӧдчан лунъясӧ виль студентъяс дорӧ локтісны сёрнитны кык доцент*: физик Белявская Л.Н. да математик Фролов Н.А. Кыкнанныс висъталісны, кутшӧм интереснӧ велӧдны, а водзӧ и уджавны тайӧ предметъяс кузяыс, школаын ли, производствойн ли. И миян пӧвстысь быдӧн бӧрйис сійӧ предметсӧ, код дорӧ ёнджыка кыскис школасянь да кодлӧн, математиклӧн али физиклӧн, ёнджыка мӧрччис ышӧдӧмыс.

Ме бӧрйи математика и ӧні ог жалит: олӧмыс петкӧдліс, мый бӧрйысьсӧма сӧлӧм серти. Математикаыс вайис меным уна радлун, кӧть и шогсӧмыс вӧлі жӧ: ӧд кор артмас решитны сӧкыд задача, дерт жӧ, радлан, а дыр кӧ он вермы решитны — шогӧ усьлан. Мукӧддырйи войнас оз узьсьы, мӧвпалан, юр жуглан, кодар боксянь колӧ корсьны петан туйсӧ тайӧ задачасыс.

И лои ме математикӧн. Бӧрынджык, медводдза аддзысьлӧм бӧрас мӧд да коймӧд курса студентъяс висъталісны, мый математикаӧ миянӧс ышӧдіс доцент, физико-математическӧй наука-ясса кандидат Николай Адрианович Фролов, сійӧ жӧ — коми поэт, кодлысь гижӧдъяссӧ ми велӧдім школаын.


Дерт, медводз эгӧ эскӧй: оз жӧ вермы лоны, мед ӧти и сійӧ жӧ мортыс вӧлі и поэтӧн, и учӧнӧй-математикӧн! Но вӧлӧма дзик сідз, да лоис эскыны.

Н.А.Фролов эски уджалӧма Горький карса пединститутын. Юрнуӧдӧма кафедраӧн, физико-математическӧй факультетын деканатӧн. Ӧттшӧтш уджалӧма и чужанінас, Коми пединститу-

тын. Войнабӧрся воясӧ миян пединститутын ёна эз тырмыны ыджыд тӧдӧмлуна велӧдысьяс, и Н.А.Фроловӧс корисны отсавны сыктывкарса институтлы, ӧд 1935—1938 воясӧ сійӧ тані велӧдлӧма нин.

Став студентс, кодлы войдӧр удайтчӧма кывзыны Фроловлысь лекцияяс, век казтылісны сійӧс бур кывйӧн, кыз бур велӧдысьӧс. Вӧлі пӧ зэв стрӧг экзаменъяс вылын, но справедливӧй. Некод сы вылӧ абу дӧзмывлӧма, кӧть экзамен вылад и абу ставыс бура мунӧма. А сълӧн лекциясыс студентъяслы пыр ёна кажитчылӧмаӧсь.


Бӧрынджык, кор ачым мӧді уджавны пединститутын, велӧдны математикъясӧс да физикъясӧс, Н.А.Фроловлӧн



Москваса издательствоын петісны «Математическӧй анализ» да «Теория функций действительного переменного» учебникъяс, и найӧ меным ёна отсалісны уджын. Ме збыльысь казялі, кутшӧм ыджыд таланта велӧдысьӧн вӧлӧма Николай Адрианович. Тайӧ книгагасыс уна во вӧліны студентъяслы — физикъяслы да математикъяслы — медся колана, медся бура гижӧм учебникъясӧн.

Нӧшта кӧсъя висъяваны ӧти паныдасълӧм йылысь. 1973 во-ын Ереванын муніс школьникъяслӧн, буракӧ, дасӧд ли дас ӧтиӧд Ставсоюзса математическӧй олимпиада. Ме сәні вӧлі Коми АССР-са командалӧн юрнуӧдысьӧн. Тайӧ олимпиада вылас ордйысисны командаяс быд обласътысь да республикаысь. И вот ме дорӧ локтіс Тува делегациялӧн юрнуӧдысь, зэв варов нывбаба, юалис менсьым, Сыктывкарысь-ӧ ме, збыль-ӧ миян карын воссис университет и збыль-ӧ сәні уджалӧ Н.А.Фролов. Ме став юалӧм вылас вочавидзи «да», и сәк сійӧ шуис: «Мойвиӧма тиян студентъяслы!» Ачыс тайӧ мортыс во кызь сайын велӧдчывлӧма Горькийса пединститутын, кывзывлӧма Николай Адриановичлысь лекцияяс. Вывті бур кывъясӧн сійӧ казтыліс Фролов йылысь, кӧть и кольӧма велӧдчӧмсянныс бура уна во.

Меным аслым мойвиис жӧ Н.А.Фроловкӧд уджавны Сыктывкарса университетын. Тайӧ вояс да Николай Адрианович йылысь менам колисны зэв бур казтылӧмъяс. И кызди кафедраӧн веськӧдлысь йылысь, и кызди профессор-лектор йылысь, и кызди прӧстӧ ӧрт йылысь. Уджысь кындзи, ми тшӧкыда паныдасълім сёрнитыштны олӧм-вылӧм йылысь, и век сійӧ петкӧдліс асьсӧ рам, вежавидзысь мортӧн. Уна тӧдіс, но некор эз ләпты асьсӧ вылӧ. Быд татшӧм паныдасълӧм бӧрын и лолыдлы вӧлі кокниджык. Фроловлӧн Сыктывкарысь мунӧм бӧрын миян кафедраса уджалысьяс (на пиын и ме) Москваӧ командировкаӧн ветлігӧн



пыравлісны Николай Адрианович дорё, да сійё быдёнкөд паныдасьліс, кыдзи дона ёрткөд, радпырысь юасис миян кар, удж, вермёмъяс да университетса олөм йылысь.

Кафедра вылын, факультетын бура помнитöны Николай Адриановичёс, тшöкыда казтылöны. Кык воын öтчыд, апрель тöлысьö, кафедра да факультет нуöдöны студентъяслысь научнöй конференция, кодöс сиöма Николай Адрианович паметьлы. 2009 воын университет котыртіс Н.А.Фроловлөн чужöмсянь 100 вося юбилейлы сиöм Всероссийскöй конференция. Сэтчö волісны Россия пасьталаысь да мукöд странаысь учёнöйяс. Но, а Сыктывкар университетса математическöй анализ кафедра, коді чужис да кутіс сöвмыны Н.А.Фролов юрнуöдөм улын, важөн нин пасйö ассьыс «кафедра лунсö» Николай Адриановичлөн чужан лунö (апрель 14 лун). Тайö луннас ыджыд переменаö ли, удж помасьöм бöрын ли чукöртчылам кафедра вылö чай юыштны, казтыштны кольöм вояс, Н.А.Фроловкөд аддзысьлөмъяс. Быть сылам артельöн Николай Адриановичлысь медрადейтана сыланкывсö — Яков Полонскийлөн кывъяс вылö «Мой костёр в тумане светит» романс.

2009 во.

***Снимокъяс вылын:** Николай Адрианович Фролов.*

Снимокъясыс Сыктывкарса университет бердын Коми крайлөн просвещение музей архивысь.



Парма ловъя

ДРАМА. КЫВБУРА ВОРСАНТОР

Кывводз пыдди

Быд мойдысь мойдö аслысногөн,
Кыдз сылы мөвпавсьö медбур,
Котъ мый, а лыддьö ыджыд могөн
Ас содтöд суйны,— со пö юр
И менам уджалö тшöтш сюся.
Тадз юкмöс дорын кывлöмтор
(Дерт, кöнкö, сёрни вöлі гуся)
Пыр ыдждö юрысь содтöм сор.
Пель бердö вашнитасны нывлы,
Оз некод сёрни гора пан,
Мед сійöс некод дзик оз кывлы,
Тшöтш шуасны:— Эн разöд, Ан.
Но Анук паныдасяс Сашкöд,—
Кыдз верман пöдсөн кутны вом?
Дерт, Анук содтытöг оз вашкöд,
Да абу Сашын сёрни пом.
Саш содтас Машлы, Машук мöдлы,
Мöд нинöм коймöдысь оз дзеб.
Тадз ыдждö, ыдждö, он и тöдлы,
Кыдз ошкö пөрö ичöt геб.
Эм збыльыс тані, эм тшöтш мойдöм.
Ме кывлі мойдсö уна ног,
Да вештам ылö йöзлысь пойгöм,
Мед сөрö, кодлы абу шог.
Тан ошканторйөн менам Яраш,
Вой Парма йöзлөн повтöм пи,
Мед нöйтны нартитысьöс, ки
Нем повтöг лэптис, кыдзи яр ош.
Збой йöзлысь венöм мойдысь кылі
Да найöс ошки, найöс сьылі.

ДРАМАЫН ОЛÖНЫ:

ЯРАШ — Пармаса том морт, кыйсьысь.

САНДРА — Ярашлөн невеста.

ШЫПИЧА — прологын рöзбойничайтан йöзлөн атаман, сы
бöрын лоöма Парма муын купечöн-промышленникөн. Йöз костын
сійöс лыддьöны тунөн да нимтöны Шыпичаөн.

ДÖРÖШ — Ярашлөн томджык друг.

ЛЮК — Сандралөн томджык пöдруга.

ВАСЬКА ЙÖРШ — Шыпичалөн друг да отсöг.

**ПАРМА ЙӖЗ, на костын ЁГОР, ТОМ КЫЙСЬЫСЬЯС, ПӖ-
РЫСЬ ЙӖЗ.**

ПЕТЫР — вӧльнӧй йӖзлӧн нырщик.

**ВӖЛЬНӧЙ ЙӖЗ, на костын ШАРАФ да КОДДЗЫШТӖМ
МОРТ.**

ШЫПИЧАЛӖН ГӖСЬТЪЯС, на костын ПОП.

ШЫПИЧАЛӖН ПРИКАЗЧИК.

ХАНЛӖН КАРАВАН: лунвыв муса озыр хан, сълӧн охрана
да носильщикъяс.

Пролог

Лунвыв му, саридз дор. Саймӧдчӧма Шыпичалӧн котыр. Тыдовтчӧ
Ханлӧн караван: хан, сійӧс видзысьяс да гырысь тукъяс нуысь йӖз.
Караван вылӧ уськӧдчӧ Шыпичалӧн котыр. Пансьӧ кось. Кось саялӧ.

Недыр мысти бергӧдчӧны Шыпича да Васька ЙӖрш.

ШЫПИЧА.

Хан вӧлӧм повтӧмӧн, но венім.

Шуд отсалӧ пыр косьын меным.

ВАСЬКА ЙӖРШ.

Он ӧти шудӧн перйы вен.

Кӧн тэ — эм збойлун, вежӧр сэн.

Ми тэкӧд венлім эг нин ӧтчӧд.

Быть шудлы миян бӧрся вӧтчы,

Быть шудлы косьын тэ дор ов,

Кор ачӧд нинӧмысь он пов.

Со миян котыр збоя олӧ,

А тэнад чорыд кылысь полӧ.

ШЫПИЧА.

Тэ синтӧм сідзкӧ, пыр кӧ чайтан,

Мый котыр йитӧд важ моз ён.

Тшӧтш мекӧд — тэ да вит-ӧ-квайтӧн.

Став ладсӧ дзугӧ ӧти зон.

ВАСЬКА ЙӖРШ.

Зон? Коді? Висьтав, няйтӧ нырны

Мед сійӧс вермим пыр жӧ тан!

ШЫПИЧА.

И сёрни сы йылысь эн пан.

Весь кӧсьян, Васька, зыкӧ пырны.

Ме ногӧн бурджык лоны чӧв.

Эм менам, Васька, гуся мӧвп.

Ме тэнӧ торйӧн татчӧ вайи,

Мед сёрнитыштны йӖз син сайын.

Пыр содӧ йӖзлӧн мекӧд вензьӧм.

ЙӖз тэ вылӧ тшӧтш, тӧдан, лӧг.

Ӗд миян костын уна лӧп.

Пыр дзугӧ Петыр войтыр менсьым.

Пыр гудырмӧдӧ налысь юрсӧ.

Мый йӖзлы, горзӧ, вӧчам бурсӧ?

ВАСЬКА ЙӖРШ.

Ме ачым аддза Петыр кутшӧм.
Мед важӧн вӧтлін сійӧс кушӧн.

ШЫПИЧА.

А менам мӧвпъясӧй дзик мӧд.
Бур лоӧ, асьным кӧ ми мунам.
Дерт, гусьӧн, некод мед оз тӧд.
А эмбур, зарни сьӧрысь нуам.
Ог радейт ме, тадз пом ни дор,
Пыр нэм чӧж шӧйтны, позтӧм кӧк моз.

ВАСЬКА ЙӖРШ.

Дерт, эмбур ӧні миян ӧкмис.

ШЫПИЧА.

А зарни судзӧдас быдтор.
Зарни водзын — ставыс ныж.
Зарни паськӧм пурт оз бытшкы,
Зарни куӧ оз пыр гыж,
Позьӧ дзебны зарни пытшкӧ
Мед кӧть кутшӧм ыджыд мыж.
Зарни водзын — шоңді сім.
Зарни вонйӧ позьӧ тӧбны
Судлысь медся югыд син.
Зарни выӧ позьӧ ньӧбны
Кутшӧм колӧ царскӧй чин.
Зарни — медся ыджыд вын.
Позьӧ мынны медъён лэчсьыс,—
Зарни лэчкысь тэ он мын.
Чӧж кӧть грек, кӧть адӧдз лэччыв,
Енмӧдз лэптас зарни вын!

ВАСЬКА ЙӖРШ (сералӧ).

Чӧж кӧть грек, кӧть адӧдз лэччыв,
Енмӧдз лэптас зарни вын!
И меным шӧйтны важӧн дыш.
Кось выӧ пуртӧй важӧн ныж.

ШЫПИЧА.

Но, сідзкӧ, сюся вӧчны удж,
Мед оз вош миян ӧти сутш.
Ме ханлысь эмбур сӧвта пыжӧ,
А тэ вай йӧзӧс юны ышӧд.
Кор найӧс личкас вина би,
Сэк нбылыд тӧлӧн лэбзям ми.

**Шыпича мунӧ. Пырӧ кодзыштӧм морт, сьылӧ. Сы бӧрся локтӧны
мукӧд, сералӧны.**

КОД МОРТ.

Коді косьын суйсьӧ водзӧ,
Сійӧ медвойдӧр и коддзӧ.

Сылы йӧзсянь — ошкан кыв,
Сылы медся мича ныв!

МУКӦД.

Кужӧ мортыс вина юны,
Кужӧ кывъяс сюся шуны.

КОД МОРТ.

Коді косьын бӧрын ветлӧ,
Сійӧс вина дорысь вӧтлӧй.
Абу сылы курыд пай,
Тырмас сылы кизьӧр тшай!

МУКӦД.

Кужӧ мортыс вина юны,
Кужӧ кывъяс сюся шуны.

ВАСЬКА ЙӦРШ.

Тан, войтыр котыр, узыны кольччӧ,
И шуис нырщик миян мем.
Став вина Ханлысь, мыйта эм,
Оз кытчӧдз кынӧмъясныд польдчы,
Ті вермад юны.

КОД МОРТ.

Бур жӧ Васьным!
И миян нырщик вӧлӧм бур!
Да сӧмын сёрмид, — тӧдам асьным,
Мый вылӧ шогмӧ вина-сур.

МУКӦД (*код мортлы*).

Ланьт, эновт вензыны тэ сукӧд.

ВАСЬКА ЙӦРШ.

Вай, ёртъяс, гажӧдчыштам зыктӧг.
Ён вӧлі талун миян кось.
И ютӧг — некыдзи оз позь.

МУКӦД.

Збыль, сьӧкыд вӧлі талун кось,
И ютӧг — некыдзи оз позь.

Васька Йӧрш, сы бӧрся мукӧд петӧны.

ӦТИ МОРТ (*Петырлы*).

Мый, Петыр, Йӧрш Вась татшӧм зіль?

ПЕТЫР.

Код тӧдас курччис кутшӧм зі.
Сы бӧрся видзӧдыштны колӧ,
Оз бурӧс лӧсьӧдны, ме пола.
Мый кутӧ юрас атаман,
А оз-ӧ ылӧг сійӧ пан?..

Петӧны мукӧд бӧрся.

ПЕРВОЙ ЮКӨН

Төв. Парма сикт пом. Матын вөр. Юкмөс дорын Сандра да Люк.

ЛЮК.

Мый, Сандра, войпукны эн волы?

САНДРА.

Ог төд, мый шуны, люк, тэд.
Оз век тай, вөлөм, кыпты лолыд,
Гаж корсьны ныв-зон костын мед.

ЛЮК.

Ме төда, Яраштөг тэд гажтөм.
Эн шогсы, воас талун.

САНДРА.

Воас, гашкө,
Өд аски праздник, Рөштво лун.

ЛЮК.

Бур зонлысь сьөлөм венны кужин.

САНДРА.

А Дөрөш воштөма пө ун
Код вөсна? Мыйла дзебан чужөм?

ЛЮК.

Ме шензя, кыдзи сьөлөм дойдө
Зон костысь сөмын өти зон.
Кысь радейтөм? Он төдмав, он!

САНДРА

(Сы йылысь сыланкыв тагз мойгө).
Аддзи шорлысь ме тулысын письтөм.
Шуи: радейтөм шедө кысь, висьтав?
Воча серөктіс эзысьөн шор:
Чужтө радейтөм шоръяслөн гор.

Аддзи шонділысь нюмъялан чужөм:
Кытысь радейтөм, юалі, чужө?
Шонді воча мем: радейтан би
Тэнад сьөлөмын — шонділөн пи.

Аддзи веж борті мунігөн дзоридз:
Кытысь радейтөм?— висьтавны кори.
Тэныд, шуис мем гөрд дзоридз кор,
Пырис радейтөм дзоридз дук сор.

Аддзи лэбачөс кыдз пу лап йылысь:
Кытысь радейтөм? Висьтав мем, сылысь.
Сійө воча мем: радейтан гы
Лэптө колипкай сьылөмлөн шы.

Аддзи төвру кыз бадь корйөн ворсіс:
Төвру, сьолөм кыс радейтөм корсис?
Вочавидзис мем, вашнитіс төв:
Вайи лунвылысь гусьоник, чөв.

Аттё төврулы, шонділы, шорлы!
Аттё лэбачлы, дзордзалан борлы!
Чужтід радейтөм, шуд чужтід мем.
Оз мудз радейтны сьолөмөй нэм!

Тыдовтчоны Шыпича да Васька Йөрш.

ЛЮК.

Ой, татчө Шыпича со локтө.

САНДРА.

Да сылөн веськыд ки — Йөрш Вась.

ЛЮК.

Дерт, мыйкө кыйсьысьяслы октө.
Водз кылө вөралысь йөз локтөм.

САНДРА.

Ме пола сыысь. Мунам тась.

**Сандра да Люк мөдөдчоны гортлань. Шыпича, паныдасиг, сувтлөмөн
видзөдлө Сандра вылө. Шыпича да Васька Йөрш мунёны.**

Йи көдзыд дорис сьолөм пытшкөс,
Сідз повзи Шыпичаысь ме.
Сідз видзөдліс! Кыдз быттё бытшкис.

ЛЮК.

Тун сійө, төдан ачыд тэ.
Лөк вынкөд олө ёрта-ёртөн.
Лөг сылөн тшыкөдө пө мортөс,
Эз весь өд Шыпича ним сылы
Йөз сет.

САНДРА.

Тэ кылан? Сьылөм кылө!

ЛЮК.

Збыль. Кыйсьысь котыр тайө сьылө.

Кылө кыйсьысьяслөн сьылөм, коді кылө пыр гораджыка.

Вай, Сандра, менам гортлань кеж.
Ми тэкөд вөчам кыйсьысьяслы теш.

Сандра да Люк мунёны. Бара пырөны Шыпича да Васька Йөрш.

ШЫПИЧА.

Төдан, кодлөн сійө нылыс,
Коді мунө веськыдвылас?

ВАСЬКА ЙӨРШ.

Сійö Сандра, мельник ныв.
Батыс тэнад Човйын изö.
Арнас гöтралöма писö,
Öнi, кутöма пö кыв,
Сетö нывсö Яраш сайö.
Рöштво бöрын свадьба тайö.

ШЫПИЧА (скöрмö).

Яраш! Тöда! Лёк пон, век öд
Йöзöс лөгöдö тан мекöд.
Ош мед эськö сійöс пурас!

ВАСЬКА ЙӨРШ.

Ошкысь оз пов кыйсьысь морт.
Гашкö... «öшыбкаön» «ёрт»
Вöрын инмас сылы юрас?!

ШЫПИЧА.

Сэтшöм морт кö эськö сюрас,
Ог коль уджйöза ме сылы.
Кылан? Надейтча тэ вылö.

ВАСЬКА ЙӨРШ.

Чайта, мöвп кöть тайö бур,
Танi сэтшöм морт оз сюр.

ШЫПИЧА.

Корсьлы!

ВАСЬКА ЙӨРШ.

Корсьла... Корсьлам.

ШЫПИЧА.

Öнi коля татчö тэнö,
Карын виччысьö удж менö.
Тэныд отсöг ыста сэтысь.
Кылан, матын вöрысь петысь.

**Шыпича да Васька Йөрш саялöны. Чукöртчöны йöз, мунöны кыйсьысь-
яслы паныд.**

ЙÖЗ.

— Том войтыр, кылö, вöрысь петö,
Со гажа сьылöм кылö сэтөн.
— Том кыйсьысь вöрысь гортö петö.
— Эй, кыйсьысь войтыр локтö вöрысь!
— Öд аски праздник, тшöтш и пöрысь,
Ме чайта, гортö локтас вöрысь.
— Со нывъяс шызьöмаöсь талун,
И синъяс югъялöны налөн.

**Пырöны вöрысь локтысьяс, сьылöны. На дiнö матыстчöны паныд
петысь йöз. Ставныс сьылöны.**

Югыд яг, кӧн быдмӧ пожӧм,
Тшӧкыд козъя пемыд сӧрд,
Тулыс, ар и тӧв, и гожӧм
Оз мудз дежмавын том морт.

Парма вӧрын кыпыд ловлы.
Вӧрлӧн абу пом ни дор.
Юргы, йӧла, юргы, новлы,
Кыйсьысь мортлысь сылан гор!

Кыйсьысь вӧрын — кыдзи гортын,
Сылы абу тӧдтӧмин.
Став туй визь и посни ордым
Аддзӧ кыйсьысьлӧн ёсь син.

Парма вӧрын кокни ловлы.
Вӧрлӧн абу пом ни дор.
Юргы, йӧла, юргы, новлы
Кыйсьысь мортлысь сылан гор!

Ки оз вӧрзъы, лыйӧм инмас,
Лыйӧм некор оз весь вош.
Кужам лыйны урлы синмас,
Полӧ миянысь ён ош.

Парма вӧрын долыд ловлы.
Вӧрлӧн абу пом ни дор.
Юргы, йӧла, юргы, новлы
Кыйсьысь мортлысь сылан гор!

Кӧть том кыйсьысь долыд лолӧн
Сылӧ вӧрын сыланкыв,
Сиктӧ тэрмасьӧ,— сэн олӧ
Сылӧн муса мелі ныв.

Парма вӧрын кокни ловлы.
Вӧрлӧн абу пом ни дор.
Юргы, йӧла, юргы, новлы
Майбыр мортлысь сылан гор!

**Кыйсьысьяслы паныд петӧ Сандра. Сійӧ пасьтасьӧма кыйсьысь мортӧн.
Сылы паныд уськӧдчӧ «ош» — Люк. Сандра да Люк — «кыйсьысь»
да «ош» «косясьӧны».**

ЙӧЗ.

— Зонъяс, видзӧдӧй, мый керсьӧ!
Сиктын, вӧлӧм, олӧ ош.
— Код нӧ тайӧ тадзи нерсьӧ?!
— Сылӧн кудельысь тай тош.
— Ошкыс, ошкыс кутшӧм пельк со!
— Ош, эн конъясь, ош ног ов,
Морт ног косясьны оз ков.

«Ош» конйыштӧмӧн уськӧдчӧ да личкӧ «кыйсьысь мортӧс».

— Дӧрӧш, судзӧд «ошлысь» пельсӧ!

Дӧрӧш кӧсий мездыны «кыйсьысь мортӧс», судзӧдчӧ «ош пель» дорӧ.
Сэк «ош» пелька чеччӧ да пышйӧ вӧрлань. Сандра пӧрччӧ тош, сералӧ,
мунӧ Яраш дінӧ да кыкӧн найӧ вешйӧны йӧз дорысь.

ДӐРӐШ (*вӧтчӧ «ош» бӧрся*).
Кӧсьян панласьны тэ мекӧд!
Менам абу на дзор тош.
(*Суӧдӧ «ошкӧс», вайӧдӧ йӧз гінӧ.*)
Часлы, тӧдмасям ми тэкӧд,
Паччӧр вылысь лэччӧм ош!
(*Восьтӧ «ошлысь» — Люклысь —*
чужӧмсӧ да неуна шӧйӧвошӧ.)

ЛЮК (*сералӧ*).
Дӧрӧш, зонмӧн лоны колӧ!
Нылысь-ошкысь ёна полӧ.

Йӧз сералӧны, дӧзмӧдӧны Дӧрӧшӧс.

ӦТИ ЗОН.

Дӧрӧш миян — зон зэв збой,
Сійӧс он тай повзьӧд ошкӧн.
Сӧмын ныв дорын, ой-ой,
Дӧрӧш миян кывсӧ воштӧ!

НЫВ-ЗОН.

Дӧрӧш ныв дорын, ой-ой,
Коньӧр дзикӧдз кывсӧ воштӧ!

ӦТИ НЫВ.

Чери кыйны колӧ тыв,
Кыйны ошкӧс колӧ ёнлун.
Кывзы, Дӧрӧш, мича ныв
Шедӧ сӧмын варов зонлы!

НЫВ-ЗОН.

Кылан, Дӧрӧш, мича ныв
Шедӧ сӧмын варов зонлы!

Дӧрӧшӧс дӧзмӧдіг йӧз мунӧны сикт шӧрлань да разӧдчӧны. Кольӧны
Яраш да Сандра.

САНДРА.

Мем гажтӧм тэтӧг
Кӧть ворсанінын, кӧть мед гортын,
Пыр сьӧлӧм вылын шог да полӧм.

ЯРАШ.

И меным тэтӧг,
Кӧть кӧні, пемыд кыдзи сёрдын,
А аддза тэнӧ — югдӧ олӧм.

ЯРАШ ДА САНДРА.

Сэк радейтöмьсь олöм мичмö,
Кор сьölöм кылö воча шы,
Кор нывлөн (зонлөн) сьölöм пöсь тэд вичмö,
Тэд сöмын лöзалö син ты.
Сэк тырö помтöм шудөн сьölöм,
Сэк вуджөр морöсö оз коль,
Быд дзоридз тэныд ыстö чолöм,
Тэд варов сёрни кисьтö ёль.
Тэд енэж ыстö шондi югөр,
Кыдз пилы бурсиöмсö мам.
Тшöтш тэкöд ошкö лэбач чукөр
Став ывлавывлысь олан сям.
Сэк радейтöмьсь олöм мичмö,
Кор сьölöм кылö воча шы.

Сандра да Яраш мунöны. Пырöны Васька Йөрш да Шыпичалөн приказчик.

ВАСЬКА ЙӨРШ.

Став уджйöз перйы. Со, эн вунöд.
(Сетö приказчиклы книга,
кытчö пасйöма йöзлөн уджйöз.)
Ур, кывсьö, вöрын таво уна.
Из сайысь воöма пö ур,
Дерт, йöзлөн таво кыйсьöм бур.
Джын дон кö ур ку вылö сетны,
Оз тыртöм ло и миян зепным.

ПРИКАЗЧИК.

Юр вежөр тэнад оз тай узы!
Ме важөн аддза — морт тэ сюсь.
Тэ пыдди ме кö важөн танi
Удж ассьым Шыпичатöг панi.

ВАСЬКА ЙӨРШ.

Мед сувтны Шыпичалы паныд!
Мöвп тайö эн кут юрад сутш.
Со кывзы, кыдзи вöчны удж.
Ассьыд озыр да ён мортöс
Колö бöрийыны пыр ёртö.
Вына дорö юртö суй,
Но эн потшав сылы туй.
Сувтан паныд — нырас тэнö,
Бöрсьыс мöдан — юкан венöм.
Мелi кылөн сийöс кый,
Сёрнит — мавтан быттö вый.
Кодi выннас тэысь ичöt,
Тэ сы вылö эн дыр видзöд,—
Кусыньт збоя сылысь мыш,
Сэтшöм йöзкöд кокни тыш.
Медся со мый тöдны колö:
Кад кö сэтшöм коркö лолö,

Муртса джөмдас вына морт,
Дзугсяс тэнад «муса ёрт» —
Сюся кусыньт сылысь сьылі,
Кань моз чеччышт тэ сы вылө.
Ён да озыр — тэ нин сэк.
Со кыз мөвпала ме век!

Пырöны сиктса йöз. Аддзöны Васька Йөршöс да приказчикöс.

ВАСЬКА ЙӨРШ ДА ПРИКАЗЧИК.

Чолөм, вöралысьяс!

ЙÖЗ.

— Чолөм!

— Тіян чолөм донтөмтор.

— Сёрни пансьö на, эн торк.

ВАСЬКА ЙӨРШ.

А мый донаджыкыс колö?

ЙÖЗ.

Коланаторъяс миян уна.

ВАСЬКА ЙӨРШ.

Уджйöз мынтыны, дерт, вунö.

ЙÖЗ.

Мыйла вунö? Мынтам талун.

Кыйсьысь войтыр, том и пöрысь,

Сиктö воис талун вöрысь.

Кыйсьöм шуда вөлөм налөн.

ВАСЬКА ЙӨРШ.

Сідзкö, озырмад ті öні. *(Приказчиклы.)*

Уджйöз книга тэнад көні?

Приказчик перйö книга.

ÖТИ МОРТ.

Кыз жö книга тэнад, зон!

ПРИКАЗЧИК.

Сэтшöм тіян уджйöз дон.

ЙÖЗ.

Висьтав, пасйöма мый тіян,

Кутшöм кодлөн уджйöз миян?

ЯРАШ.

Мый сэн ме вылын?

ПРИКАЗЧИК.

Нель шайт да...

ЯРАШ.

Мыйкө дзугөмнүд, ме чайта.

(Судзөдчө да босьтө

уджйөз гижом книга.)

Вайлы. Тайө абу збыль.

ПРИКАЗЧИК.

Төвар дон өд өні выль.

Эжва сувтіс водз зэв ёна,

Вөла туй, ті төдад, дона.

ЙӨЗ.

— Төвар босьті гожом шөрын!

— Эжва сувтіг вөлім вөрын!

— Төвар донсьөдөма бөрын.

— Уджйөз мынтам пыр, а чуксьө!

ЯРАШ.

Гожся төвар — гожся дон.

Лыддям гижөд тайө — дзугсьөм!

(Косявлө книгаысь листьяс да шыблалө.)

ВАСЬКА ЙӨРШ.

Йөзөс ышөдөмысь, пон,

Судын кывкутны тэд ковмас!

Васька Йөрш да приказчик чукөртөны косявлөм листьяс.

ЯРАШ.

Бур йөз, аддзад өні ті:

Шыпичалы ыджыд овмөс,

Озыр овмөс тэчим ми!

Васька Йөрш да приказчик мунөны.

ЙӨЗ.

Збыльысь сідзи, озыр овмөс

Чөжим Шыпичалы ми!

(Унаөн матыстчөны Яраш гінө. Ярашлы.)

Мый тэд шуис Йөрш Вась, кывлін?

Өні Шыпичаысь пов.

Ло тэ мыйдыра кө ылын.

Тувсов кадөдз вөрын ов.

ЯРАШ.

Вөрын меным нинөм керны,

Этша порок, дрөб да нянь.

Чайта, өтитор ме верма:

Мунны заводө.

ЙӨЗ.

Зэв шань.

Шыпича син сайын лоан.

Гөрны-көдзны бөр тэ воан.
Таdzi ветлө уна морт.

ДӨРӨШ.

Ме нө тэныд абу ёрт?
Кыкөн заводö ми ветлам.

ЯРАШ.

Сідзкө, аски туйö петам,
Көть и праздник. Туйыд кузь.
Өні, Дөрөш, шойччы, узь.

САНДРА.

Зэв ылö, Яраш, көсьян мунны.

ЯРАШ.

Эн шогсьы, воас шуда лун.

САНДРА.

Збыль, гашкө, воас, ог кө вун.

ЯРАШ.

Он вермы, Сандра, некор вунны.

ЛЮК.

Тэ, Дөрөш, вөлөмыд, бур ёртөн.
Төд, лоин меным дона мортөн.

ЙӨЗ.

Ми сиам тиянлы:
Йөз муын овны лючки-бура!
Ми сиам тиянлы:
Бөр гортö воны туй мед сюрö!

МӨД ЮКӨН

Сандра ордын. Сандра дінö чукөртчөмаось нывъяс.

НЫВЪЯС.

— Сандра вежсис бөръя кадын,
Шога пукалö со татөн.
— Арся лун кодь сыйөн чужом,
Вөлі серавны зэв кужö.

САНДРА.

Яраш дум вылысь оз вунлы.
Важөн абу рад виль лунлы.
Муса лун дорысь мем вой.
Войын сайклö сьөлөм дой.
Мыйөн шонділөн югöрыс кусö,
Кытөн енэжö пыксьöма нюр,
Мыйөн кизьör лөз рöмыдөн мусö
Резас коз йывсянь төлысьлөн сюр,

Мыйон кодзувъяс лөз енэж былө
Морт син гажодны өзталас вой,—
Гөгөр эзысьон дзирдалө, сылө,
Сылө, кусө тшөтш морөсысь дон.
Вунлө сөмын сэк лунтырся олөм,
Вунлө лунтырөн вунлытөм шог.
Сэки кыпөдча мөвпъясөн, лолөн,
Тэча мөвпын сэк олөм ас ног.
Нывъяс, ворсөй, ворсөй, нывъяс.
Ссылөй гажа сыланкывъяс.
А ме уджалышта тані,
Батьлы кепысь кыны пані.

НЫВЪЯС.

— Нывъяс, дерт жө, миян мог
Тешөн венны сылысь шог.

Пырöны зонъяс.

— Со и зонъяс. Ворсны колө.
Тештөг, гажтөг — кутшөм олөм!
— Кытшөн, кытшөн ворсам вайө,
Сетам ручөс верөс сайө!

Ныв-зон сувтöны кытшөн, сылöны да ворсöны.

Джуджыд сук вöрын оліс,
Пемыд сук вöрын выліс
Мича Руч,
Мудер Руч.
Ылөдз мич Ручлөн кывсис,
Сылысь мич Көч тшөтш кывліс.
Полысь Көч,
Пöрысь Пöч.
Воис Көч, пöрысь-дзöрысь,
Вайис Көч көвдум сьöрысь:
— Ручө чой,
Көвдум сөй.
Кад тэд, Руч, верөс сайө.
Пет тэ, Руч, пий сайө.
Дөзмис Руч,
Скөрмис Руч:
— Абу ме Көчкөд олысь,
Көчлөн кын сьölөм полысь.
Тэд ме ань
Вывті шань!
Воис Ур Ручө ордө,
Корö монь былө гортö:
— Пи кодь бур
Мөд оз сюр.
Пет тэ, Руч, верөс сайө,
Тэнö, Руч, пий вайө.
Дөзмис Руч,

Скөрмис Руч:
 — Уна зэв косьян, Урöй,
 Верöс мем бурджык сюрö.
 Тэд ме, Ур,
 Вывті бур!
 Воис Ош — шоныд пасьыс,
 Ошкис Ош писö ассьыс:
 — Менам пи —
 Веськыд ки.
 Менам пи шань быд ногөн.
 Моньö тэ меным шогман.
 Дöзмис Руч,
 Скөрмис Руч:
 — Эн тэ весь питö ошкы,
 Ог ме овмöдчы Ошкöд,—
 Вывті лёк Ошлөн кок!
 Ручöс коралысь быри.
 Арлыд вель уна тыри.
 Шогсьö Руч,
 Эндöм Руч.
 Локтö корасьны Кöин.
 Кыскö кок — чегöм тоин,—
 Збой кöть зон,
 Веніс Пон.
 Лои нимкодъ сэк Ручлы,
 Öдйö ладмисны лючки.

Кытшөн ворсөм вуджö сьылөм улö йöктөмö.

Руч да Кöин свадьба вылын
 Йöзыс уна ызгö кылö.
 Киссьö вина, киссьö сур,
 Пелькöсь кокъяс, сьöктö юр.
 Кокъяс, печлалöмөн ветлöй.
 Гажа зонлы джоджсö сетлöй.
 Сяргы, сизьды, коклябөр,
 Дежмав сё ног керка шөр.
 Сьölөм йöктö морöс пытшкын,—
 Мича ныв тшöтш йöктö кытшын.
 Мича нылöй, аддзан он,
 Кыдзи йöктö гажа зон?
 Гора гудök, туйсö инды,
 Нуöd пелька муса дінті.
 Муса, паныд меным пет,
 Чышгьян помтö меным сет.
 Сет мем ассьыд чышгьян помтö,
 Матыст лежнөг дзоридз вомтö.
 Вöсни коскад пункта ки,
 Кыдзи төвныр ветлам ми.
 Йöктöй, йöктöй, йöктöй, вокъяс,
 Мортлөн йöктөм вылö кокъяс.
 Ворсысь, сяркйы гудök кизь,
 Гудök шытөг кок оз письт.

Ныв-зон йөктө водзё. Пырö Люк, мыйкө вашкөдö öти-мөдлы. Ныв-зон дугдö йөктыны, матыстчöны Люк дінö.

САНДРА.

Мый сэн вашкөдчанныд, нывъяс?

ÖТИ НЫВ.

Яраш йылысь воис кывлөс.

САНДРА.

Яраш йылысь? Коді вайис?

ЛЮК.

Сьöкыд висьтавы мем тайöс.

Сьöкыд менам, Сандра, мог.

Вайи тэныд ыджыд шог.

САНДРА.

Висьтав, сёрни тэнад нюж!

ЛЮК.

Юөр мичмөдны ог куж.

Дөрöш гортас воис талун.

Шудтөм вөлөм ветлөм налөн.

Öтчыд кыптöма сэн бунт.

Яраш сям тэнад эз вун?

Сьölөм сылөн öдйö öзйö.

Яраш сувтöма, дерт, йöз дор.

Сэки Дөрöш пырысь-пыр

Гортö бергөдчыны петіс.

Сöмын висьöм вöсна сэтысь

Локны ковмöма зэв дыр.

Яраш йылысь оз тöд öнi

Ловъя абу, ветлö көнi.

Гашкö, тюрьма петіс сылы,

Гашкö, мөдөдісны ылö.

Дөрöш тöдö сöмын тайö.

Со тай, курыд юөр вайи.

САНДРА.

Сьölөм төдö,— юөр збыль.

Вылысь-выльö синва кисьтны.

Мам со кутіс ёна висьны.

Шогысь шог мем öнi выль.

Көн тэ, Яраш, көн тэ, муса?

Шонді югөр меным кусі!

НЫВЪЯС.

— Шог, дерт, ыджыд, ыджыд шог.

— Гашкö, бурджык юөр воас.

— Гашкö, водзын шуд тэд лоас.

— Көть ми арталам быд ног,

Шог, дерт, ыджыд, ыджыд шог.

КОЙМОД ЮКӦН

Рыт. Эжва дорын. Эжва вылын пыжӧн кывтӧны Дӧрӧш да Люк.
Сьылӧны.

ДӦРӦШ.

Кылӧд миянӧс, визув ю, кылӧд.
Кокни пыжнымӧс лайкйӧдлы, гы.

ЛЮК.

Кызди мӧдлапӧв йӧлӧга кылӧ,
Сьӧлӧм кылӧ сідз мӧд сьӧлӧм шы.

ДӦРӦШ ДА ЛЮК.

Кылӧд миянӧс, визув ю, кылӧд.
Кокни пыжнымӧс лайкйӧдлы, гы.
Кызди мӧдлапӧв йӧлӧга кылӧ...

Дӧрӧш ланьтӧ да кывзысьӧ.

ЛЮК.

Сьӧлӧм кылӧ сідз мӧд сьӧлӧм шы.

ДӦРӦШ.

Ме тэнсьыд сьӧлӧм шы ог кыв,
А кыла кыськӧ сьыланкыв.

ЛЮК.

Из сьӧлӧм мӧд сьӧлӧм оз кыв.

ДӦРӦШ.

Чӧв!..

ЛЮК (*ланьтӧ да кывзысьӧ*).

Меным тшӧтш жӧ муртса кылӧ.

ДӦРӦШ.

Пыж ыджыд Эжва йылысь лэччӧ,
Йӧз уна сәні. Налӧн сьылӧм.

ЛЮК.

Вай сынышт дорлань, косӧ чеччам.
Код тӧдас кутшӧм йӧз, ме пола.

ДӦРӦШ.

Йӧз тӧдтӧм, дзебсьывны, дерт, колӧ.

Сибӧдчӧны берегӧ, чеччӧны пыжысь да мунӧны пуяс сайӧ. Тыдовтчӧ
ыджыд пыж. Пыжын Яраш да Петыр, налӧн ёртъяс. Кылӧ збой сьылӧм.

Оз сән варыш лэчыд гыжъя
Вӧтӧд лэбач чукӧр, оз, —
Лэбӧ нылыд тӧлӧн пыжа,

Вундö гыяс пуртöн моз.
Оз збой каля сунлась, варччы,
Пожъяв лым кодъ еджыд борд,—
Гыкöд пыждöра сэн гартчö.
Веськöдлысьыс — повтöм морт.
Варыш синма, вына соя,
Нинöм сылы помтöм лöз.
Мед жö быгйöн гыис койö,
Абу полысь пыжын йöз.
Гыись гыö пыжа вуджö
Ньöв моз веськыда, оз кеж.
Збой йöз оз лыддысьны уджөн,
Вензьöм налы — кыдзи теш.
Налы мустöм лöня олöм,
Сотчö сьөлöманыс би.
Оз ков зарни, вензьöм колö,
Найö быдöн косьлөн пи.
Паныд сувтысь пöдö йирын.
Полысь кось дырйи оз сюр.
Овлö, вина пыдди вирён
Коддзö повтöм йöзлөн юр.

Пыжа матыстчö.

ЯРАШ.

Вай шойччам, Петыр, регыд вой,
А лунтыр сынны мудзö сой.

ПЕТЫР.

Збыль, узьмöдчыны воö пöра.
Вай, Яраш, уськöдöй пыждöра.
Пыжа сибöдчö ва дорö, йöз чеччö пыжысь.

ЯРАШ.

Ныв тані радейтлі ме ёна.
И ме тшöтш вöлі сылы дона.
Тан матын Шыпичаыд олö.

ПЕТЫР.

Сы ордö «гöститны» ми волам.
Ми юалам важ атаманöс,
Мый бурсö тані йöзлы паніс.

ЯРАШ.

Бур! Сыкöд орччөн олö лёк.

ПЕТЫР.

И Парма нартитöмысь инмас,—
Кöть көн, гöль йöзлөн шог да синва
Тшöтш миян синва, миян шог.

ЯРАШ.

Ме бара вои чужан муö.
Пöсь чолöм тэныд, чужанін!

Со аддза тӧдса пожӧм пуӧс.
Тан ставыс гажӧдӧ мем син.
Со пелысь, гӧрд нин сылӧн розйыс.
Со быдмӧ ныв пу — козлӧн чой.
Со водзын — дзормӧм дзуртысь козъяс.
Нэм мыйкӧ мойдӧны лун-вой.
Тан Парма вӧр — кыз помтӧм саридз,
Он вермы вуджны, мун кӧть нэм.
Вӧр шувгӧ тулыссянь сьӧд арӧдз,
Тӧв воас, — чуймас, ланьтас тшем.
А кутшӧм югыд тувсов войӧ,
Кор шондӧ саялыштлӧ сутш,
Кор ойдӧм Эжва кыркӧтш койӧ,
Кор мӧдлапӧлӧдз син оз судз!
Эз дугдыв сьӧлӧм татчӧ нуны.
Тан ставыс гажӧдӧ мем син.
Ас му, он вермы некор вунны.
Пӧсь чолӧм, муса чужанӧн!

ПЕТЫР.

Ас му мем — челядьдырся вӧт.

ШАРАФ.

И менам олӧм абу мӧд.
Ас му! Став дорысь сійӧ муса.
Да корсьлім сэсь ми пышъян туй.
Йӧз муын нэм чӧж сайлась-уй.
Ас муысь ылі туйын кусам.
А вӧля миян курыд кӧра!

ПЕТЫР.

Шараф, шог тэнӧ талун гӧрӧ.

ЯРАШ.

Збыль, миян вӧлялы кысь шуд,
Ӧд чужтіс сійӧс царскӧй суд.

ПЕТЫР.

Чужӧм тэнад мед оз воймы,
Шог кӧ вуджас тэнсьыд туй.
Эн тэ сетчы сьӧлӧм дойлы,
Юр эн ӧшӧд, эн видз руй.
Тэд кӧ гӧля йӧзысь овсьӧ,
Мӧд кӧ гуис тэнсьыд шуд, —
Тэ эн бӧрддзы, эн тэ повзы,
Корсь тэ ассъыд олӧм пуд.
Тэд кӧ сьӧкыд ӧткӧн овны,
Пыр кӧ тэныд букыд лун,
Гажтӧм лои ӧтка ловлы, —
Аслад вокъяс дінад мун.
Тэд кӧ овны лои дзескыд,
Тэнад пӧдны кутіс лов, —
Аслад морӧсад би песты,

Сьӧлӧм жугыльтны оз ков.
Тэд кӧ лои сійӧ мустӧм,
Коді пычкӧ вир и вем,—
Синмад лӧг тэ ӧзты кустӧм,
Пукты кось вылӧ став нэм.
Оз кӧ тырмы тэнад выныд,
Сьӧкыд ӧткӧн нуны кось,—
Ассьыд вокъястӧ эн вунӧд,
Найӧс быдлаысь тэ корсь.
Мый нӧ руд кӧ енэж талун,
Мый нӧ гӧгӧрным кӧ мыж,—
Аски шонді петас налы,
Кодлы олӧм талун тыш!

Петыр да Шараф мунӧны мукӧд дінӧ, кодъяс лӧсьӧдчӧны вой кезлӧ.
Яраш дінӧ локтӧны Дӧрӧш да Люк.

ДӦРӦШ.

Тэ, Яраш! Чолӧм!

ЯРАШ.

Чолӧм! Чолӧм!

ЛЮК.

Ми важӧн тан да петны полім.

ДӦРӦШ

А кутшӧм йӧз тшӧтш тэкӧд локтіс?

ЯРАШ.

Йӧз, позьӧ шуны, менам вокъяс.
Вай висътав ӧдйӧ, кыззи олад.

ДӦРӦШ

Тэ тӧдан, олӧм миян сола.

ЯРАШ.

Кӧн Сандра?

ДӦРӦШ

Век на мам-бать дорын.

ЛЮК.

Но олӧ Сандра синва сорӧн.
Бать сетӧ сійӧс верӧс сайӧ.

ЯРАШ.

Шог, шог зэв меным юӧр тайӧ.
А верӧс?..

ЛЮК.

Шыпича ӧд верӧс!

ДӨРӨШ

Төв шөрсянь дөвеч.
Люк и йөз шуө,
Мый гөтыр нартитөмөн тэрмөдөма гуө.

ЯРАШ.

Мед Сандра!..

ЛЮК.

Мый нө Сандра керас?
Тэ вошин, коді доръяс сійөс?
Мам сылөн висьö.
Батъыс Шыпичалөн киас.

ЯРАШ.

Мед Сандра! Эскыны оз позы!

ЛЮК.

Он пан өд Шыпичакөд кось.

ЯРАШ.

Кось... Кось! Кось, сөмын кось!..
(Шогө воө. Aggзö кодзув усьöм.)
Со уси биа ньöv моз кодзув,
Медбöрысь саякнитыштис ёр.
Код шуас ошйысьöмөн водзвыв,
Мый олөм сылөн оз тадз ор?
Сім енэж югдыштлис эз уна,
Эз аддзыв кодзув кусөм морт.
Тадз кусам, нимным миян вунö,
Тшöтш сылөн, коді талун ёрт.
Ми сідз жö сотчам öтка биөн.
Ми енэж улын — ывла бус.
Мед сотчөм ярджык вöлі миян,
Кор сьöлөм биным эз на кус!

Водзö лоö на.



«О-ла-ла, Таврида!»

Мый тайё татшöмыс?

«Таврида» йылысь ме кывлі колян во медводдзаысь, а вöлöм-кö, сійöс нуöдöны коймöдысь нин. Котыртöны татшöм ыджыд, став Россияса форумсö Крымын (важöн Тавридаöн шусьылöма) «Роспатриот», «Росмолодёжь» да Москваса канму культура институт. Форум дырйиыс уджалö некымын смена: татчö локтöны том серпасасьысьяс, музыкантьяс, йöктысьяс, гижысьяс... И нöшта уна-уна быдторсö кужысь, енбия войтыр. Найöс велодöны экспертяс — нималана, пыдди пуктана йöз. Миян (гижысьяс-лөн) сменаö волісны Сергей Филатов, Игорь Волгин, Влад Маленко, Владимир Смирнов да мукöд.

Кызди веськавны форум вылас? Зэв кокни. «Росмолодёжь» (ais.fadm.gov.ru) сайтын гижан заявка. Сэні эм зэв-зэв-зэв уна мероприятие (ме эг и тöд, мый сы мында быдсямаыс том йöзлы котыртсö!). Заявкатö ыстан да виччысян: электроннöй поштаад воас вочакыв: босьтöны тэнö либö оз. Босьтöны кö, ыстöны «инструкция» — мый водзö вöчны. Меным коліс ыстыны вит коми кывбур (рочö вуджöдöмөн), ас йылысь дженъыдик юör, паспорт копия да медсправка. Нöшта пасъян, кызди көсьян воöдчыны Крымас: мыйöн да кымын часын. Лöсьыд вöлі, мый «Таврида» ачыс миянлы ньöбис самолётö билетъяс, а Коми Республикаса йöзöс велöдан министерство мынтіс Сыктывкарсянь Москваöдз туйсö. И став ветлöмыс, öтарö-мöдарö, артмис дон босьттöг.

Туй

Шереметьево аэропортын миянöс вочалісны волонтёръяс. Быдöнлы сетісны бейдж, кытчö пасйöма нимтö да отрядыдлысь номерсö. Менам вöлі гижöма — 23. Помнита, ёна чуймöдіс самолёт пытшкöсыс (ме сэтшöмнас некор на эг лэбавлы). Быдөн-лөн син водзас — неыджыд экран, сэні петкöдлöны, кызди лэбзьö самолётыс да кызди пуксьö! А мунігчöжыд позьö видзöдны кино, кывзыны музыка ли небöг.

Симферопольöдз лэбим час кык. Сэсся ставнымöс пуксьöдісны автобусъясö. Москваса аэропортас войсö эг узьöй, унмöй локтö вöлі, но шуи аслым: узыны ог кут, мöда видзöдны Крымлысь вөр-васö. А öшинь сайын тыдалісны сöмын помтöм-дортöм муяс, кöнкö гөрöма, кöнкö абу. Гежöдика паныдасьлісны ичöтик грездъяс, но керкаясыс абу мичаöсь, кутшöмкö гажтöмöсь... Эг и казавлы, а унмовссьöма. Куим часөн воим Стерегающее сиктö, кытчö и поздысьöма «Волна» лагерным.

Выль тӧдсаяс

Луныс вӧлі шондіа, кыпид, и саридзыс тыдалӧ! Волонтёръяс шоныда, сьылӧмӧн-йӧктӧмӧн миянӧс паныдалісны. Быдӧн корсим ассыным группаӧс («пятнашка» шусьӧ, сы вӧсна мый 15 морт быд отрядын, но ми 13-ӧн вӧлім). Сэсся сулалыштӧм ӧчередын: охранникъяс шобисны нопъяснымӧс, мед некутшӧм «курыдторъяс» сэн эз вӧвны. Да некодлӧн эз и вӧв. Виччысигмоз ме тӧдмаси зэв интереснӧй зонкӧд. Ачыс ыджыд тушаа, багатыр. Нимыс — Санин Саньӧ. Донвывса Ростовысь, Москваын уджалӧ. Саньӧ вайӧма аскӧдыс ыджыд, кока барабан. Ме юалі: «А барабаныс тэн мыйла?» — «Гашкӧ, ворсыштны окота лас...» Ме казтыштӧ гитараӧс да ышловзи. Орччӧн кутшӧмкӧ ныв кутіс норасыны: кокас вӧчӧмаӧсь операция, пыктӧма, сулавнысӧ сьӧкыд. Саньӧ восьтыліс нопсӧ, кыскис улӧс, мыччис нылыдлы. Нимыс сылӧн — Наташа, Калмыкияысь. Кызіник, ыджыд тушаа, гӧгрӧс чужӧма. Наташа локтӧма проектӧн. Кӧсйӧ вӧчны Элистаын «Чабан-party» фестиваль, кытчӧ став Россияысь чукӧртчасны том поэтъяс, тӧдмасысны ӧта-мӧдныскӧд, лыддясны кывбуръяснысӧ, видласны калмык сӧян да калмык чай. Калмык чай йылысь кылігӧн кодсюрӧяс нюмыртчисны. Ме юалі Наташалысь:

— Мыйсяма калмык чай?

Наташа окотапырысь вочавидзис:

— Гудралӧны чай, йӧв, мӧс вый, сов, кӧра турунъяс...

— Фу-у-у!

— Ми дзолядырсянь юам, зэв чӧскыд!

Ме думыштӧ: ми тай айбарч (кын яй) сӧям жӧ... Но ӧчередыс помассис, и миянӧс лэдзисны овмӧдчыны.

Лагерыс зэв мича! Кытчӧ он видзӧдлы, тӧдчӧ, мый тані вӧлӧмаӧсь художникъяс. Быд пятнашкалӧн — аслас нель жыръя керка. Пырим да, быдӧнлӧн крӧвать вылас — пакет, кытчӧ пуктӧмаӧсь тельняшка, блокнот, куим рӧма ручка да дӧра сумка. Ставыс — «Таврида» паса. Жыръяс ми олӧм нельӧн. А орчча вежӧсас — куим зон: Саньӧ, Дамир да Элбэк. Дамир — Челябинскысь, Элбэк — Бурятияысь (Элбэк йылысь ме торйӧн на висьтышта).

Саньӧ шуис, ме пӧ ӧти диванӧ зонкӧд ог вод, да босьтіс раскладушка. Кильчӧ вылас вольсасис. Нопсыс кыскис ыджыд, небыд шебрас. Сэсся перйис сатысь кельыдгӧрд дӧрапас. Университетыслӧн пӧ. Кодлы абу дыш, быдӧн сэтчӧ кырымасьӧма. Дӧрапастӧ кильчӧ перила вылас ӧшӧдіс. Сэсся перйис мӧдӧс: лӧз рӧмыс надзӧн вуджӧ турунвижӧ (енэж да видз быттьӧ), а турунвижтіс рӧдтӧны кык верзӧма. И гырысь еджыд шыпасъясӧн: «Вольница». Улынджык посниджык шыпасъясӧн: «Свобода и любовь». А дзик улиас: «Сожгли инстаграм, пели всю ночь до утра». Ми сералыштӧм, а Саньӧ зэв серьезнӧя ӧшӧдіс дӧрапассӧ кык ӧшинь костӧ. И быдӧн вӧлі сувтӧны да чуймалӧны: кутшӧм гажа тіян керка дорныд! Сэсся рытнас нин, кор «свечка» вылӧ чукӧртчим, нывъяс пуксисны кильчӧ сод вылас. Саньӧ вашмуніс: «Нывъяс, виччысьлӧй!» Босьтіс вевттьӧдсӧ, плавгӧдіс. Нывъяслы любӧ. Мукӧдыслы окота жӧ

сöstом вылад пуксыштны. Саньö перйис нопсыс кузьмös, посни дзоридза дöра да вольсалис шензыйсь нывъяслы. Нöшта вайис улöссö да матыстис раскладушкасö. Быдöнлы пукаланіныд лоис. Саньö шуис: «Мыйкö миян гажтöм». Кыскис нопсыс выльвося гирлянда. Öшöдіс «Вольница» гөгöрыс. Гирлянда öзйö-югъялö гөрда-лöза биөн. «Нöшта на колö». Перйис да öшöдіс мöд гирлянда — кольквижös. Сэсся нöшта — турунвижös. И здукөн миян кильчöным лоис сэтшöм чужан, мича, ас дорас кыскыс! Ме эськö некор эг думышт вайны Крымö, велöдчан форум вылö, выльвося гирлянда... А Саньö бура заптысьöма. Шондіыс сотö — Саньöлөн мавтчан эм, горшыд висьмö — Саньöлөн пызйысян эм. А аслас кö абу, ветлас да кытыськö судзодас. Шойччан здукъясö Саньö перйö ракеткаяс да воланчик, корö бадминтонасьыштны. А нöшта сылөн эм быдпöлös лэбалам кытшыс — сöмын бöрйы.

Олöм-вылöм

Медводдза лунас ми эгö велöдчöй. Саридзын купайтчыштим, тöдмасим öта-мöдкöд, видзöдалім оланіннымös... Саридз дорыс тешкодь. Ылысянь видзöдан да — быттö лыа. А кок улад — ёлыкытъяслөн посни торпыригъяс. Кок пыдöсыдлы массаж. Саридзас мед пырны, колö метра кымын кос турунті собны. Сэсся, пыран да, нöшта кык метра уялысь турун пöвстті келан. Но тайö, вölöмкö, абу турун, а камка. Саридзыс век кытыськö сійös вайö да вайö. Камка йылысь лагерын тырыс кывбур, сыланкыв да шмонь.

Мöд луннас ме водз садьми: расписаниеас вöлі гижöма «7.30 — йога», да муні йогаасыны. Но велöдысьыс, вölöмкö, абу на локтöма. Сідзи эг и тöдмав, мый сійö сэтшöмыс. Сэсся 8 часын ставөн мунісны ыджыд сцена водзö зарядка вöчны. Колö шуны, мый лагерас куим сцена, быдлаын зэв ыджыд экранъяс. Вöліны компьютеръяс, принтер, инстаграмысь фотояс печатайтан терминал, интернет, расписание петкöдлысь экранъяс, ставыс, мый колö öнія том йöзыслы. Зарядка дырйи миянös велöдісны йöктыны «О-ла-ла, Таврида». Мен зэв ёна кажитчис, мый ставөн, 350 сайö морт, öтмоза да öтлаын йöктöны. И öні, гортö локтöм бöрын нин, сылыштала: «О-ла-ла, Таврида», а асывнас йöкта.

Зарядка бöрын ми ветлім завтракайтны. Вердісны «Таврида» дырйи ой-ой чöскыда. Öти асыв пырим столовöйö, а пызанъяс вылас — ыджыд тасьтіяс тыр пельнянь, а орччөн — свеклöа салат. Таысь кындзи быдöнлы позис босьтны пöсь рок. Быд сөйигөн сетлісны мыйкö юмовтор: вафли, шоколад, булки, печенньö... Позис и аскöдыд сөянсö босьтны, сы вöсна мый öти сайысь ставсö бырöдны сьöкыд. Быд жырйын вöлі роч көзöд, и смена помланыс уна чöскыдтор миян сэн чукöрмис.

Велöдчöм

Дас часын «Фестивальнöй» шатёрын миян заводитчыліс «панельнöй дискуссия». Сы дырйи сцена вывсянь сёрнитис

некымын эксперт, а сёрнитом бōрас том йōзлы позис налысь мыйкō юавны. Мен тайō дискуссиясыс нинōм выльсō эз восьтыны, и уналы, орччōн пукалысьяслы, тшōтш. Отчид сōмын, нельōд лунас, вōлі интереснōй дискуссия — поэзия да театр йылысь. Сёрнитіс Елена Исаева, кывбуралысь, драматург. Сылысь юалисны: «А кодлы онія кадō колō гижны пьесаяс: томъяслы либō олōмаяслы?» Елена вочавидзис, мый колō гижны сьōлōмсяныд, а кодлы колō, асьныс локтасны видзōдны спектакльсō: том кōть пōрысь.

11:45 ми разōдчалім велōдчыны асланым «школасō». Миян Люба Ануфриевакōд вōлі «Вужвойтыр литератураяс сōвмōдан» школа. Миянкōд велōдчисны Удмуртияысь, Мордовияысь, Карелияысь, Дагестанысь, Чечняысь да мукōдлаысь воом йōз. Кызди пасйыштіс экспертным, Виктор Куллэ: «Здесь у нас народы финно-угорские, и просто — горские». Виктор Альфредовичкōд видлалім, «нъōжйō лыддим» Осип Мандельштамлысь «Сестры — тяжесть и нежность — одинаковы ваши приметы...» кывбур. Сэссия Виктор Альфредович корис миянōс, вермам кō, вуджōдны кутшōмкō роч классиклысь кывбурсō асланым кывйō. Ме бōрйи Осип Мандельштамлысь гижōдсō, и мōд асывнас со кутшōм кывбур менам артмис:

* * *

Чойяс — сьōкыд да мелі — мыйкō откодъяс тіянын эм жō.
Сьōкыд розасō меліа нёнялō мазі да зі.
Мортыс кулō. И кōдзалō лыа, и петō сэн эжа.
Кусōм шондисō гуалō тіралысь, небыдик ки.

Изъяс — кокниōсь, везъясыс — сьōкыдōсь. Овлō,
Нимтō меліа шуа — а быттьōкō бертовта из!
Оти тōжд, зарни тōжд менам Му вылас сōмын и кольбō:
Кызди петны кад изкисъяс? Сьōкыдыс лоас мед — пызь.

Пемыд сынōдсō юа, и небыда, меліа артмō.
Кадлысь эжасō гōрōма, розаяс чужōны кысь.
Нъōжмыд вабергач меліа розаяс гартлō,
Быттьō сьōкыдыс-меліыс кыōны кык пōвста кытш.

Дерт, «из» да «пызь» — абу рифма, но мен окота вōлі вежōртассō вуджōдны...

Мōд луннас комиōді Алексей Пикулевлысь — том удмурт рәперлысь кывбурсō:

Слōт

Бōрйи шыладсō сэтшōмōс, мед
Вōр-ва бōрдōмлы лōсялас бура.
Пелям — музыка, кок улын — слōт,
Дойōс тōлōдысь тōлыскōд муна.

Сōмын юргас мед пелям, оз сувт,
Ог и тōд, кытчō восьлала, кыті...
Шерсъяс чужōмōс дзєбны ог кут,
Муна веськыда шлякыша вывті.

Кодлы пельпомōн тшука, ог тōд,
Кутас броткыны скōрысь мыш саям.

Медым лёкалӧ, кывъясыс — съӧд,
А ме нюмъяла сӧстӧм вӧр-валы.

Со и лабич. Ме водзӧ ог мун,
Синмӧс куньӧмӧн пукавны понда...
Вашкӧ музыка: «Сун меӧ, сун...».
Лымйыс шебралас менӧ да шонтас.

А Лёша вуджӧдіс менсьым «Ме вунӧді, мый тэнад нимыд...» кывбурӧс, и сылӧн зэв лӧсьыда артмис.

Бӧръя лун

Бӧръя лунас миянлы колӧ вӧлі став водзын петкӧдлыны, мый ми вӧчим вит луннас асланым школаын. Сцена вылас петім кӧкъямысӧн. Медводз Элбэк (сійӧ миян школаыс жӧ) юалис:

— Ті коркӧ кывлінныд, кызди юргӧ труба?

— Да-а!

И Элбэк пондіс петкӧдлыны трубасӧ гӧлӧснас! Но дзик-джик ӧткодь! Он и шу, мый тайӧ абу труба! Ёна и шензисны да клопайтисны видзӧдысьясыс!

Сэсся нывка да зонка лыддисны Блоклысь «Ночь. Улица. Фонарь. Аптека...» кывбурсӧ суоми да башкир кывйӧн. На бӧрын Виктор Куллэ висьталіс Осип Мандельштамлысь кывбурсӧ, а ме — ассьым вуджӧдӧмӧс. Сэсся лыдди «Ме вунӧді, мый тэ-



над нимыд...» кывбурӧс, а Удмуртияыс Тая — Лёшалысь вуджӧдӧмсӧ. Сы бӧрын Чечняыс зонка лыддис чеченскӧйӧн ассьыс кывбурсӧ (зэв аслыспӧлӧс кывйыс, и мичаа лыддӧ). А помалис петкӧдчӧмнымӧс удмуртияса Лёша аслас рэп сыланкывнас. Сцена вылӧ петалисны миян школаса том войтыр, и ставным ӧтлаын йӧктім! Йӧзыслы зэв ёна кажитчис! (Ок, эськӧ, позис кӧ пысавны тайӧ гижӧдас видео...)

Бӧръя лунас ми тӧдмалім, мый Наташаным босьтіс грант — 200000 сюрс! Дзоньнас «пятнашканым» чеччаліс радысла! Лунӧн водздзык, кор Наташа ыджыд сценасянь ӧти минутаӧн

висьталіс проект йывсьыс, Саньö гымгис барабанас, а ме öвтi «Вольницаöн». Сэссия ставным öтлаын горзім: «Если хочешь вдохновенья — Чабан-пати — вот решение!» И торйöдчигөн, кор Наташа быдөнөс корис волыны Калмыкияö, тайö жö речов-касö горöдім!

Быд лун миянлы петкөдлісны видео, мый интереснöйыс вöлі колян луннас. А бөръя видеоас Ирэн Лайф (рытьяссö нуöдысь) юаліс öти нывкалысь:

- Кажитчис «Тавридаын»?
- Да, нöшта на кöсья волыны!
- А тэ медводдзаысь?
- Абу! Коймöдысь!

Ог тöд, окота-ö лоас меным мöд во волыны «Тавридаö»... Видзöдлам! Но тайö ветлёмöй сэтшöма кажитчис! Аддзи сійöс, мый корси: öтилаö чукöртчисны уна том гижысь. Быдөн аслыс-пöлөс, быдөн кöсйö бурмöдны сямсö! И ме, «Тавридаö» ветлём бöрын, неуна кути гөгөрвоыштны, кодарлань синны кывбуръяс гижигөн. Со татшöм кывбур менам артмис гортö локтігөн:

Ме локта! Ме локта!
Тадз волевлö тöвру,
И жаялём вөр-валы
Лов шысьыс долыд!
Ме тöда, тэ мудзин.
Ме кыла, тэ бöрдан...
Но регыд нин сайкалас
Гажтöмтчысь лолыд.

И окавтём вом дорыд —
Лов шысьым вазяс,
И вазьылём син дорыд —
Лов шысьым косьмас!
Ог öтчыдысь лок ме, а куимысь!
Дасысь!
И сьöлöмьд,
Öшинь моз,
Дрöгмунас — воссяс!

Снимок вылын: отчёт дырйи.





Николай МАЛЬЦЕВ

Сё пропал...

В И С Ъ Т

Костя быд лун ветлӧдліс шӧр больничаӧ видлыны ассъыс дона гӧтырсӧ да пузчужӧм нылуксӧ: кыдзи-мый дзоньвидзалуныс да аскылӧмныс. Вайліс кутшӧмсюрӧ чӧскыдторъяс и. Сикт кузя муніг коді вочаасяс, быдӧн чолӧмалӧны да став бурсӧ сиӧны сӧвмысь семьялы — Линалы и кагукыслы.

Костялӧн тӧщайс, Дарья, вӧлі ноксӧ градъяс вылас, кор сы дорӧ тапиктіс ыджыд мыгӧра, тӧдчысь гӧрба баба. Сиктын сыысь ставӧн полісныкодъ: кужис нимтысьны, вӧйпны, крапкыны чорыд кыв либӧ мӧдарӧ — леститчӧмӧн пырны лолад. Дарья-кӧд сійӧ вӧлі ылысса рӧдня, та вӧсна шуліс прӧстӧ Клавдиӧн. Но син саяс, кор Клавди вывтіджык сюртчыліс найӧ семья костӧ, сэки сылӧн нимыс вӧлі Егышна (коліс гӧгӧрвоны, кыдзи ыджыд да грӧзнӧй баба). Ныв-пи аньлӧн эз вӧв, том каднас на «пыркӧдчис».

— Дарьюш,— небыдика шыӧдчис Клавди.— Мыйла нӧ лӧдзан зятӧтӧ сикт кузя, мир туй вывтӧ рӧдильнича дорӧ ветлӧдлыны?

— А мый нӧ сыын лӧкыс?— чуймис Дарья.

— Мир туй вылӧдыс вед быд лӧкыс ветлӧдлӧ: код йӧз, матыкысьяс, гусясьысьяс, быдсяма шпанаыс. Зятӧд больницаас нуӧ быд лӧксӧ, нылыд и кагукыс вомдзассясны. Он ӧмӧй тӧд тайӧ приметасӧ?— лӧниника эскӧдіс Дарьяӧс Клавди.

— Некод меным тайӧторсӧ эз висътавлы. Нэм чӧж ветлӧдлім мир туйӧд, и Ен видзліс, нинӧм торъя эз лолы,— дорйысис Дарья.

— А вед эм сӧстӧм туй: больничасяньыс лӧччыны Эжвалань да Епим сикт пыр локны гортад. Сійӧ туйыс сӧстӧм, некод оз паныдась ни юась — рӧдильнича ни кагукыс оз вомдзасьны.

Кор Дарья воліс больницаас да висъталіс нылыслы тайӧ сёрнисӧ, мӧдыс сӧмын шемӧса нюммуніс:

— Аددзӧмныд тай сёрнитантор! А сідзсӧ — кыдз кужанныд. Костя вермис и берег пӧлӧныс ветлӧдлыны: ӧти сайысь пыжсӧ дай берегдорса будкасӧ позяс син улас кутны.

Колис лун-мөд. Дарья дорё тэрыба шавксёдіс Епим сиктса өти керкаын олысь Нонна. Нывбабаыс төдчымөнтя гажа юра, горалё:

- Дарья тьот, то эстён зятъыд туплясьо, няйт код.
- Ог эскы! Нонна, тэ тай ачыд код!
- Ме-э? Ветлы, колёкё.
- Көть ас судта зёлөта сетасны, ог эскы.
- Кыдз кужан...

Дарья век жё тэрмасёмөнкодъ мөдөдчис Ноннаяслөн керка-лань. Некутшөм морт сэнi абү. Нонна кытчөкө вошөма и. Видзөдө: ылынкодъ, больницаувса берег ковтысын, дөларё зятъыслөн еджыд дөрөмыс. Сэсся сійө кытыськө матыстчис тьоща дорас да юалё:

— Мый нө менө вочаалан? Чайтін, мый дыр эг лок гортө да сы понда али мый?

Рыгнас Дарья корсьліс Ноннаос да бура и пиняліс. Нонна эз соссы, но шуис, Клавди пө аддзылөма. Дарья Клавдиос корсьны эз понды: төдіс, мый сійө соссяс весиг пернапасасьомөн.

* * *

— Зятъ, Ягшор сайын эм эжөра гөп. Вай ветлам да ыткыш-там: эжөрыд ыжъяслы вольос пыдди сгөдитчас.

— Ветлам но. Косаяс лэчтышта дай пошли.

Ягшор абү и ылын. Мунігас сідз-тадз кыв-мөдөн варовитыш-тісны, но Костя казяліс, мый тьощаыс озкодъ сюртчы сёрниө, но быдторйыс тай овлө.

Эжөр ытшкөмыд абү сера робота, торйөн нин зятъыслы: коскыс кокныда на нюгласьо-куснясьо, а мичаа шевкнитчан пластъясыс асьныс ышөдөны сьөлөмсянь палсыны покоссө.

Видзторйыс абү и ыджыд. Косьтөм бөрас турун лоас уна вылө пуд нель. «Лун-мөд мысти нөбъялөмөн ваяла гортө»,— думайтіс Костя.

Ытшкөм бөрын видз бокас зятя-тьощаа пуксисны «лолыштны». Дарья и шуө:

— Зятъ, ме век көсья юавны тэнсьыд, да ог төд, мый шуан.

— Юав но.

— Епим сиктса пө сёрнитөны, он-ө тэ Вась Наталькөд нок-сьы?

Чардби кө вөлі да гымыштіс, эз эськө сэтшөма шемөсмөд Костяос.

— Мый шуин?

— Йөзыс пө тай сёрнитөны,— раминика шуө Дарья.

— Коді? Ачыс Натальяс али мый?

— Оз. Сійөс ме матө төлысь нин эг аддзыв.

Гортас локтөм бөрын Костя көсийс пырысь-пыр аддзөдлыны Натальясө, но кызкө көдзалис. «Кадыс кольыштас да...»

Лун-мөд мысти, кор Костя кильчө вылас вөлі вөчө сера бедъ, казяліс: Вась Наталья тэрмасигтырйи мунө Анна чой дорас. Костя тэрыба чукөстіс тьощасө кильчө вылас да тшөктіс сёрнитыштны ськөд, ачыс пырис посводзас.

Кор Наталь матыстчис кильчө весьтө, Дарья сылысь юалис:

— Наталля Васильевна, йӧз сёрнитӧны, быттӧ тӱ мусукасян-ныд менам зяткӧд.

— Ми? Ме сійӧс, гашкӧ, тӧлысь нин эг аддзыв сёрнитмӧнъя, да и дум абу честнӧй мортӧс льякӧсьтны. Висьтав, кодӱ тадзсӧ сёрнитӧ — ныр-вомсӧ разя. Кляузничасӧ тӧда, кодӱ. Но соссяс, мирскӧй страмина.

— Эн дивит, Васильевна, юалӧма тай лои.

— Тэнӧ нӧ мыйла понда дивитны? Эн шогсьы нинӧм абусьыс.

* * *

Кринча тыын чериасьӧм бӧрын Серапим кӧсйис кайны гортас, но пыж моторыс эз заведитчы, мый кӧть эз тракйись мудз мортыд. «Тыдалӧ, войбыдӧн катушкаясыс ульсалӧмаӧсь», — ылӧ-салӧ Серапим. Пуксис мудзсӧ веськӧдыштны.

Эжва горувсянь кылӧс пыж моторлӧн жургӧм. Матыстчис пыжаыд, сибӧдчис берегӧ. Вӧлӧмкӧ, Йӧрӧмка сиктысь бура тӧд-са Митрей Ваньӧ, Клавдилӧн вежапиыс. Чолӧмасисны.

— Серапим дядь, домась да горт весьтӧдзыд кыска, бензиныс менам тырмымӧн.

— Сӱдзкӧ, тэ и мортыс, Ваньӧ.

Мотор жургӧ, но гораа сёрнитны верман.

— Кытчӧ нӧ тадзсӧ мӧдӧдчин, Ваньӧ? — юалӧ Серапим.

— Сплав посёлӧкӧ. Кӧзйикапукӧд сёрнитчим лӧччыны карӧ, сылӧн бать-мамыс корӧны. Квартира пӧ прӧстмӧ, асьныс мунӧны Белоруссияӧ. Удж места миянлы корсьӧмаӧсь и.

Серапим тӧдӧс, мый Клавдилӧн дум — кыскыны Ваньӧс ас овмӧсас. Но Линакӧд сійӧс ӧтлаавны делӧыс «эз гынмы». А ӧнӱ и ачыс Ваньӧыс, тыдалӧ, кылалас бокитӱ. Думыштӧс Серапим сёрнисӧ гӧтырыскӧд не гартны, а то сійӧ шуас, ставсӧ пӧ тэ, урӧд, дзугин! Сӧяс!

Мужикъяс катлӧсны Серапим горт дорӧдз кыйдӧс и кулӧмъяс вешала дорӧ. Клавдилы нимкодъ: «Ваньӧ локтӧма! Гашкӧ, свадь-буйтны корны да. Йӧрӧмкаад вед тӧлка мича нывъясыд абу ӧтик. А вежанявны свадьба дырйи — тайӧ Енмӧн сетӧм чесът».

Клавди ломзӧдӧс самӧвар, гӧсьтлы на и шкалик кыпӧдӧс.

Сзккоста мужикъяс лӧччисны вадорӧ справитны моторсӧ да вылӧджык кыпӧдны Серапимлысь пыжсӧ. Пока Серапим катлӧс кӧлуйсӧ, Ваньӧ лӧсьӧдӧс мотор — кӧть ӧнӱ журкнит. Кайис вежаныыскӧд чолӧмасьны: аддзысьлытӧг уйкнитны абу лӧсьыд. Шуис ӧд Серапим дядьыс, пырыштлам пӧ, по чай стӧкану примитам, а то пӧ май праздникъяссянь эг на аддзысьлӧй.

— Ог, ог, Серапим дядь дай вежаньӧ. Гӧтырпу, кӧнкӧ, ёна нин майшасьӧ, мыйкӧ пӧ эз-ӧ туяс ло?

— Кутшӧм гӧтырпу? — чуймис Клавди.

— Наташа. Кодӱ тай сплавкантираас бухгалтерӧн уджалӧс.

Клавдилӧн чужӧмыс вежсис, печатӧссис: сӧ пропал... Рӧдимӧй вежапиыд кӧ нин сюрӧдчис щӧтки моль вешталысь бӧжтӧм каша дзугйӧ, олӧм эштӧс. Сӧ пропал...



Видза оланнйд, редакцияса уджалысьяс!

Көть и неуна сёрмыштөмөн, чолөмала тiянөс Вылъ 2019 воён да Рөштвоён! Сиа тiянлы крепыд дзоньвидзалун, шуд, тыр-бур олөм да уджад выль вермөмъяс!

«Войвыв кодзувлөн» кольөмвоя 12 номер меным да миян семьялы торъя дона. Сэни петіс Светлана Борисовна Терентьева-лөн «Став вынөс да радейтөмөс сета налы — менам бурдысьяс-лы» статья. Статьяыс менам мам — Васса Васильевна Горская — медводдза коми нывбаба-врачъяс пиысь öти, Печораса (Канинса) шөр больничаясь медводдза главнöй врач йылысь.

Таво, январ 13 лунö шөр больничаса öти корпусö öшөдöма Васса Васильевна Горскаяөс казтылан пöв.

Миян ыджыд котырным — В.В.Горскаялөн йылöмыс — аттьöалам тiянөс, пыдди пуктана редакция, мый республикаса



журналын чужан коми кывйөн лои позяна йöзöдны Васса Васильевна Горская олөм туй йылысь гижöдсö, кыдзи сійö быдмис Первой мирöвöй война кадся санитаркасянь вöлöсьтса пельшөр-акушерöдз да сэсся война кадö выльөн котыртөм Кожва районса главнöй врачöдз.

Светлана Борисовналысь статьясö бура комиöдöмаöсь. Журналтö лыддигөн пыр шензи, мый эг вунöд коми кывсö, көть муртса вит во сöмын (сизим арöссянь дас кыкöдз) и велöдлі тшöтшъяскöд сёрнитігөн. Ичöтдырсянь (Перым, Кулөмдін) семьяын сёрнитісны комиён, а мекöд сöмын рочөн. Сы бöрын сизимдас сайö восö ме эг сёрнитлы ни эг лыддысьылив чужан кывйөн. Да весиг эг чайт, мый паметын кольöма коми кывлөн йöзкост сёрниыс.

Тiян журнал ыджыд горөн шыасис сьölөмлөн пыді пельöсысь да чукöстіс водзö ёнмöдны чужан Комикöд йитöдъяссö,

ловзёдны да джудждёдны чужан кыв тодёмс, корсьны виль
тодсясёс да ёртъясёс.

Аттьё! Муёдз копыр!

Пыдди пуктёмон — Генриэтта Сергеевна Нефёдова.
Екатеринбург, февраль 11 лун.

Р.С. Редакциясянь висъталам, мый тавося февраль 14 лунё
Генриэтта Сергеевнаны тырис 90 арёс. «Войвыв кодзув» журнал
нимсянь чолёмалам сійёс тайё ыджыд тшупода пасён, сиа
крепыд дзоньвидзалун, кузь нэм да бур шуд! И, кызди шуё
Генриэтта Сергеевна, кутам ёртасьны!

Снимок вылын: *Генриэтта Сергеевнанысь 90 арёс пасйигён. Чукёрт-
чёмаёсь В.В.Горскаялөн йылöмыс. Пукалöны, шуйгавывсянь: Марина,
Алексейлөн гöтыр; Анна Пьянкова, праправнучка; Генриэтта Сергеевна,
В.В.Горскаялөн нылыс; Татьяна Мельник, правнучка; Ярослав Мельник,
праправнук. Сулалöны, шуйгавывсянь: Евгений Горский, внук; Георгий
Мельник, праправнук; Екатерина Пьянкова, внучка; Михаил Пьянков,
правнук; Алёна Пьянкова, праправнучка; Алексей Пьянков, правнук;
Наталья Мастракова, племянница; Светлана Горская, Евгений Горский-
лөн гöтырыс.*



ПЫДДИ ПУКТАНА АВТОРЪЯС!

Редакцияё гижёдъяснытö ыстигён быть колö юöртны:

1. Ассыныд ним, вич, ов; кор да көні чужломныд (лун, төлысь, во).
2. Паспорт юöръяс: номер, серия, кор да көні сетисны, гортса адрес (прописка серти).
3. Индивидуальной налогöвой номер — ИНН.
4. Страховöй свидетельство номер.
5. Банкын счёт реквизитъяс.

Тайёс юöрттöг редакция гонорар оз вешты.

*Журналын йöзöдтöм гижёдъяс
редакция оз рецензируют и авторыслы найёс оз мöдöд.
Редакция оз век во öти кывйö авторъяскöд.*

Компьютерный набор — **Н.Кузнецова.**

Учредители: Администрация Главы Республики Коми,
«Союз писателей Республики Коми» — региональное отделение общероссийской
общественной организации «Союз писателей России».
Издатель: АУ РК «Издательский дом Коми». Директор Орёл И.Н. Адрес издателя: 167982.
ГСП-2, Республика Коми, г. Сыктывкар, ул. Карла Маркса, д. 229, Дом печати.

Адрес редакции: 167982, ГСП-2, Республика Коми, г. Сыктывкар, ул. Карла Маркса, д. 229, Дом
печати. Телефоны редакции: 24-47-52 (гл. редактор), 24-51-52 (общ. отд./факс), 24-46-36 (бухгалтерия).

E-mail: kodzuv@mail.ru; Сайт: www.komimu.com

Подписано к печати 15.04.2019. Дата выхода в свет 30.04.2019. Формат 70х108^{1/16}. Печать офсетная.
Усл. печ. л. 7; усл. кр.-отт. 8,4; учётно-изд. л. 7,54. Тираж 419. Заказ № 19-3400. Регистр. ПИ №
ТУ11 - 00347 от 24.03.2017 г. выдано Управлением Федеральной службы по надзору в сфере связи,
информационных технологий и массовых коммуникаций по Республике Коми. Публикация
материалов на социально значимые темы осуществляется за счет субсидии, предоставленной
Администрацией Главы Республики Коми из республиканского бюджета Республики Коми.
Отпечатано в ООО «Коми республиканская типография», 167610, Республика Коми г. Сыктывкар,
ул. В.Савина, д. 81. Цена свободная.

«О-ла-ла, Таврида!» гижӧд дорӧ.



Снимокъяс вылын:

1. «Ставыс лоас Таврида!» — форумлӧн девиз.
2. Миян «пятнашка». Шуйгавывсянь: Кристина, Элбэк, Полина, Маша, Оля, Таня, Наташа, Дамир, Ксюша, Санин Саньӧ. Шӧрас — Лера (куратор).

Снимокъясыс **Ольга Баженовалӧн.**

